

A Sunga Om Thute

1	Gualzawh Nading Lamlak	— <i>September 27-October 3</i> —————	5
2	Hehpihna in Lungsim Phawng	— <i>October 4-10</i> —————	13
3	Hehpihna Phawk Dingte	— <i>October 11-17</i> —————	21
4	Buaina Khempeuhte Nungah Buaina	— <i>October 18-24</i> —————	29
5	Pasian in Note adingin Hong Dosak	— <i>October 25-31</i> —————	37
6	Asung-a Gal	— <i>November 1-7</i> —————	45
7	Atawpna Cihtakna: Galphual ah Biakpiakna	— <i>November 8-14</i> —	53
8	Upna Lian Neite: Joshua le Caleb	— <i>November 15-21</i> —————	61
9	Kamciam Luahte, Lametna Thongkiate	— <i>November 22-28</i> —	69
10	Joshua Taktak	— <i>November 29-December 5</i> —————	77
11	Leitangh ah Nungta	— <i>December 6-12</i> —————	85
12	Pasian pen Citak Hi!	— <i>December 13-19</i> —————	93
13	Tuni in Teel Un!	— <i>December 20-26</i> —————	101

Editorial Office 12501 Old Columbia Pike, Silver Spring, MD 20904
Ka website-te ah hong hawh un: <https://www.adultbiblestudyguide.org>

Principal Contributor

Barna Magyarosi

Associate Editor

Soraya Scheidweiler

Pacific Press®

Miguel Valdivia

Editor

Clifford R. Goldstein

Publication Manager

Lea Alexander Greve

Art Director and Illustrator

Lars Justinen

Editorial Assistant

Sharon Thomas-Crews

Translated in Zomi Version

Ngo Kho Nang

Associate Editor in Zolai

Suan Lian Kham

Associate Editor in Zolai

Cin Suan Mung

Khangham Sabbath Sang Lai Siangtho Sinna pen © 2025 General Conference of Seventh-day Adventists®. Khangham Lai Siangtho Sinna Lamlak Zumpi pan kibawl hi. Leitung bup Sabbath Sang Thusinna Khutgelh (manuscript) Sittel Committee' lamlahna bangin a kibawl ahi hi. Tua Committee-a kihelte pen Consulting editors hi pahuh hi. Lesson sunga om thute pen a atpa bek ngaihnutna hilo-in sittel committeete-a zong akihel ahi hi.



Thungetna Phawk Ni



- † Kawlgam sung buainate a veng' baih nading †
 † Kha thak tampi pawlpi sungah hong kibehlap nang †
 † Ih pawlpi ciat ah Kha khanlawhna i ngah theih na ding †
 † Pasian na' semding-a a kipia khia i Siate, Upa khempeuh ading †
 † Gam sung, gam pua a-om nasem, sum zong i pawlpi mi khempeuh ading †

Zing Biakpiak Hun a Simding

October	November	December
1 <i>Roman 12:1</i>	Sabb <i>John 14:2</i>	1 <i>Pian. 3:4</i>
2 <i>1 Kor. 6:19</i>	2 <i>Siam. 16:18</i>	2 <i>Mang. 16:13, 14</i>
3 <i>Heb. 12:1</i>	3 <i>Efesa 1:10</i>	3 <i>1 Peter 1:3</i>
Sabb <i>Pian. 1:3</i>	4 <i>Heb. 9:22</i>	4 <i>Sawl. 24:15</i>
5 <i>John 4:14</i>	5 <i>Daniel 8:17</i>	5 <i>Mark 1:23, 24</i>
6 <i>Pian. 2:8</i>	6 <i>Daniel 8:16, 17</i>	Sabb <i>Mang. 20:2</i>
7 <i>Pau. 20:1</i>	7 <i>Daniel 8:25</i>	7 <i>Ezek. 3:17</i>
8 <i>Late 46:10</i>	Sabb <i>Rom. 8:34</i>	8 <i>Ezek. 28:19</i>
9 <i>2 Kor. 3:18</i>	9 <i>Mang. 14:7</i>	9 <i>Daniel 7:27</i>
10 <i>1 Pet. 2:11</i>	10 <i>Mang. 22:12</i>	10 <i>1 Kor. 6:2</i>
Sabb <i>1 Kor. 10:31</i>	11 <i>Sawl. 1:11</i>	11 <i>Mang. 20:7</i>
12 <i>Thkn. 14:8</i>	12 <i>1 Kor. 15:52</i>	12 <i>2 Kor. 5:10</i>
13 <i>1 Pet. 3:3, 4</i>	13 <i>Mang. 1:7</i>	Sabb <i>Mang. 20:9</i>
14 <i>John 3:8</i>	14 <i>Titus 2:13</i>	14 <i>Matt. 3:12</i>
15 <i>Pian. 1:26, 27</i>	Sabb <i>Mark 13:24, 25</i>	15 <i>Late 92:7</i>
16 <i>Pian. 2:24</i>	16 <i>Matt. 24:14</i>	16 <i>Luke 12:47</i>
17 <i>Amos 3:3</i>	17 <i>Mang. 13:3</i>	17 <i>2 Pet. 3:10</i>
Sabb <i>Pau. 5:18</i>	18 <i>Matt. 24:12</i>	18 <i>Ezek. 28:18</i>
19 <i>Rom. 5:8</i>	19 <i>Luke 21:10, 11</i>	19 <i>2 Pet. 3:13</i>
20 <i>Efesa 5:53</i>	20 <i>Matt. 24:44</i>	Sabb <i>Luke 11:2</i>
21 <i>Pai. 20:14</i>	21 <i>Daniel 9:25</i>	21 <i>John 14:1, 2</i>
22 <i>Matt. 5:27, 28</i>	Sabb <i>Matt. 28:20</i>	22 <i>Mang. 5:10</i>
23 <i>Matt. 19:6</i>	23 <i>1 Sam. 28:3</i>	23 <i>1 Kor. 13:12</i>
24 <i>Thukhente 1:22</i>	24 <i>Pian. 3:4</i>	24 <i>Late 16:11</i>
Sabb <i>Kol. 3:20</i>	25 <i>Rom. 6:23</i>	25 <i>Mang. 22:2</i>
26 <i>Pau. 1:8</i>	26 <i>1 Kor. 15:51-53</i>	26 <i>Mang. 21:4</i>
27 <i>Thkna. 4:8, 9</i>	27 <i>Late 13:3</i>	Sabb <i>2 Kor. 4:16, 17</i>
28 <i>Late 71:18</i>	28 <i>Pian. 3:19</i>	28 <i>Ezek. 33:11</i>
29 <i>Heb. 8:1, 2</i>	Sabb <i>Late 89:48</i>	29 <i>John 14:2, 3</i>
30 <i>Heb. 9:9</i>	30 <i>Pian. 2:7</i>	30 <i>Mang. 21:4</i>
31 <i>1 Tim. 2:5</i>		31 <i>1 Kor. 15:50</i>

Hunpha Nihna: Joshua Laibu



Joshua' laibu in Moses kiang pan Joshua tungah makai ki-aapna thu ahi hi. Israel mite Kamciam Gam a lutna uhtawh kipan a, gamsungah teenna tawh thukhup hi.

Joshua in thu han mahmah khat azuih kul hi. Tua pen, Moses pusuakna pan kipat ding thu ahi hi. Tua tona zong a kipatna hipan hi. Moses in ahieh ngeiloh thu Joshua in hih tading hi; kum 40 sung a minam a ukkhit ciangin, kum tampi lai in putepate tungah Pasion' kamciam ombang in Jordan kantan in Canaan lut ding uhhi.

“Moses, Ka nasempa sikhin ahieh manin, tu in tho in, hih mite khempeuh tawh Jordan kantan inla, amaute Kapiak ding gamlam zuan un” (*Joshua 1; 2*).

Hih laibu kamhonna tawhtang in Joshua tungah Topa' thupiak kammalte hi a, amaute un [YHVH] in amaute apiak gamsungah lutding uhhi. Joshua in zong amahbek asepe ding hituanlo a, Topa' tawh thuciamna a mang khangmasate a tonpihpa makaihna bektawh ahi hi. Hamsiat daanbel tuabang nahih khalo uh a, amau' gamtatna sulzui teng thuakpah uhhi.

Abeisa kum40 sungteng in Israel in thuciam tawh akilehbulh in asialam thuak zawsop uhhi. Amaute' Pasion a langdona uh hangun, Caleb leh Joshua lobuang, Paikhiat na sunga na lamdang teng amu dikdek khangham teng khempeuh un sehnal lakah bei siang uhhi. Moses' laibu

nga lakpan lii tengin sehnel sunga thupiangteng vive pulakna ahi hi. Tu in Joshua' makaihna tawh khangnihna in tua gam laak ding tona teng maingat ta uh hi.

“Tuaciangin Moses in Joshua samin, Israel te' muhin ama' kiangah 'thahat inla hangin. Amaute tungah piak dingin Topa in amau' putepate tungah a ciansa leitangah hih mite tawhn napai ding a, nangmah in hih leitang amaute na ngahsak ding hi. Namai ah a paipa in Topa ahi hi. Amah in nang hong ompih ding a, nang hong cimawhsak lo in, zong hong nusialo ding hi. Laukei inla lungkia kei in” (*Thlk. 31:7,8*).

Tuan pupate le Moses tunga kamciam tengin picingta ding uhhi. Nidang in inn neilo vakthap mite, tu in a thakin hong kipan uh a lam-etna lianpi hong neita uhhi. Pasion in citak takin sal pan suahtak khin a, tua gam tawh kisai in Amah muanhuai in Akamciam picin taktaklai ding hi.

“Joshua laibu in adeihna bulpi taktak pen Israel in kamciam gam lut ding; tua gam zo ding a, amau' beh zui in hawmsem ding cih ahi hi. Tuathu mahin a laibu' thupiak bulpi hipah a, Pasion in cihtakna tawh Abraham tungah Ama' kamciam a tangtunna hi. Tua laibu in Ama' kamciam tungah Pasion' cihtakna pulak hi” (*Josh. 21:43-45*) —*Andrews Bible Commentary* (Andrews University Press, 2020), p. 365.

Joshua' laibu pen a beisa kum tulthum laipek in kigelh hiphial taleh, tuni hih leitunga haksatna khalam tonate in Joshua' hunlai tawh ki lamdang lualo cih imuta ding uhhi.

*Joshua' laibu pen a
beisa kum tulthum
laipek in kigelh
hiphial taleh, tuni hih
leitunga haksatna
khalam tonate in
Joshua' hunlai tawh
ki lamdang lualo cih
imuta ding uhhi.*

Tona namtuamtuam in ki phukha thei a, a diakin khalam tona, eima' bitna, upna leh Pasion in Amite hong piak nasepte picin sakna ah lauhthawwna cihte hiding hi. Tuhun mah in Pasion hong kamciamsa te ngahtheihna dingin Joshua limlahna in eite a dingin ettehtaak hi.

Barna Magyarosi in tulaitak in Inter-European Division ah lai-atpipa sem in amau Division ii Biblical Research Committee ah zong chairman ahi hi. A Pasion nasepna pen pawlpi kem pastor pan kipan, South Transylvania Conference, Romania ah department director, president of Adventus University, Romania ah theology hilh sia le makaipipa a sem hi.

LESSON 1

*September 27–October 3

Gualzawh *nading* Lamalak



SABBATH NITAAK

Tu Kaalsung Simding: *Thkna. 18:15–22; Joshua 1; Heb. 6:17, 18; Eph. 6:10–18; Late 1:1–3; Rom. 3:31.*

Kamngah: “Ka nasempa Moses in nang hong piak thukham khempueh limtakin na zuih theih nadingin thahat inla hang in. Na paina peuhpeuh ah na daupai nadingin tua panin taklam ahi-a, veilam ahi zongin pial kei-in.” (*Joshua 1:7, ZSV*)

Benjamin Zander pen Boston Philharmonic Orchestra ah tum ging lam hilh siapa ahi hi. Sangnaupangte in laivuan dinguh kihta mahmah cihzong amah’n thei hi. Sangnaupangte lung nuam takin a omtheihna dingun, amau hihtehlih tawp in a hanciamna uh “A” piading hi’ng ci in tangko hi. Tua “A” cih venvan zong amau’ hanciam zawhzah bangbang hilel ding cihi. Amau hih ding daan pen, laisinkum kumlang sungpan kaal masa kaalnih sungin laikhak khat gelh ding hi. Tua lai sungah amau un lai onгна sang tawh a kilawmna uh gelh sitset dinguh cihi.

Joshua’ laibu zong hihtheihna thak khat ahi hi. Moses in kum 40 sung sitset Israel te uk khinzo a, tangthu hita hi. Egypt pan paikhiatna leh gamlak a vakthapna in langdona leh lungkhauhna hang hi a, a hun beikhin ta hi. Pasion’ thu a mangnuam khangthak khat in Kamciam Gam sung lut dingin kigingsa in om a, amau’ lam-etna bangbang hilo, amau’ hihzawh zahzah bek hita ding hi.

Pasion in Israel a dingin laimai thak khat a honsak mahbang in; eite a ding zong hong honsak na ding thu ikisin ding uhhi.

*October 4, *Sabbath ading kiginkholhna in tu kaal lesson sim in.*

Moses Thak Khat

Simin, Thuhilhkikna 18:15–22 le Joshua 1:1–9. Moses a sihkhit ciangin thupiang ding kamciam khat tawh Joshua laibu a kipat sese na in banghang in tuampian saktei hiam?

Moses a sih ciangin, makai thak khat Joshua kiteel khinzo hinapi amaute ki tuiton theihna om hi. A nihgel un tuan pupate tungah kamciamsa gamsungah a mite uh makaih ding Pasion in sawl hi. Joshua kiangah Topa in: “na khe un a totna mun khempeuh note kong pia hi” (*Joshua 1: 3*) cih. Moses tungah a kipiassa vaipuak teng Joshua in tangtun ta ding hi. Amah in Moses a thak liklek ahi hi.

Simin, Pai. 33:11; Gam. 14:6, 30, 38; Gam. 27:18; Gam. 32:12; Thk. 1:38; Thk. 31:23; le Thk. 34:9. Hih munteng in Joshua tangthu bangteng gen hiam?

Hihmun ah Pasion in Moses tawh a kibang kamsang khat “piang sak” ding cihpen (*Thk. 18: 15*) a piang takpi ding sangin a hitheithu cihna hibek hi. Joshua’ laibu kamhon na kammal teng a simte in a kamciamte leh tuate a tangtun ding lam-etna hong neisak hi.

A sikhinsa Moses nangawn in a lian khatna sung deepzo lai hi. Moses’ min sawm vei leh Joshua’ min li vei bek ki pulak hi. Moses pen “*Topa’ nasempa*” kici napi, Joshua ahiehleh “*Moses’ nasem*” (*Josh. 1: 1*) cibek hi. Joshua in “*Topa’ nasempa*” (*Josh. 24: 29*) a suahtheihna dingin, a khantawn mah citak takin Topa’ na a sep kul ding hi.

Joshua’ laibu a lian khatna sungah makaipi nihte kilaihna thu a pulak teei hang a gamtang taktak pen Topa Amah ngiat hi a, ama’ kammal in laibu hong a, ama’ makaihna in laibu ukzo hi. Tua hi a Israel makaipipa kua hiam cih pen dotdot zong kul nawnlo lel hi.

A khang a khang in Pasion in Amite makaih dingin numei pasal sam den hi. Muhmawh in pawlpi makaipipa taktak kua cih theihna in banghang in thupi thei hiam?

Kantan! Luah! Kihawm! Nasem!

Simin, Joshua 1. Hih thuhona tungtawn in tua laibu a kigeeldan koi bangin hong theisak hiam?

Joshua a lian khatna in a laibu buppi a ding kamhonna hipah hi. Laibu khenli a suahthei kammal thupi li kihel hi: kaantanna (*Josh. 1:2-9*); zogawp (*Josh. 1: 10, 11*); a gam kihawm (*Josh. 1:12,13*) le thukham mangin nasem (*Josh. 1: 16- 18*) cihteng ahi hi.

Joshua' laibu in Pasion hong kalsuan masakna vive ahi hi. Kalsuan masakna simin Pasion in Canaan laakna ding tawh kisai in Joshua tungah mawhpuk amalmal in pia a, a malkhat simin a gualzawh a tangtut khit ciangin laibu sungah ki ciapteh sak hi.

A nunungpen ciangin gamluah ding Pasion in a kamciamna tangtung ding hi. Tua ciangin tua gam a kepcin ding Irsael mite mawhpuk hi a, upna taktak neih tawntungna leh thumanna bek tawh kizo thei hi. Pasion hong kalsuan masakna zong sepna thum tawh ki pulak a – “kaantan,” “luah,” le “kihawm” hi-a, Pasion hong kalsuan masakna tungtawn in thumanna tawh: sepna ahi hi.

Joshua laibu in khenpi li in kikhen thei a; khenkhat simin Hebrew kammal khatta tungtawnin ngaihsutna namli tawh huam in kipulak hi:

1. Kantan (*Josh. 1:1-5:12*)
2. Luah (*Josh. 5:13-12:24*)
3. Kihawm (*Josh. 13:1-21:45*)
4. Nasem (*Josh. 22:1-24:33*).

Tua laibu omzia in ama' thupiak bulpi mah ahi: Pasion hong kalsuan masa ahihitei hang tuate in amau thuthu in hong tangtung lo ding hi. Amite'n cihtakna tawh a dawn thukna mah ngen hi. Cihnopna ah Pasion hong sepsaknate – eite a ding hong sepsak nate zong, ei le ei kisemkhia theilo a, eima a ding eima' septheih ciangciang sem ding in hong kisam a, tua zong Pasion hong sawlna mang ding hibek hi. Siangtho tangthu in tuabang in piang a, tuni dongin kiplai hi. Mang 14:12 sunga hun nunung Pasion' mite zong tua mah bang ding a: Pasion hong sepsakna sungah upna tawh thumanna piangsak hi.

Nang a dingin a manpha pen Pasion' kammal sungah kamciamte ngaihsun in. Tua thute hong picin theih taktakna dingin nangma' lampan koibang in dawng thuk dingin hong kal naci hiam?

Kamciam Luahte

Joshua 1:2, 3 sungah Topa in Joshua kiangah tua gam kong pia hi cihi. Thu dang khat panin, Kong piakhin zo hi cihi. Bang a cihnopna aitam?

Tua gam pen a Neipa taktak Topa in a piakkhong ahi hi. Joshua 1: 2, 3 sungah sepna kammal “pia ding” cih zang a, gam luahna ding thu thupi namnih om hi. Amasa in tua gam a piak daan hi. Israel in Jordan gunpang tengbek luahzo photphot hi. Kamciam Gam a tamzaw a laklai dinguh ahi hi.

Joshua 1:3 sungah sepna pen a picing khin ci a, tua gam amaute tungah kipiakhin cihi. Tua nasepte pen Pasion nasep hi a, tuate pen “kamciam picing” kici hi. Ama’ kam mal sunga Ama’ kamciamte in tuni tuhun a dingin muanhuai mahmah hi.

A taang 3 ah “Note le Note’aa” cihte in mitam hi a, tua kamciam in Joshua tung bek ah kipia hilo a, Israel mipi buppi tungah kipia ahi hi. Moses tungah apiak kamciam a genphatna pen Pasion’na semzom suak cihna ahi hi.

Hebrew pau *kol*, “khempeuh” “malsim” cihna hi a, a lian khatna sungah tamveipi ki pulak hi. A zaipi in ahuam tua kammal in avekpi kigawm, le Joshua in ama’ vaipuak nasep pen zokhin sitset cihna zong ahi hi. Pasion, Joshua le Israel mpite in thum kigawm in a thutuak uhleh bek gualzo thei dinguh a Kamciam Gam lazo thei ding uhhi.

Simin, Joshua 1:4–6 le Heb. 6:17, 18. **Tua laitak lianin, tua Kamciam Gam in kamciam bekmah hiphotphot lai hi. Hinapi, Pasion in gamh cihi. Pasion’ gamh luah cihteh bang acih nopna ahi diam?**

Pasion kamciamna sungah bum leh ai kihel vetlo hi. Amau mahmah kih uut ding leh picin theihna’ng bang vang mahmah neilo uhhi. Tuata a picintheihna dingin Pasion’ ompihna “note tawh kong omkhawm ding hi” cihthu bekin lungmuanna neisak hi. Pasion’ ompihna in Israel kipkhona dingin phamawh mahmah hi. Tualo peuhmah tawh amaute in zong minam tampi lakah, saptuam ahilo, mintuam, nasep tuam a neilo namkhat mah hilel ding uhhi (Pai. 33:12-16). Joshua in a gualzawhna dingin Topa ompihna kisam bel hi.

Matt. 28:20 sunga Zeisu’ kamciam omsa mahbangin tuni in zong bangmah kikhel tuanlo hi.

Thahat In!

Simin, Joshua 1:7–9. Joshua in ki thahat sakin hangsan ding cih nih vei tak banghang in Topa in sawl hiding hiam?

Joshua in a maingat ding vaipuak in a lauhuai mahmah tona vive ahi hi. Khuapi kulhte lah suksiat zawhloh le amite zong galsiam dingin a kihilhiam vive hilailai uhhi. Israel mite ahih uhleh tuihoih leihoih zongin a vakthap lel, tua kulhpite lakzawhna ding galhiam bangmah a neilo leltakte ahi uhhi. Tangthu sungah tualai hun a gam thahatpen ahi Egypt nangawn in khe koihna'ng munkip zong ngahzolo uh cih.

Tua kawmkal mahah ki thahatsak in hang ding cih peuhmah pen lungsim puakzia le galsiamna limlim tawh kisaithei vetlo hi. Hangsanna le thahatna pen Topa' thu Torah leh hong kalh thute Israel leh Yahweh kikal thuciamna tungah cihtak ding hong kalh hi.

Simin, Ephesian 6:10–18. Tuni tuhun in gal kisim dingin hong kalhlo ahih tei hang, khalam nisim galsimna ah Joshua tungah thapiakna kammalte koibangin zang thei veve ding ihi hiam?

Tuni in, Khazih in hong guat vaipuak picinsakna ah, Christian te in Joshua in a tuakhak tonate mah tuakkha uh a: amau' mawhneihna, khuamial a uk, gilopa' vangliatna leh a galkap honpite tawh a kido uh ahi hi. Joshua mahbang in amaute'n zong Khazih' om pihna kamciam kip nei uhhi: “Keimah in khanghun a beidong in note tawh kong om khawm tawntung ding hi” (*Matt. 28: 20*). Topa' ompihna in, Joshua' launa khempeuh nil khiazo ahih mahbang in, tuni in eite lunghianna leh lung hihmawhna teng zong nilkhia khin zolua hi.

Eite a ding tona lianpi khat pen Topa leh Ama' kamciamte sungah lungmuanna ahi hi. Adangte khempeuh sangin, Amah tawh a mimal in kikhawlhna ikisam pen uhhi.

Tuni in eite a ding dotna phamawh pen in Joshua hunlai a dotna mah tawh kibang lai hi. Pasian kammalte pen mipi deihna bang zong hi mello in nopmawh mahmah phial mahleh, koibang in thumaan tentan thei ding ihi hiam?

Maavan'na le Lawhcinna

Simin, Joshua 1:7–9; Pian. 24:40, Isa, 53:10 le Late 1:1–3. Hiteng siksian leng maavan'na le lawhcinna cihin bang khiatna neitheo ding hiam?

Hebrew laimal *tsalakh*, pen “*maavang*” (*Josh. 1:8*) hi a, geelsa thukhat picingsak, lungkim huai sak cihna ahi hi.

Tuakhit *sakal*, in “*pilvaang*” (*Josh. 1:8*) hi a, “*nasep tangtun*” cihna zong ahi hi. Tua banah “*pil, ciim, navak*” cihte ahi hi. Job, Paunak le Late laibu sungah tamveipi om a, Pasion' Thu mangin Pasion mahmah kihtakna tawh gamtatna tawh kizom hi.

Hih muhdaan tawh hileh gualzawhna pen van hauhna ci samlo napi pampaih tuanlo hi. Gualzawhna pen, Pasion in leitung a pian'sakna thubulphuh Ama' thukham sungah kha thukham a koihsa tawh kituak in nuntak kalsuan hangbek hiding hi. Upna hangbek in hotkhiatna le Ama' thukham zuihna in kilangdo hetlo ahil manin, Ama' kamciam peuh mah mung photphot in. Maitangnih a nei sumtang tawh kibang lel hi.

Simin, Rom. 3:31. Hihmun in thukham leh upna koibang in kizom sak hiam?

Pasion' thukham nialnop manpeuh in Zeisu' hong sihna le hong kipiak khiatna teng nindum sungah khiatsukna in phelnih a suah tawh kibang in lauhuai hi. Thukham le hehpihna in tonkhawm kinken hi. Thukham' vaipuak pen a tungtham bekmah theihna in “*thukham le hehpihna*” hong kikeelki sak zaw hi.

Lai Siangtho Lui gelhte in thukham pahtawi mahmah in, a lungnopna bulpi uh hisak hi (*Late 1:2; 119: 70, 77, 174*). Thukham zahtak in pahtawina in eima' mawhna a thukzia hong telsak (*Rom. 7:7*) a, Khazih' dikna kisaplum zong hong musak (*Gal. 3:24*) hi.

Pasion hong hehpihna tawh Ama' thukham nazuih ciangin Khazih' dikna in Nang hong tuam ding nakisapna koibangin namukhia hiam?

Ngaihsutbeh Ding: Ellen G. White, “Jordan kantanna” lai. 481, 482, in *Tuanpupate*; “Kamciam Gam Lutna” lai. 175, *Tatkhiatna Tangthu* simin.

“Zeisu in kamciam pia in a vauna ah kei hong cihna hi. Pasion in leitung itlua in A Tapa neihsun a piak manin, tua Tapa sungah upna in, hong kisia saklo, tawntung nunna hong pia zawsop hi. Pasion’ kammal tawh akizom phutkhakna peuhmah kei phutkhak a hih kul hi. Thungetna le kamciam, thupiak le vauna in kei aa hi. Upna tawh thu maan thukhun sang le, hong nuntakpih sak in nuntakna sungah tha hatna vanglian hong suak hi. Pasion’ thukham lungsim in a saan ciangin, ngaihsutna hong puahphatsak in nundan sungah hong lut in khangto sak hi,”—Ellen G. White, *Kumcin Lungdeih*, lai. 390, 391.

“A puksa mihing lungsim sungah tengkip mahmah in, deihsakna takpi tawh gen tantan theihding in; mihing gamtat hoihna bangmah omlo hi. Hotkhiatna cih limlim Zeisu Khazih sungah upna tungtawn bektawh ahi hi.”—Ellen G. White, *Upna le Nasep* lai. 19.

Kikupding Dotnate:

❶ Joshua’ nundan leh ei’ nundan kilamdanglua hi taleh, ama’ nundan sungpan eima a dingin khalam thukhun bangteng peuh ki laak khiatsak thei ding hiam? A kibang te i zonciangin tua Lai Siangtho mun banghang in lungngaih kulsese thei hiam?

❷ Pasion hong kamciamte le Ama’ thu eima’ manna koibangin kizom cih kikum un. Khatlehkhat koibang in kipicing sak khawm thei uh hiam? Midang nunzia lunglut luatna in bangzah lauhuai hiam? Hehpihna phumcip liangzah in thukham pibawlina in koibang in lauhuai ding hiam? Thukham phumcip liangzah in hehpihna pibawlina e leh?

❸ Tukul sinna bulphuh inla, gualzawhna tawh kisai Lai Siangtho muhdan koibang hi nasa hiam? Khristiante in a gualzawh uh ah hauhna koimun ah koih uh hiam?

❹ Moses mahbang in Joshua lungsim puak ding lungngai in. Amah a kipkho sakthei ding bang kamciam leh vaipuk Pasion in pia hiam (*see Josh. 1:5*)?

Singkung Bia

Sudhakar in Thai gam Bangkok khua, Noi huang ah Global Mission nasem dingin hong pai ciangin singkung khat na mu hi. Tua singkung ah khau meel tuamtuam na kivial hi. Sing tawh, suang tawh kisui limte mu hi. Nahtang, apple, paak namtuite kikoih, kihal hi. Khua mite'n pupate' kha hih singkung ah om hi ci-in a up lam Sudhakar in hong nung theih hi. Tua ahih manin amau pen ngeina om bangin singkung na bia uh hi.

Tua singkung mun pen nupi khat in Seventh-day Adventist pawlpi in zato ding-a a piak huang sung ah om ahih manin Sudhakar in tel'hak sa hi. Amah'n pastor pa kiang ah khua mite singkung abia dingin huang sung ah hong pai a hiam ci hi. Pastor pa in hih huang pawlpi ah a kipiak ma tham pekpan khua mite'n hih singkung a biaksa uh hi naci hi.

Sudhakar zong mi' ngei'na na theisiam-in "khau'te, a piakte uh paih sak pah leh khua mite kitom kha ding hi" ci-in ngaihsun hi.

Amah'n bel khat hihsawm hi. Thu nakpi takin ngen kawm in khua mite, makaite tawh kimeel theih hi. Tua singkung kiang-a inn sungah an huan, manglai sinna, kikhopnate ah khua mite kihel dingin zawn hi. Tua pan-in tawm tawm in khau te, limte, apple, nahtangte, paaknamtuite hem khia khia hi. Tua pen a kaal in sawt hi.

Khua sung mi kuamah in a tung ah bang mah gen lo uh hi. Tualeh ni khat ciangin lametloh khat hong tuak kha hi. Class ahilh khit tua singkung kiang atos laitak-in amin a samkhia aw khat za hi. Tua aw in thu a man'leh hau sak ding ci hi.

Sudhakar pen kize-et zolo hi. Amah'n dawi kiang pan bang mah deih lo hi. Amah'n "Zeisu' min tawh hih huang pan paikhia inla hongpai nawn ke'n" na ci hi.

Ni thum khitciang in tua singkung hong si, hong keu lam Sudhakar in thei hi. Ateh khempeuh vul khin-in lei-ah kia hi. Kaal li ciangin hong keu khin in, Sudhakar in phuuk in, ek' hi.

Tua thupiang pen khua sung ah lamdang kisa in kithei mang hi. mi tampi tak tua mun ah hongpai uh hi. Sudhakar in zong Pasion maan tung bek ah thu a ngen ding uh hih hi.

Ni sagih ni Sabbath ni kikhopna ah hong kikhawm pah-a a nunglam teh tui kiphum uh hi.

Pasion' thu kiphak nailohna munte ah Sudhakar bangin Global Mission nasemte aa ding thunget sak un. Global Mission nasemte' thu bitly/GMPioneers ah kan beh in.



LESSON 2

*October 4 — 10

Hehpihna in Lungsim Phawng



SABBATH NITAAK

Tu Kaalsung Simding: *Josh. 2:1–21, Gam. 14:1–12, Heb. 11:31, Pai. 12:13, Joshua 9, Neh. 7:25.*

Kamngah: “Numei kizuaknu Rahab in thukante nuamtakin zin a tun’sak ciangin a upna hangin a umlo mite tawh kisiakhawm kei hi.” (*Hebrew 11:31, ZSV*).

Banghang in hihbang hihkikkik zel kahia le aw” ci in phun mialmual thei hihang. Tangthu in amah kisuut kikkik bek thamlo, mihing zong eimahmah zong eleh. I mawhna luite mah bawl kikkik zel hihang e!

Israel in Kamciam Gam lutna ding hunhoih a nihveina ngahkik a, Joshua in tua nasep makaih hi. Kalsuan masakna pen amau maingat uh pen telcianna hiphot hi. Thukan minih sawlin tua gam manphatna teng: galdaalna, galginna, tui piakna leh mihingte’ lung -simpuak cihte kansak hi.

Mi khatpeuh in, Israel mite’n bangmah sep kulhetlo in Pasion in tuagam paikhia hi cikha ding hi. Ahihhang vantung panpihna in mihingte vaipuak khatzong kheng hetlo hi. Israel in Canaan gamgi ah a nihveina in hing sikta uhhi. Lam-etna lianpi tawh Israel in gamgi ah hong din masaklai in ngaihnut zawhloh lelhna thuak uhhi.

Tukaal sungteng, Joshua’ laibu sunga a lungluthuai mahmah tulai a eima upna tawh zong akibang thupiang nih ikisin ding uhhi. Pasion hong hehpihna in ciangtan neilo in nasem ahih manin hong kilatsak zo thei hi.

* *October 11, Sabbath ading kiginkholhna in tukaal lesson sim in.*

Sawlbawk Meituang

Simin, Joshua 2:1; Gam 13:1, 2, 25–28, 33; le Gam. 14:1–12. Kamciam Gam lakzawhna dingin Joshua in banghang in thukan te sawl sese hiam?

Tua thukan minihte a kisawlkhiatna mun pen Acacia Taam pan hi a, Hebrew pau in “Shittim” kici in; Israel’ tangthu sunga langdona a pianna mun ci in minnei hi.

Amasa in, thukanna tangthu mah (*Gam. 13*) a kibang in thu kan dingmah: thukan te kisawlkhia: galte gamsung ah lutsim vatna; thukante hong kilehkikna; thukante in amau’ muhna a pulakna; tua pulakna tungtawn in gamtatna’ng khentatna cihte ahi hi.

Anihna Shittim ah milim biakna tawh Israel in Pasion tangnial in langdona, thu ciam palsatna, Balaam’ holhthawhna hangin Moab numeite tawh zualzang in amaute’ pasiante bia uhhi (*Gam. 25: 1-3; 31: 16*). Hih munah tua Shittim mahin amau’ tangthu sungah a lunglut huai mahmah thu khat piangsak hi. Kamciam Gam gii ah guallehna dang khat omkik ding hiam? Tangtawngpek panin a lam-etna uh teng tangtung zaw ding hiam?

Simin, John 18:16–18, 25–27 le John 21:15–19. Israel a minambup in a nihna hunhoih a piakkik mahbang in; Peter zong a mimal in hunhoih a piakkikna koibang in namu hiam?

Pasion pen nihveina thamlo adang hunhoih Pasion ahi hi. Lai Siangtho in tua nihveina leh adang hunhoih pen “*hehpihna*” cih. Hehpihna cihpen eitawh a kilawm lopi ngakhka cihna ahi hi. Lai Siangtho hong thuhilhna sungah hehpihna thu tawh kidim hi (*Rom. 5:2; Ephet. 2:8; Rom. 11:6*). Teitang takin kithakpat kikna khat Pasion in hehpihna tawh hongpia hi (*Titus 2:11-14*). Peter amah teklin hih hehpihna ciamkha khin ahil manin hehpihna sungah khangto dingin pawlpi hanthawn hi (*2 Pet. 3:18*). A nihveina bek hilo a dang hunhoih i ngah zong thuhoh mah hilo hiam? Ngah kei zen leng bang ici tam maw?

Israel in a phutkhak thu, Canaan lutna ding a nihveina hunhoih a kipiakna le; Peter in Topa a nialkhit ciangin hehpihna a ngakhik thu ngaihsun kik in. Tua hehpihna a kisamte tungah koibang in hilhcianthei ding ihi hiam?

Upmawhloh Munte-ah Manphatna

Simin, Joshua 2:2–11; Hebrews 11:31, le James 2:25. Hih munteng in Rahab tangthu bangteng gen hiam?

Rahab' tangthu a thubulpi in thukante kepcin na'ng zuau genna ahi hi. Ama' zuau genna ngaihsun lecin, mawhna tawh a kidimcip, Pasion in suksiat dingin a thu khensa minam sungah kidiahcip cih kimu hi (*Pian. 15:16; Thk.9:5; Siam. 18: 25-28*). Lai siangthothak in ama' upna hangin pahtawina ah, Rahab nasepna khempeuh lungkim pihna a zuau genna kipsakna cihte pulak selo hi.

Hebrews 11:31 sungah, ngeina gilo sungah omsuak ding sangin, thukante lam om ding ateelzawkna upna kipsak hi. James 2:25 in zong Israel thukan tegel nuamtak in zindo in a ciahkikna lampi zangsak ci in pahtawi hi. Rahab amahtek in mawhna nundan leh ngeina gilo sungpan mahin; Pasion in Ama' hehpihna tawh a hotkhiat theihna ding upna meipuak ciuciau vamukha hi. Rahab sungah hoihna – Pasion sungah upna tawh Ama' mi suah ding teelna teng Pasion in zang hinapi ama' sepna teng pahtawi ngeilo hi. Pasion in Rahab hangsan mahmahna manphasak, a hangsan upna, hotkhiatna nasem nu hihna le Israel Pasion a teelna cihte manphasak mahmah hi.

Thupiang khempeuh amuhkhit ciangin, tuanu in “Topa na Pasion uh, tunga om vantung leh nuai a om leitungah Pasion ahi hi” (*Josh. 2:11*) cih. Dawibia, huihlak pasiante umin thungen lel Canaan numei khatin, innkhum zaang panin, Yahweh bekmah Pasion hi cih a tangko zenpen thu kician mahmah khat ahi hi.

Rahab in Pasion bekmah biak taakcing hi acihna pen (*Pai. 20: 4; Thk. 4: 39; 5: 8*) ah zong kimu khinzo hi. Israel' Pasion bekmah biak taak Pasion taktak hi ci in ama' deih teelna tawh a tangkona kammal panin, amah'n na geelkhin zozaw ahihna kilang hi. Jericho ki suksiat ding pen, Sangpen Pasion' thukhenna ahihnam ama' telcianna pen tuanu' tangkona mahin kilangsak hi.

Ama' deihteelna tawh a teelna in, Yahweh' thukhenna khuavak tungtawn in, thu nih teel ding om a: Amah langdona sungah om paisuak in beisiang ding leh, upna tawh ki aap ding cih bek ahi hi. Israel' Pasion a teel manin, Jericho mite in Pasion hehpihna lam ah hong kileh kik peuhmah leh, amau' mailam thu koibang hiding cih Rahab in a lim lahna zong hi pah hi.

Pasion tungah a tawpdong in cihtakna thu hih tangthu in koibangin hong hilh hiam?

Cihtakna Thak

Simin, Joshua 2:12–21 leh Pai. 12:13, 22, 23. Paikhiatna in thukante leh Rahab kikal thukimna koibang in hong telsak hiam?

Rahab' hihdaan pen kician lel hi: nunna a ding nunna, dikna a ding dikna hilel hi. Hebrew pau *chesed* (*Josh. 2:12*) pen “itna-dikna” hi a, khiatna tampi nei in, kampau dang ah kammal khat tawh ki pulak theilo hi. Thukhun tungah a kinga cihtakna cihna hi a, dikna, hehpihna, hoihna cihte pulakna hi.

Rahab' kammalte in zongin Thuhilhikna 7:12 sunga Yahweh Pasion in Israel tungah Ama' *chesed* kemcing ding cih hong nungphawksak kik hi. “Note in hih ngeina kipte za in, kemin tuate nazuihna hangin, Topa Pasion in napu napate tungah a ciam thuciamna leh itnakip note tungah hong tungsak ding hi” (*Thk. 7:12*).

A lungluthuai tham khat, tua geimah ah (*Thk. 7*) Canaan mitawh kisai khaamna khat (*cherem*) hong pulak hi. Rahab pen Canaan mi khaamna in huam hinapi, ama' upna lianpi hangin, Israel mite tungah a kipia kamciamte ngakhka hi. Tuabang in hotkhiat ngah pah hi.

Thukante leh Rahab in akikup masak pen dinguh thupen Paikhiatlai a Paisanpawi hi hamtang ding hi. Israel mite in a bitna dingun innsunga om khinkhian in, biakpiakna tuuno sisan pen kong khak le tawlet khuamte tungah zuutna tawh ciamteh ding uhhi.

“Note omna inntunga sisan pen note a dingin lim hiding hi. Sisan kamuh ciangin note kong paisan ding a, Egypt leitang ka vatgawp ciangin, note hong susia ding gimna note tungah hong tunglo ding hi” (*Pai. 12:13, 22, 23*).

“Mihing in amau' upna pen thumanna tawh lak ding uhhi. Khazih' sisan sepsakna tawh hotna ngah ding a lam-en peuhmah in, amau hotkhiatna a kiptheihna dingin sepkhiat khat mah a neiuh kul hi. Mawhna palsatna thaman panin Khazih bekin hong tankhia thei ahieh manin, eite'n mawhna pan thumanna lamah kihei ding hihang. Mihing pen upna bek in hong honkhia a, sepna tawh hilo hi: cihteihang amau' upna uh zong sepna mahtawh lahkhaia ding uhhi”—Ellen G. White, *Patriarchs and Prophets*, p. 279.

Hihthu ah, sisan in suksiatna Pasion' vanmi khutsungpan suahtakna lim ahi hi. Egypt ah gimna nunung hunlai in zong Pasion in Israel mite a hotkhiat mahbang in, Israel in zong Jericho suksiatna sungpan Rahab leh ama' innkuan a hotkhiat kul hi.

Hih tangthu nihte sungah bang lungdamthu om hiam? Bang lungdamthuna kisinna omthei ding hiam?

A Kibanglo Manphatnate

Simin, Joshua 9:1–20. Rahab’ tangthu leh Gibeon mite tangthu in kibatna le kilamdanna bangteng peuh nei uh hiam? Banghang in khatna thupi neitheh hiam?

Joshua 9 in khuapi-gam ahi pahpah Canaan kumpi nga in Israel do dingin kipawl khawm cihthu pulak hi. A langkhat ah Gibeon mite in zong Israel tawh kilemna lai bawl dingin kithawi uhhi.

Israel khembawh in kilemna bawl dingin, Gibeon mite in, a gamla gamdang pan palaite kineih uhhi. Thk. 20: 10-18 ah, Canaan mite leh Kamciam Gam pualam a teeng mite khentelna khat Pasion in bawl hi. Tualai ah “khelipilna, kawipilna” cih kammal ki zangin, a hoihlam in a kilet ciangin “thutheihna le pilna” (*Pau.1:4; 8:5, 12*). A sialam in zong mawhna bawlnopna (*Pai. 21:14; 1 Sam. 23:22; Late 83: 3*) in zang zel hi. Gibeon mite’ tungtang ah bel, amau’ zuau genna nungram ah suksiat nopna ahikhollo amau’ bit theihnading ciang bel omtuak hi.

Gibeon mite’ kampauna uh in Rahab kampauna tawh kibang mahmah phot hi. A nihgel un Pasion’ vangliatna kipsak tuak uh, Israel mite gualzawhna pen mihing’ hanciam theih maimai hilo cih zong kipsak uhhi. Canaan mi dangte bangin amaugel un, langdo lozaw in, Yahweh in Israel mite hihgam piahi cih sangsiam uh a, Topa in Israel mite’ mai pan hih mite hawlkhia hi cih zong kipsak uhhi.

Egypt pan a suahtakna, *Sihon* le *Og* tungah a gualzawhna tengin, Rahab le Gibeon mite’n Israel’ maipha zongnawh sak in kilemna bawlsak hi. Ahihhang Rahab in Israel’ Pasion tungah ki pum-aap ding a khentsat bang hilo in, Gibeon mite in guallelhna tawh kipelhna ding zuau genta mai uhhi. Moses’ thukham sungah, hibang munah Pasion’ deihna bangin vaihawmna omsa ahi hi (*Gam. 27:16-21*). Joshua in Topa’ deihna zongin Gibeon mite’ khemna a pelh ding hizaw hi.

Biakna makai le Khristian makai peuhmah in, Pasion’ deihna zong ding vaipuak nei hi (*1 Khang. 28:9; 2 Khang. 15:2; 2 Khang. 18:4; 2 Khang. 20:4*). Tuathu a phawk khalo Israel in, tua gam alaak theihna ding uh thubulpi teng leh, Topa tawh a kiciamna teng uh palsat ding in khemna thuak uhhi.

Lai Siangtho sunga a thupi mahmah thu nih kikal ah nangmah tungkha nahihlam bang zahvei bang nakimu kha hiam?

Hehpihna in Hongphawng

Simin, Joshua 9:21–27. Joshua' in thumaan le hehpihna gawm khawm in koici bawl hiam?

Israel mipi in Gibeon mite simnuam phialmah leh zong, mipi makaite tawh kilem na kamciam khinuh ahiih manun, kipaisak lota hi. Thusia bawlnopna a omkei nakleh, amau kamciamna thukhun omsa mahbang in Israel' makaite in sem uhhi (*Thukhen. 11: 29-40*). Tua zong mikhat peuh sukkhakna omphial taleh kipsuak veve hi.

Lai Siangtho Lui sungah, kamciam khat bawl maleh, kamciam kepcin ma in, thu theih telna pen biakna mite' hoihna cihi (*Late 15:4; 24:4; Thna. 5:2, 6*). Tua kamciamnate pen Israel Pasion Topa' min tawh kibawl ahiih manin, makaite in khel theilo hi.

Tua kamciamna pen Israel makaite bawl ahiih manin, Israel mite' mailamthu ding pen Gibeon mite aa tawh kizompha hi. Gibeon mite pen Pasion' inn a ding in singphukte leh tuitawite (*Josh. 9:23*) suakuh ahiih manun, Gibeon mite zong Israelte tawh biakna piakhawm theita uhhi. Israel makaite thukhenna pen Joshua' dawnkikna tawh kibang hetlo in, “mipi khempeuh a ding” (*Josh. 9:21*) hici-a, Gibeon mite a ding in samsiatna pan thupha in puahphatsak hi (*2 Sam. 6:11 enkakin*).

Tuakhit Gibeon mite' tangthu sungah, Pasion' mite tungah citak uh ahiih manun amau khuapi sungah nopsakna sang mahmah omthei hi. Israel mite kamciamna in khang tawntung in kip paisuak ahiih manin, Israel mite Babylon saltanna pan hong ciahkik uh ciangun, Gibeon mite mahin Jerusalem lamkikna a panpih mite ahi uhhi (*Neh. 7:25*). Amaute' seplehbawl khempeuh zong Pasion' hehpihna tawh sulzui hoiih hi tawntung ding hi.

Gibeon mite in, amau dinmun taktak seelcip keizaw henla, Rahab bangin hehpih na ngenzaw leh banga ci tam maw? E'nlah theizolo a, a piangtheilo nate lah e'n ukzolo hi hang. Pasion' deihna in Gibeon mite suksiatna pan suahtakna piathei veve hi. Pasion' ngiimna bulpi pen mawhneite gimpiakpah ding hituanlo a, kisik peuhleh Amah'n hehpih veve ding hi (*Eze. 18:23 leh 33:11 enkakin*).

Gibeon mite zuauphuahna in khemna tawh Pasion' hoihna leh thumaan hehpihna a ngen tawh kibang hi. Canaan mite in kisik nuamlo in Pasion' deihna khawng a zahbawl na in amau' kisiatna ding khensatna piangsak hi (*Pian. 15:16*). Gibeon mite in Pasion vangliatna phawk, langdona sangin kilem ding utzaw, amau' milim te nusia in Pasion maan bia nuamzaw uh ahiih manun, Pasion in amaute pahtawi hi.

Ngaihsutbeh Ding: Ellen G. White, “Jordan Kaantanna” Lai. 482, 483, *Tuanpupate le Kamsangte*.

Rahab le thukante tangthu khith ciangin, Lai Siangtho Lui in tua nu’ thu peuhmah dai dikdek a, Zeisu khanggui a suutna panin hong kidawk kik hi. Judah beh sungpan in Boaz pianna Salmon’ zii suak a, tua khanggui sungmah ah a kician mahmah Ruth ii teknu hong suak hi (*Matt. 1:5 le Ruth 4:13, 21 enkakin*). Rahab in a upna hangin, Jericho numei zualzang, a kisiacip ding kimlai, David’ khanggui sungah hong kihel thei in, Messiah hong piankhiatna khanggui sungah zong hong kihel thei hi. Tua zong ankam tang ciahbek upna zong Pasian in gual zawnha suaksak thei hi (*Matt. 17:20; Luke 17:6*).

“Rahab pianthakna in, Pasian’ ukzawnha a theitel milim biate laka tuanu tungbek ah tuam om hi cihna zong hilo hi. Tua gamsung ah mi tampi –Gibeon mite– lawki ngeina teng nusia in, Israel tawh kipawh khawm uh ahiah manun, thuciamna tungtawn in thuphate sangtheita hi.

“Mi nampi, namneu, behphung cihbang khenlo in Pasian in sang hi. Minam khempeuh a Piangsak Amah hi. Mi khempeuh in Piansak na le Tatkhiatna sungah innkuan khat ahi hi. Kideidanna kawm khempeuh, biakbuk munte deidanna puante hemsiang in mi khempeuh Pasian’ maiah suakta takin lut theihna dingin Khazih hongpai hi. Ama’ hong itna zai, thuk in kicing mahmah ahiah manin mun khempeuh ah lutthei hi. Satan’ huzaap le khemna thuakte kaikhia in, Pasian’ kamciamna sakhituihup tawh akidim Ama’ tokhom baanto sak hi. Khazih sungah Jew le Gentile, sal’ le suakta cihbang omlo hi” —Ellen G. White, *Kamsangte le Kumpite*, Lai. 369, 370.

Kikupding Dotnate:

① Midang tungah “hunhoih nihna” i piak khakte kikum kik un. Tua laitak mahin, tuathu zatkhialh lohna dingin koibangin kidawm thei ding ihi hiam? Gentehna in, numei khatin mitungah gitlohna neikha le, deihsakna tawh lungnem dingin hanthawn ding maw, ama’ gitlohna sungmah ah omsuak sak ding nahiam?

② Rahab pen upna ah etteh dingin kikum un. Mihing nundan in Pasain tawh kigamla mahmah taleh, mihing in Pasian kiangah thumaan a pulakna koibangin kipahtawi thei ding hiam?

③ Joshua in Pasian a dot lohna hangin Gibeon mite’ khem’na tengpen, thuman le hehpihna kigawmkhawpna a zatsiamna ngaihsun in. Nang nunna ah tuabang dinmun ah thuman le hehpihna a kisapna ngaihsun in. Tuagel gawmkhawp na’ng bangthu hoihpen hiam?

“Lung Himawh Ken. Pasion In Hong Huh Ding Hi”

Inacio Manoel in Brazil gam ah nupi khat ii inn ah SDAte’ laibu a piak sawm ciangin “Khristiante mudah ing” ci-in aw’sang in, cilphih hi.

Inacio in zong lamdang sa hi. Hihpen lai lawm nasep a pat masak ni hi. Amah le a lawm zong inn dang khat ah pai leuleu hi. Ui gol khat in nakpi takin na tawng hi. A lawmpa in inn masa ah nupi in tawng, tu’n ui in tawng’ ci-in phun hi.

Inacio in “lung himawh kei in, Pasion in hong huh ding hi” ci hi. Nupi khat hong dak in ui kaikhia hi. Tua khit ciangin inn sung lut sak hi. Amau zong hong holim thei uh-a inn teek nu in a pasal thong a kiat pek pan nuntak haksa hi, ci hi.

Mai Sabbath ciangin tua nu a tate thum tawh biakinn hong pai uh hi. Inacio in lamdang hong sa hi. Amah’n Pasion kiang ah a nuntak laiteng mite Amah kiang tunpih nuam ing ci hi.

Inacio in lamdang a sak pen bel nasep a kipat ni-a a lut uh inn thumna pan hi. Innteknu min pen Edileuza hi-a Sabbath sun lam ah Lai Siangtho sin ding thu kim hi. Kaal tampi a sinkhop khith ciangin Sabbath thu tung uh hi. Edileuza pen khut cin zep le inn hah nasem ahih manin Sani ni in tawp theih dan ding mulo hi.

Amah’n “Tua ni pen nipi kaal bup ah sum ka ngah pen ni hiven, bang cih ding ka hia?” ci hi. Inacio in “lung himawh kei-in. Pasion in a hoih zaw hong vaihawm sak ding hi” ci hi.

Lai Siangtho a sin kik ni ciang Edileuza in Friday ni tum pan Sani ni nitum dong na sep kulloh inn hah ding a zong khat tawh kimu ing ci hi.

“Ka nasep lui sangin khasum a zah thum tamzaw lai” ci hi. Edileuza zong tui kiphum in a nung ah a innkuan pih teng zong kiphum uh hi.

Inacio, kum 68, in nung kum 36 sung kum simin mi li pan 11 tuiphum den hi. Amah pen a paipai na ah Lai Siangtho lessonte keng hi.

Amah’n “Topa aw, ka pai nana ah na itna ka gen’ theih nang in mi hong kha in” ci hi.

“Leitung ah bang mah ka nei kei zongin om thei ing, Lai Siangtho sin pih lo-in bel om thei ke’ng” ci hi.



Hih quarter ii Sabbath 13na project khat pen Inacio Manoel omna Pernumbucano Adventist Academy a om biakinn aa ding hi. Cingh takin na piak man un lungdam hi. Inacio ii video bit.ly/inacio. Brazil ah en in.

LESSON 3

*October 11 – 17

Hehpihna Phawk Dingte



SABBATH NITAAK

Tu Kaalsung Simding: *Joshua 3; Gam. 14:44; Luke 18:18–27; Joshua 4, John 14:26; Heb. 4:8–11.*

Kamngah: “Banghang hiam cihleh eite in i kan’tan khit masiah TOPA note Pasian in a kan’sak San Tuipi tungah a bawl bangin, Jordan Gun na kan’tan khit matengun TOPa note Pasian in gun tuite a kang’sak hi. Tua bangin leitung minam khempeuh in TOPA khut a thahat lam thei ding uh a, TOPA note Pasian a khtak tawntung nading uh ahi hi,” aci hi. (*Joshua 4:23, 24, ZIV*)

Palik ulianpa in limlak khin hi. John in mawtaw a khawl kulta hi. Palik ulianpa in mawtaw hawlna license ngen a, John in a sum bawm sunga a license a koihpen zum sung ah mangngilh ahil lam hong phawk hi. John in thupiang a hilhcianleh, ulianpa in a nasep dong hi. John in amahpen professor khat ahihlam gen hi. Palikpa in John tungah laidalno khat pia a, liausum in ngaihsut lohna’ng gen hi.

“Sangsap man hi” cih. “Mite’n sang a kah uh ciangun sangsap pia uhhi. Hihpen mawtaw nahawlsim in license na mangngilh lohna ding sangsap hi. Professor pa aw hun hoih hen maw” cih.

Mihing in, mit a muhden a hilote ki mangngilh nuam mahmah hi. Phone call kik ding, email thukkik ding, singno tuibuak ding, birthday wish khak ding cihte e. Tamlua ding hi. I khalam kisapnate mang ngilh zen leng, tuate in tawntung mailam thu ding tawh kisai ahil manin, sum liau khak lellel sangin, a sulzui suksia zawtham ding hi.

Hebrew mite in Jordan a kaantanna thu leh amau phutkhak thute kisin ding hihang.

*October 18, Sabbath ading kiginkholhna in tukaal lesson sim in.

Jordan Kaan'tanna

Simin, Joshua 3:1–5 le Gam. 14:41–44. Mailam thupiång dingte a dingin Israel mite kisa dingin banghang in Pasion in sawl hiam?

Joshua laibu sungah thukham singkuang a pulak masakna mun hipah hi. Hi ciang dong Lai Siangtholui tangthu sungah, thukham singkuang pen biakbuk sungah omcih ki pulak bek hi (*Pai. 40:21*): Sinai panin Israel' khualzinna ah zong (*Gam. 10:33-36*) leh a tangtut loh uh Canaan la ding a kisakna uh (*Gam. 14:44*). Tua in Israel biakbuk sungah a siangtho bel, a sungah Pasion leh Israel kizopna a kilangsak na namthum om hi: (1) Thu-khaam sawmte kigelhna suangpeek te; (2) siampi lianpa Aaron ciangkhut (3) manna beel khat (*Pai. 16:33; Heb. 9:4*).

Thukham singkuang leh Jordan kaantanna ding a kisakna panin Israel in amau hih theihna leh uthunhun in Canaan luttheilo ding ahihna hong phawksak hi. Pasion lampi leh hun a zuihleleh bek gam laakna ah gualzo ding uhhi. Thukhaam singkuang siin tunga om cherubim in lim a puak Topa Pasion (*Pai. 25:22; Gam. 7:89*), Ama' tatna heina pen Thu-khaam singkuang in a pulak den Pa in – Israel mite' maiah kuan a galzawhna a makaih Pasion ahi hi.

Joshua 3:5 sunga “siansuah, aap” cihpen; siampite in biakbuk sungah nasem dingin a lutma un aki siansuahna uh (*Pai. 28:41; 29:1*) hi a, Sinai ah Pasion hong kilaak ding lai in Israel mite in ahih uhpén (*Pai. 19:10, 14*) ahi hi. Hih kisiansuahna pen mawhna teng leh zehvai a sianglo khempueh paihkhiatna ahi hi. Tua thupiak mahbang khat Gam. 11:18 ah om a, Pasion hih ding lim lamdang khat a dingin akipia thu ahi hi. Tuabang kisakkhol na peuhmah pen galphual a kuanma un hih ding kikal ngiat hi (*Pai. 23:14*). Pasion in Israel adingin galphual ah a kuanma in, amaute in Mangpipa tungah a cihtakna leh muan na a neihphot uh kul hi.

Jordan a kaantanna uh lim lamdang ahihleh tualai a mite Topa in a hawlkhiat ding a kamciam kipsakna leh muantheihna ding ahi hi. Jordan kaantan in lampikeu a bawlthei pa in tua gam zong paikhia theilua ding hi.

Pasion in Jordan sattan kinken lo hi. Ama'lailutna in zong a om kinken hi tuanlo hi. Ei a dingin Pasion hong lailut theihna dingin, eima' khalam koibang in kipuahpha thei ding naci hiam?

Anungta Pasion Lamdan'nate

Simin, Joshua 3:6–17. Lamdang takin Jordan a kaantanna in i biak Pasion omzia taktak koibang in hong hilh nasa hiam?

Jordan gun kaantanna pen Joshua 3:5 sungah Hebrew pau in (*niphla'ot*) “na lam-dang, lim lamdang” hi a, pian ngeina sang a lianzaw Pasion ‘nasepna le Ama’ tehpil omlohna hong lahna zong ahi hi (*Late 72:18; 86:10*). Tua khit ciangin Israel in tua thute phawk kikkik in; Topa phatna in nei uh a (*Late 9:1*), minam dangte tungah zong Topa’ min tangko uhhi (*Late 96:3*). Egypt ah gimnate (*Pai. 3:20; Mic. 7:15*), Tuipisan kaanna le sehnal lakah Pasion’ makaihna (*Late 78:12, 16*) cihte thu lamdang in phawk kikzel uhhi.

Leitung a piangsakpa Pasion in Ama’ piangsakate tung ah ciangtan omlo in nasem thei cihthu pen Lai Siangtho laikungpute in theilua in teci pang uhhi. A piangtheilo bangmah omlo, Ama’ a ding a (Heb. “lamdanglua”) omlo, haksatna omlo (*Jer. 32:17*) hi. Ama’ min leh omzia in lamdang (*Thkte. 13:18*) a, eite ngaihsut phak zong hilo hi. Hong hon theilo namdangte pasiante tawh tekkak thei hilo (*Late 96:5; Isa 44:8*) Lai Siangtho Pasion in a nungta, a gamtang Pasion ahi hi. A nung azuite in Ama’ lailutsakna lam-en in zong muang uhhi.

Kamsang Zechariah in (*niphla'ot*) pan hongpiang tua kammal tawh akibang mah zang a, Babylon saltanna khith Israel mailam thu ding teng mukha hi. Jerusalem picing tak in kilamkik in khanghamte zong khupi lampi tungah tu uh, numei pasal naupangte zong kimawh uh amu hi. A umthei meelo khuamite in kisiatna ding vive limlak uh ahih manun, Zechriah in “Tu-a a omlai note a dingin hihthu a hitheilo ding tawh a kibat hangin, Kei a dingin a himawh thu hilo hi. Nisuahna leh nitumna gamte panin kamite ka honkhia ding a, Jerusalem khua sungah ka tunpilh kik ding hi. Amaute pen Keima’ mi hi in, Kei zong amau’ Pasion kahi dinga, amau tawh ka thuciamnate limtak kazui ding hi” (*Zech. 8:6-8*) cihhi.

Luke 18:18–27 simin. Zeisu in nungzuite a dawnkikna thu in, a piangtheilo dingbang a hihna munte ah koibang in Pasion hong muangsak thei naci hiam?

Na Phawk Nadingun

Simin, Joshua 4. Israel in phawkna khat lam dingin banghang in Pasion in sawl hiam?

Hih suangte pen “*lim*” suak ding a deihna hi. Hebrew lai *'ot* pen “lamdang” cih tawh a kipawl hi a, Pasion bawl a lamdangte (*zanni sinna*) Egypt a giamnate (*Pai. 7:3; Thkna. 4:34*) cihna ahi hi. Tua banah “limpua, ciamteh” cihte, a thukzaw le a hitaktakte pen a pualampnan ciaptehma lim ahi hi. Gentehna in sakhituihup in thuciamna “*lim*” (*Pian. 9:12, 13*); Israelte inn kongpi le tawlet khuamte tungah sisan kitaat in “*lim*” (*Pai. 12:13*); tua sang a kician zaw tham khat, Sabbath in Piansakna leh Pasion hong siansuahna le ompihna “*lim*” ahi hi (*Pai. 31:13, 17; Eze. 20:12*).

Hihmun ah, “*lim*” te in phawkna vive hi a, lamdang takin kaantanna te khangthak te tungah phawk kiksakna ahi hi. Phawkna kammal (*zikkaron*) zong *zakar* panin hongpai hi a “*phawkna*” mah hi a, phawkkik sakna ding lungduai takin sawlna ahi hi. Phawkkik caingin sepna khatpeuhmah om hamtang ding hi (*Thkna. 5:15; 8:2*). Phawkna ding suang phut (*Pian. 28:18-22*), dotna a piangsak ngeina te (*Pai. 12:26, 27; Thkna. 6:20-25*) cihte pen Lai Siangtholui sungah laang mahmah hi. Thu lamdang a piangte suutkik kik sangin Pasion in Ama' nasepna lian mahmah tepen khatna nei dawnna leh lungsim a thosak mualsuangte phutsak hi. Tua limte in tualai mahah om “tawntung” ding a, Pasion' bawl lim lamdangte ahiehleh Amite in phawkden thei ding uhhi.

Amay thaguihatang tawh a phuhsa phawknate tungtang khang thakte'n a dottheih dinguh khat in, “Hihsuangte in bang acihna hiam?” Khangthak peuhmah in hih suangte' khatna pen amay' mimal khatciat adingin telcian ding uhhi. Thupiang lamdangte pan hong piang upna in amay' a ding Yahweh Pasion hihsak nalianpita a muhna uh hangun nuntakpih thei pan ding cihna ahi hi. Tuabang upna in, Lai Siangtho bulphuh ngeina te tawh a citak mite leh; mihing' ngeinalel peuh tawh a sisa, a zawngkhal a manneilo biak piakna tawh a kilam' danna teng hong kidawksak hi. A tawpna ah Lai Siangtho bulphuh upna eima a ding i bawl kul hi. Tuan pupate in eite a ding hong upsak theilo hi.

Pasion tawh na tonkhawpna sungah Ama' hong hihsaksa nate sungpan nangma mimal in na phawkna lim bangpeuh om ding hiam?

Mangngilh Theihna

Simin, Joshua 4:20–24 pen hih a zomte tawh simkak in: *Thkte. 3:7; 8:34; Late 78:11; Thkna. 8:2, 18; Late 45:17. Topa bawl nalianpite phawk ding banghang in thupi thei hiam?*

Joshua 4:23 sunga mihing kikhekna phawkin. Jordan tui in “note” maiah kang hi a cihpen, Jordan a kaantan Israel mite’ maiah kang acihna ahi hi. A langkhat ah Tuipi San zong “eite” maiah kang hi a cihteh, a kaanta taktak khangmasa a nungtalai te a cihna ahi hi. Hih thupi pang nihte pen a kibanglo khanggui nih in thupitna kibang nei a; a pate’ teci panna tungtawn in khangnihna te in zong thangah in, amau mahin Jordan kaantanna tungtawn in a kibang khatna anei thukhat mukha cihna ahi hi.

Mihing ngeina bangin thu mangngilh baih cihzong i theihsa ahi hi. Khalam thute mangngilh theihna in thusia hong tunthei lua hi.

Tuni mahmah in nasem ding saptuam mi ihihna i kepcin nopleh; a mimal leh kipawl khopna tawh thaksuahna peuhma neihtheihna dingin, eite koipan hong pai ihi a, kuate ihi a, hitengah bang a dingin om cih theih tel mahmah kul hi.

Simin, 1 Cor. 11:24, 25 le John 14:26. Khazih in eite a ding hong hihsakte banghang in phawkden kisam hiam? Tu ate lotawh bang phatmawhna omthei hiam?

A beisa hunin Pasion hong hihsak leh honglah nate’ khuavak sungah hong makaih hi cih EGWhite in theitel mahmah a: tu ate lotawh mailam a dingin eima nasep dingte hong mangngilh sakthei ding ahih manin “A beisa hunin Pasion hong makaihna teng leh a hong thuhilhna teng i mangngilh kei nakleh; mailam ah kihtak ding bangmah omlo hi”—Ellen G. White, *Life Sketches*, p. 196.

Topa in nangma sungah abeisa hun a hong sepna teng phawk ding thupi icih teihang, nangmah teekmah in Ama’ hong itna le hong ompihna pen banghang in nisim in ngahhuai nasa hiam?

Jordan' Galkhat ah

“Amah in tuiptui pen leikeu suaksak a; Amaute in a khe uhtawh tua tuipi kaantan uhhi. Tuabang in Ama' sungah i lungdam hi” (*Late. 66:6*).

Tuipi San le Jordan kaantanna in Lai Siangtho tangthu sungah hun thak honna tiap tehna leh lim thupi pua uhhi (*Late 66:6; 114:1-7; 2Kumpi 2: 6-15*). Tua kaantanna nihte' khatna bulpi tawh kisai a thupiang bulpi sangin a thukzaw lai in, Lai Siangtholui sungah om khinzo hi. Late 66:6 sungah laphuakpa in ama' nuntak sunga Pasian hotkhatna nasep teng phat (*Late 66:16-19*) a, Tuipi San leh Jordan kaantanna in tangthu sungah limpua khat in kipkho den hi.

Late 114 in thupiang nihgel a kopkhawm sakna ah, laikungpu in ahun leh a pianzia kilamdanna a theilo hilo in, a kaantan theihna leh biakna vai a ding a thupitna te pulak hizaw hi. Tua thupiang nihregel in Israel' dinmun kikhelna pulak a; khatvei saltan na pan suahtakna, a dangkhat in inn neilo loneilo panin minampi khat suaksak hi. Hi Late sungah, hih kaantanna nihte in, laphuakpa pen nenniamna, zawngkhalna, cihmawhna leh kiniamkhatna tawh bitna, cidamna, hotkhatna leh vangneihna cihte limlahna vive ahi hi.

Joshua in ana ciapteh thulamdang temah tawh a kibang thu lamdang khatmah ahi Elijah' kikhelna in zong Jordan gungei panmah ahi hi. Elijah in zong kaantanna mahin ama' nuntakna sungah kikhelna piangsak hi: amah vantung ah ki lato hi. Elisha a ding in tua kikhelna in kikhelna pen thupi mahmah hi: Kamsangpa' huhpa (*1 Kumpi 19:21*) in minambup a ding kamsang hong suak hi (*2 Kumpi 2:22*).

Simin, Matt. 3:16, 17 le Mark 1:9. Lai Siangthothak laikungpu te in Jordan kaantanna pen limpua khat in kha thu khatna in koibang in zangthei hiam?

Zeisu' leitungah a nasep tengpen, Israel aiawh in sem hi a, tanglai Israel mite tangthu etteh in a sep ahi hi. Zeisu in “Tuipisan leh Jordan” cihte phukha veve hi. Sihdan a ngakhkit ciangin Egypt panin a kisamkhia (Matt. 2:14-16), Israel in gamlakah kum 40 a om mahbang in gampa lakah ni 40 hunzang (Mate 4:2) a, ama' aituam nundan panin mipi a ding a sepkhiatna ding kikhelna ahi hi. Jordan gun sungah ki tuiphum hi (*Matt. 3:16, 17; Mark 1:9*).

Tua khit ciangin Heb. 3-4 in zong Jordan kaantan in Canaan a lutna pen Khristian te in upna hangin “hehpihna sungah tawngakna” sung a lut theihna dingin lim lahkholna in zang hi.

Ngaihsutbeh Ding: Ellen G. White, *Patriarchs and Prophets* lai. 483, 484 “*Crossing the Jordan*” simin.

“Israel in Canaan zuan a khualzinna teng kuhkal takin sim in. Joshua thumna le lina sim lecin, Jordan gun galkhat lam a kamciam gam sung lutna ding a kisakna teng uh ahi hi. Topa in tanglai a Ama’ mite tungah a thuhilhna te phawkna tawh eima lungsim sungah tengsak in ki thuhilh sak ding kisam hi. Amaute mahbang in eite’n zong Ama’ thu hilhna te lunglut in pibawl ding hong deihsak hi”—Ellen G. White Comments, *The SDA Bible Commentary*, vol. 2, p. 994.

“Tanglai Israel te sangin, tuhun Israel te in Pasion mangngilh in milim biakna sung a tun ding lauhuai zawtham hi. Thu um Sabbath tang a kicite nangawn in milim tampi bia uhhi. Pasion in tanglai a Amite milim biak ding khaam a, amaute in a nungta Pasion biakna peelkha peuhmah leh, Pasion’ samsiatna in amau tungah om ding a; amau un a lungsim khempueh, a kha khempueh leh a thahatna khempueh tawh a itnakvua leh, Topa in amau seeng leh amau ansaal sungah thupha pia ding a, amau lakpan natna khem peuh hepkiat sak ding hi”—Ellen G. White, *Testimonies for the Church*, vol. 1, p. 609.

Kikupding Dotnate:

❶ Na khansung vuah Jordan kaantanna thu lamdang kikun un. Na lamdang pen koibang na gentel ding hiam? Tuabang na lamdangte mah tuhun in Pasion in banghang in bawlo tawh kibang hiam?

❷ Khalam thute mangngilh pahpahna teng khaktan theihna dingin a mimal ahi a, pawlpi in ahi zongin koibang in semthei ding ihi hiam? Pasion tawh kizopna a thupi hun sungin, a beisa hun sungpan pilna lalo in, Pasion hong hihsak sate phawk kik in koibang in zangthei ding ihi hiam?

❸ Eima’ nuntakna sungah Pasion hong lailutna te Sabbath tungtawn in koi bang in hong kiphawkkik sak a, Ama’ kumpi gam sungah tawngakna hisak thei hiam? Sabbath in eite a dingin phawkna lel ciangbek hilo in mailam lam-etna nangawn koibang in hong neisak thei hiam?

Khitui le Puanbansaute

Tsitsi Zondo in amuh thu up hak sa hi. Zimbabwe gam, zan khuamial laitak hi. Puan bansau a mawtaw dim-a apuak pen lampi tung ah kibung in mite'n a laaksak ziahziah lam mu hi.

Amah zong khitui mualtuang in om hi. Amah'n puan bansaute sum leitawi-in South Africa pan a laak hi-in tu'n loh zolo ding suak hi. Amah'n bangmah neilo hi. A tate koici vaak ding hiam?

Amah zong “Topa aw, nasep ka hahkat lam theiteh, tu'n thu hidan piang hi. Puan sen' na ipte lak pan kei ip bek mah kikeek hi” ci-in thungen hi.

Tsitsi in puan silh 60 ip pi khat sung-a guang in mawtaw a khum dawn ah koih in, Bulawayo khua ah ciah hi. Lam kaal ah mikhat tuak-a mawtaw hawlpa in ip teng sitsak-a ip dangte a gak kik hangin ama ip pen gakkik sak khalo hi.

A mawtaw uh zong hong dinghia kik in, alehlan pan-a mawtaw mei hang in khawl hi. Mawtaw hawlpa in puan pawlkhat lampi tungah kia hi ci hi.

Tsitsi zong a puan ip sungah puan 10 bek a om lam hong mu hi. Mawtaw hawlpa zong ama' khialhna ahihlam kithei-in “Sorry, sum nei ke'ng” ci leltak hi.

Tsitsi zong thu a nget khit ciangin a khituite nul hi. Amah pen sehsuah le sumpi a citak mahmah hi. Pasion in huai sak ding hi ci-in lungmuang hi.

Bulawayo khua ah Tsitisi' lawmte in a thu za-a thu ngetsak uh hi. Mi khat in South Africa ah puan a leikik theih nadingin huh hi.

Tsitsi zong a thungetna kidawng hi ci-in la-in sum la-in South Africa ah paikik hi. Amah zong puan kivaikhak luite kiang ah tun sak zo hi. Sum nihvei a lakna a loh thei nadingin li vei zin kha hi. Tua sung tengin a inn sung kivaak zawh nading sum hong mu thei hi. Sehsuah le sumpite zong pia hi.



Pasion' nasep dan Tsitsi in a tel' loh hangin Pasion in vaihawm sak ding hi ci-in muang hi.

“Na khempeuh ka supkhit hangin ka innkuan pen gil kial-in omlo hi. Neek ding nei den ung. Citak in sehsuah le sumpite Topa kiang pia lec in Topa in hong huai ding hi” ci hi.

Tsitsi Zondo ii thu tomno bil.ly/Tsitsi ah en in.

Buaina Khempeuhte Nungah Buaina



SABBATH NITAAK

Tu Kaalsung Simding: *Josh. 5:13–15; Isa. 37:16; Mang. 12:7–9; Thkna. 32:17; Pai. 14:13, 14; Josh. 6:15–20.*

Kamngah: “Tua ma ahi-a, tua khit ahi zongin TOPA in hih bangin mi khat kikona aw a zak ni a om ngei kei hi; banghang hiam cihleh TOPA in Israelte aa dingin gal a dosak hi.” (*Joshua 10:14, ZSV*)

Joshua tangthu i sim ciangin, Pasion thupiakna, Ama’ min leh Ama’ huhna tawh galhan mahmah khat phuang ding cihtawh iki talsikta hi. Canaan gam a lakna ah Pasion in amau’ nungah omkhinkhian ahihna zong Joshua’ laibu sungah adim ahaa in om a, a tangthu pulakpa in zong kiptak in genkhia a (*Josh. 10:10, 11*), Pasion’ kammal mahmah in (*Josh. 6:2; 8:1*), Joshua in ci (*Josh. 4:23, 24; 8:7*), Rahab in zong ci (*Josh. 2:10*), thukan te in ci (*Josh. 2:24*), mipite in zong ci (*Josh. 24:18*) hi. Hih thubuaina sungah Pasion in amaute kalsuan pih hi.

Hih thupiang teng in a kipelh theilo dotnate piangsak hi. Lai Siangtholui hun a Pasion teeltuam mite in hihbang thute hih cihpen eite’n koibang in telsiam thei ding ihi hiam? “*Gal ut*” Pasion cihmawh pen, Ama’ omzia itna tawh koibang in palai sakthei ding ihi hiam? (*Pai. 34:6; Late 86:15; Late 103:8 ; Late 108:4*).

Tukaal le maikal sungah, Joshua le laidangte sungaah Pasion in galphuang cih i sim ding uhhi.

* October 25, Sabbath ading kiginkholhna in tukaal lesson sim in.

Topa' Galkap Mangpa

Simin, Joshua 5:13–15. Hihmun in Canaan a kizawhna nungah bang om ci hiam?

Israel in Jordan kaankhin lian in galte leitang sikta uhhi. Amau' mai ah Jericho kulhpi om a, a kongpite kikhak bikbek hi (*Josh. 6:1*). Tua hunin Israel in galvai bangmah thei vetlo uhhi. A sukwaw laikhat, sawtveipi khuapi kulh umcih in a laaktheihna dingun Israel in, saili, teipi, thaltang cih khawng bek nei leltak uhhi.

Tua munah hong pai lenglapa tungah Joshua' dotna pen kician takin dawngkiklo in “Hilo” kici ziau hi. Lenglapa dawnkikna bang ahiehleh, Amah in Joshua cih mite lakah kihel nuamlo hihtuakzaw hi. Thukhat panin, a dotna mahmah zong Amah Joshua lamah pang zong hilo; Joshua in Ama' lamah pang zong cilo hi.

Simin, Josh. 5:14, 15; 2Kumpi 6:8–17; Neh. 9:6 le Isaiah 37:16 cihte simkaak in. Topa Galkapte a ukpa a hihna pangin bang na theih beh a om hiam?

“Topa' Galkap Mangpa” cihpen Hebrew Lai Siangtho sungah laang mahmah a, “Ukpa, Inntekpa” cihna hi a, galkapmang cihna ahi hi. Lai Siangtho sung inntekpa pen galkaphon zong hithei, vanmite leh huihlak a om vanmite zong hithei hi.

Khazih in a sunglutma in Joshua kiangah pawlpihna bek hilo, Israel mite' galkap Mangpipa ciangbek zong hilo; Joshua leh Canaan mite' thubuaina sungah hong lailut in na a sem muhmawh vanmite' Mangpipa ahiehna tawh hong kipulaak suk hi. Joshua' dawn kikna panin Manpipa dinmun telcian mahmah ahiehna kilang hi. Amah Pasion tawh kikim hi a, Joshua in zong zahtakna tawh Ama' maiah bokkhup in a bia hi (*Josh. 5:14, Pian. 17:3, 2 Sam. 9:6, 2 Khang. 20:18*). Gal thahat khempeuh sangin a lianzawtham Pasion tektek in tua buaina sung hong kihel suk ahieh manin Joshua in zong a galsimzia ding paidan teng sangding in a kisa hita hi.

“Topa' Galkap Mangpa” in Ama' mite huu ahiehlam na theihna in koibang in hong lungmuangsak hiam?

Vantung ah Kidona

Hih kidona pen a zaizaw buaina khat lakpan khenneu khat hilel cih Joshua in thei hi. Pasion amahtek hong kihelsukna buaina bangpeuh na theih a om hiam? *Mang. 12:7–9; Isa. 14:12–14; Ezek. 28:11–19; le Dan. 10:12–14 simin.*

Vannuai buppi pen Pasion in amau munmun ah nuntakna neite kidimsak ziazua a, itna neihtheihna dingin zong deihteel theihna piapah hi. Pasion' deihna bang ahi a, langdo in ahi zongin teelthei uhhi. Vanmite lakah a vanglianpen Lucifer in, Pasion langdo in, van mi honpikhat mah sut hi.

Isaiah 14 le Ezekiel 28 tegel in, pawlkhat in a nial ta zongin, Babylon kumpipa leh Tyre makaipa tetawh gualkhawm hi. Bangbang hitaleh, Lai Siangtho in thumaan thu piang taktak in pulaak hi. Babylon kumpipa pen vantung Pasion' tokhom maiah omngei khin (*Isa. 14:12*) a, Tyre kumpipa in zong Eden ah teeng khin, Cherub te zong cingin Pasion mualsiangtho tungah teeng (*Eze. 28:12-15*) cih. A tunga teng khempeuh Babylon kumpipa le Tyre kumpipa tawh kituak hetlo uhhi. Tua leitung kumpi tegel pen mawh neilo “siangtho na zungbuh” nei cih. Hihthu teng in Babylon kumpi leh Tyre kumpite gel khengval in kawkwaw hi.

Isaiah in zong tangthu tawh a kizomin lettheih khollo “gentehna” laimal Hebrew pau *marshal* cikhkhat zang hi. Hiteng ah Babylon kumpipa in langdona ah, kiphatsakna ah ettehtaak in hong om hi. Tuamahbang in Ezekiel in zong Tyre kumpipa tapa (*Eze. 28:2*) leh Trye kumpipa (*Eze 28:11, 12*) kilamdanna pulak a, kumpipa tapa in leitung nate a sepna hangin vanmi kumpi khat gamtatna limpua suakthei cih.

Daniel 10:12–14 sungah, hih langdona vanmite in, leitung ah Pasion ngiimna tang tunsakna'ng khaktan cih. Vantung le leitung in kizopna nei cih theitel in Israel mite Pasion gimpiakna gal zong telcian kul hi. Pasion leh Satan kikal, sialepha kikal a buaina khempeuh telcian in, a puksa hih leitungah Pasion thutanna le hong itna dingtung kik ding cih theihcian kul hi.

Eima nunna sungah sialehpha kidona sungah vannuai buaina in bangpeuh hithei ding hiam?

Topa in Galhangpa Hi

Simin, Pai. 2:23–25; 12:12, 13; le Pai. 15:3–11. Pasion in galhangpa a cihpen bang a cihna hiam?

Egypt ah a vakthap lai un, Israel in a pupate' Pasion maan mangngilhta uhhi. Sehnal sunga khualzinna ah thu tampi phukha uh ahiah manun, Abraham, Isaac le Jacob te Pasion a theihna uhleh a biakpiakna uh pen dawibiakna tetawh helzau gawpta uhhi (*Pai. 32:1-4*). Egypt mite bawlsiatna sungpan Topa kiangah kiko uh a (*Pai. 2:23-25*), a hunlap mahin amaute a ding Topa in hong lailutsak hi.

Himahleh, Paikhiatna 1-12 sunga Moses leh Pharoah liatna aana kidemna tengpen a maimai hilo a zaizaw khat omlai hi. Nisuahna lamhuam gamte ah, gal cihpen pasian leh pasiante' kikal buaina panin a kipan hiden zaw hi. Paikhiatna 12:12 in, Pharoah bek hilo, Egypt te Pasiante leh, Egypt mite' nenniamna nungah a omkhinkhian a vanglian dawite khem peuh tungah (*Siam. 17:7; Thkna. 32:17*) Topa in thukhen hi cihhi.

A tawpna ah, Pasion in mawhna do ahiah manin hih buaina sawtselolel ding hi (*Mang. 19:11; 20:1-4, 14*). A puksa vanmi leh leimi, mawhna sungah a kibual khempeuh in kisia ding uhhi. Tua hi a, gamsung teeng mite tawh kidona pen, tua buaina a ding a cial masa lam hipan a, a sangpen in singlamteh tung dong a tung ding, a tawpna ah Pasion' thutang thukhenna leh itna tawh a nunungpen thukhenna kilangna ding ahi hi.

Canaan mite khempeuh suksiat siangna cihpen Lai Siangtho tawh leitunglam muh na ah vannuai leitung buaina sungah Pasion Amahtek in gamtang ahiahna telcian ding kiasam hi. Hibang in hong kilang khempeuh in Pasion liatna leh omzia minthansakna zong ahi hi (*Rom. 3:4; Mang. 15:3*).

Mihing sungah mawhna a lutpan kipanin, kuamah munlai ah ding theilo hi. Pasion lamah ahiah keileh dawilamah om hamtang ding hi. Hihthu teng lungngai inla, Canaan mite a suksiat siangna pen thukhenna nunung etkholna ahiam theihhuai hi.

Kidona Lianpi taktak sungah langnih om ahiah manin langkhat ah om teitei ding ahi hi. Nang koilam ah omtaktak cih na koici theihthei ding hiam?

Topa in Nang Adingin Hong Dosak Hi

Simin, Pai. 14:13, 14, 25 sungah, Israel mite galvai ding Pasion' geel masakna bulpi taktak bang ahi hiam?

Tuabang haksat hunin, pumpi kibawlsiatna sungah Israel zong lai-awk ciangun, Moses in mipite kiangah “Laukei unla kiptak in omun. Note a dingin tuni a hong sep ding Topa' hotkhatna mu un. Tunu a namuhuh Egypt mite note in namukik nawnkei ding uh hi. Topa in note a dingin hong dosak ding a, note ahihleh na om hithiat dinguh hibek hi” (Pai. 14:13, 14). A Lai Siangtho thupaidan bang hileh, Egypt mite mahmah in zong amau mahmah kitel uh in “Topa in Egypt mite hong langpang in Ama' mite a dingin hong do ahih manin, Israel mite kiangpan in tai ni” (Pai. 14:25) ci uhhi.

A thanem mahmah, galsiamna a neilo Israel mite a dingin Pasion in nalamdang te tawh a lailut sakna in etteh huai thu hong suak hi. Israel a dignin Pasion in a lailutsakna pen Paikhiatna in ettehuai khat in ciamteh hi. Yahweh in a dosak bek thamlo, Israel bang pen galsimlo dingin thu kipia hi (Pai. 14:14). Pasion in galhangpa ahiah manin, lailut ding pen Ama' nasep ahi hi. Gal simzia ding teng Amah'n kipsak, a khatna zong hilh cian, galphual ah zong makaih lai hi. Israel a dingin Yahweh in galsimsak keileh, amau un galzawh na'ng thu bangmah neilo uhhi.

E G. White in zong, Isael tepen “Pasion in zong galsimna bektawh kamciam gam lak ding geelna neilo phot ahiah hang; thumanglo le makai ginalote lungkhatna hang ahi hi” cihhi. —Ellen G. White, *The Signs of the Times*, September 2, 1880. Egypt panin a suahtak mah bangin Pasion in amaute a ding gal dosak ding hi. Amau' lampan a hih ding uh pen om hithiat in Pasion' lailutna teci pang ding hibek hi.

Israel in Pasion sungah upna muanna kicing a neihnak vualeh, amau galdo kul vetlo cihhi (2 Kumpi. 19; 2 Khang. 32; Isa. Isaiah 37).

Pasion' geelna taktak sungah, Israel te'n amau a ding amau galdo kulsaklo hi. Pai khatna khit ciangin Canaan mite gal in a dosakna pen; amau' uplahna sulzui peuh hileh hi. Tua mahbang in a Paikhiatna sungvuah namsau khatbeek zong laamto khalo lel uh a, Canaan a lakna dingun zong galsim a kul hetlo ding uh ahi hi (Thkna. 7:17-19).

“Israel tate in, Topa langdo in phunnawi keileh uh, Topa in zong amau' gal ten'n gal phuang saklo ding hi”—Ellen G. White, *The Story of Redemption*, p. 134. Tunu in zong eima' phunnawina in eima' nunna bangzah huzaap zo ding hiam?

Ahoih pen Zom ah Teelna

Simin, Pai. 17:7–13 le Joshua 6:15–20. Hih gal tangthu nihte sungah a kibatna bang om a; koibang in kilamdang hiam?

Paikhiatna khit ciangin Israel' galdo masak penna Paikhiatna 17 ah om a, Amalek mite'n hong dona uhan a kihutna ahi hi. Israel in Egypt mite bawlsiatna le a suahtak na uh tawh sangpen Pasion' vangliatna teci pang theita uhhi. Pasion' geel masakna sung ah mi gal vasimna khawng kihel masalo cih zong itheihsa ahi hi (*Pai. 23:28; 33:2*). Ahih hang, Egypt pan a paikhiat uh sawt nailo in, Israel in lampi tungah phunphun uh a (*Pai. 17:3*), amaute lakah Pasion om beek ahiam (*Pai. 17:7*) ci liang uhhi. Tua laitak mahin amaute do ding in Amalek mite hong kuan uhhi. Tua zong kaamthu hi hetlo hi. Israel in Topa a muan kiktheihna dingun Pasion in Amalek mite'n Israel sim dingin a sawl ahi hi.

Pasion in Ama' thukhamte khiamsuk tuan hetlo in, amaute' tawh kizakim in hong tuaksuk zawsop in; Ama' deihna dinmun a tun theihtheihna ding; pelhemna omlo Ama' lailut sakna pum muan dingin samkikkik hi. Thuhilhkikna 20 a galvai thukham te zong gamlak a vakthap uh kum 40 nungciang in a piak hi a, Israel' uplohna hangmah hizel hi. Omzia thakte hangin paizia thakte zong hong piangzel a, tuate mahmah zong Cannan mite Pasion in a suksiat siang nopna hang hizaw bilbel hi (*Thkna. 20 16-18*).

Israel a dingin gal pen a kisampen ahih samloh hang, Yahweh tungah amau' cih takna kisinna ding in zong hong kisam zel hi. Pasion in a piakngiat ahih liangloh hang, Ama' tungah aki pum ngak na uh hangun Ama' vangliatna ciamkha taktak ahihna teci ding ahi hi.

Tua gam alaakna galzawhna sungah Israel in maa a panna uhen Joshua in a laibu thukhupna sungah khum hi. Hiteng in bel Canaan mite in Israel mite do uhhi cizaw hi (*Josh. 24: 11*). Jericho khua kulh a kicipna in vantung pan hongpiang nalamdang ahih tei'hang, khuamite lungsim khauhna hangin galkidona sungah Israel mite in hong kihel kha thei uhhi.

Hiam tawi kidona sungah Israel maa hong panna hangin, Yahweh huhna hun in ciangtan omlo in muantheihna hong piangsak hi. Gal zawhna limlim pen (*Josh. 7:12, 13; 10:8*), Topa' khut sungah omngiat a, galkidona sungpan hong piang ding na khempeuh pen; Topa' kamciamna sungah upna le uplohna hang bek ahi hi. Amau mahin teel ding uhhi.

Ngaihstutbeh Ding: Ellen G. White, Tuanpupate leh kamsangte lai. 487-493. “Jericho kicipna” simin.

Vannuai leitungah Pasion thuneihna langdona hong omtak ciangin, phamawh, a kikhel ngeilo le a tawntung in a om Pasion in; vannuai buppi tungah Ama’ thuneihna pen Ama’ piansaksa a langdopa khat tungah hawmsawn ding maw: ahil keileh, Amah bekma siangtho, thumaan, itna le hehpihna Pa ahihna lahkha veve ding maw cih hita hi. Lai Siangtho in a nihna zaw pen pulak zaw in Ama’ vangliatna leh gilopa vangliatna kikal ah kidona piangsak hi.

Gamvai leh mihingte tangthu hong kigawmkhop takciang in vannuai a langdo thei te in Yahweh do in buaisak ahil manun, ukzawhna aana neitaktakpa vanglian Topa in hong lailut kulta hi. Yahweh in galhangpa ahil manin, vannuaibuppi ah sialehpha kidona a tawpsak thei dingpen Amahmah ahil kul hi (*Mang. 20:8-10*). Israel mite’ siangtho gal dona in, vannuai leitung bup buaina teng pen limlang sungah hong musapak bek hilel a, Pasion’ thukhenna nunung pen leitung tangthu sungah hong musapak leh kidona lianpi sungpan abek themkhat bekmah hipan hi.

“Kamciam gam alut dinguh hun zong Pasion in sehsha in koihsak khin ahilhang, amau lungsim tawh awlmawh lohna hangin kidokkik thei lai hi. Tua gam pen gal kidona tawh a ngah ding cihpen Pasion’ deihna masa zong hi tuanlo a; Pasion’ thupiakna khauh takin zuihna tawh bek ahi hi”—Ellen G. White, *Patriarchs and Prophets*, p. 392.

Kikupding Dotnate:

- ❶ Vannuai leitung buaina thuteng nungah, Topa in galsim dingin Israel a sawl na thu koibang in hong telcian sak nasa hiam?
- ❷ Na khan sungvuah, Monday sinna pan eima kimplehpan ah kidona lianpi omtakpi cihtawh kisai dotna pen kikum un. Hih kidona sungah ei’ vaipuak bang om a, koibang in tangtung sak thei ding ihi hiam?
- ❸ Om khinkhian ding cih thukhun le Topa in eite a ding hong do sak ding cihpen eima’ kha nuntakna sungah koibang in zangthei ding ihi hiam?
- ❹ I pawlpi sungah kikupna peuh, kithukim lohna a om ciangin eilam ah hong pang ding pawl kideihthei mahmah hi. Joshua 5:13-15 tungtawn in eima omzia koibang in khel huai nasa hiam?

“Bang Deih Na Hiam?”

Thupuak:- LAURIE DENSKI-SNYMAN

Missionary khat in khuatual mi khat tawh Khristian laibute Southern Asia-a khuapi khat sung ah Khristian a hilote' kiang ah va zuak hi. Tuatē' kizēp dan a et ciang bang bia uh hiam cih kithei thei hi. Numeite a lu uh khuh, pasalte khamul khawi uh hi. Pawl khatte sual tung ah a tal uh tat-in thu sawtpi a nget man un a pawn bang vom liang hi.

Inn khat bang ah, pasal khat hehsa-in hong daak in “bang deih na hiam?” ci giap hi. Kong hon'lo hi.

Missionary pa'n zong “ko pen' na omna veeng ah project khat geel ung-a laibute zong zuak ung. Laibute na en nuam diam? ci hi.

Inntēekpa zong “hongpai kik ning ci hi. Missionary ahuh nu Maria bel lau hi. “Thungen ni. Ameel lauhuai lua, a upna ah cihtak tuak lua” ci hi.

David in bel “a gilkiāl hi-in cia” cih san hi. Hih hun pen zehtan hun hi. Inntēekpa hong kileh kik-in “inn sung ah luut un” ci hi. Inn sung ah “no bang deih na hiam?” ci giap kik hi. David zong laibu tampi hong lakhia hi.

Inntēek pa'n hong en-in “ka zi-in hih laibute deih thei mah inteh, amah pen an huan siam hi” ci-in a zi sam in veel sak hi.

A nu'pa un laibu veel in, inntēek pa in “hih bek hoih tuak ei” ci hi. Tua khittēh “no kua aa ding nasem nai' huam?” ci-in tangdot hi.

David in, “ko pen SDA hi ung” ci hi.

Inntēekpa zong hong ding in, paikhia hi. Hong kileh kik in hong tu hi. Leenglate mit sal hi.

A zi-in “ken' Adventist lawm nei ing. Amau pen hoih mahmah uh hi. Ken' bel amau thu tel khin keng” ci hi. Inntēekpa bel a ci' bang liing hi. A zi-in “laibu dangte bang bute hiam?” ci hi.

David zong *The Great Controversy* bu dok in “hih bu pen itna maan, mawh mai na maan, lung nopna maan thu a gen laibu hi” ci hi.

Inntēeknu zong lungluut in David in *Step to Christ, Thoughts form the Mount of Blessing* bute zong lak hi. Inntēekpa bel ding zel, tu zel hi. Inntēek nu in “nang'n bang um na hiam?” ci hi.

Inntēekpa bel hong ding kik hi. A kigen khempeuh ngaih sawm tuak hi. Cell phone tawh aw khum sawm ta hi.

Leitung bup-a gospel nasemte aa ding thunget sak in. Missionary nasep Sabbath School sumpi tawh na huh man un lungdam hi. Tangthu om laite mai kaal ah simin.

Pasian in Note *adingin* Hong Dosak



SABBATH NITAAK

Tu Kaalsung Simding: *Pian. 15:16; Siam. 18:24–30; 2 Tim. 4:1, 8; Pai. 23:28–30; Thkna. 20:10, 15–18; Isa. 9:6.*

Kamngah: “Israel Pasian TOPA in Israelte aa dingin gal dosak ahih manin, hun khat sungin Joshua in hih kumpite le amaute gam a la hi.” (*Joshua 10:42, ZSV*).

Joshua’ laibu sungah amuh thadah huai pawlkhat om hi. Siangtho Pasian’ galkap te in Pasian’ thupiakna mahtawh midang pawlkhat vasim sese cih khawng dotna om hi.

Lai Siangtho Lui sunga siangtho gal cihmawk pen tona lianpi khatmah ahi hi. Pasian in vannuai bup ah sangpen Topa ahih manin; a piang na khempeuh pen, Ama’ deihna bang linlian ahi a, a tungtawn hi hamtang ding hi. Tua hi a dotna omthei khatpen “Pasian in hibang thute bang dingin phalthei hiam? cihpen om teitei hi. Nungkal in, Pasian tektek in, mihing’ tangthu sungah a piang gal lellel sangin a lianzaw tham, eima nuntakna vai bang ahilian gal khat do hi cih sinkhin hihang. Hih kido na tungtawn bekin Lai Siangtho le leitung tangthu kitelcian thei bek cih i muhsa zong ahi hi.

Tukaal sungin, vantung in hong ciangtanna galdona leh siangtho galdona, Laisiang tholui kamsangte gen siangtho galdona le tua galdona huzaapna teng kisin ding hihang.

*November 1, Sabbath ading kiginkholhna in tukaal lesson sim in.

Canaan Mite' Mawhna

Simin, Pian. 15:16; Siam. 18:24–30; Thkna. 18:9–14; le Ezra 9:11.
Hihmun tengin Canaan leitang Israel tungah a piakna ah a zaizaw Pasion' ngiimna bang ci hiam?

Tua minamte Canaan mite mawhna telcian theihna dingin ahihleh Joshua' laibu lo adang zong etcian kullai ding hi. Hih minamte in akihhuai naupang meihal biakna, aisaan na, khongkhaina, mailamthu genna, aitawina, bum tawina, vankahna, sikha hopihna cihte hih uhhi (*Thkna. 18:9-12*).

Tanglai (*Ras Shamra*) panin (*Ugaritic*) lai acihte muhkhiatna panin, Canaan mite biakna leh mihing kipawlnate kimuhbeh thei hi. Hih lai in tua ngeina te mawhsak mah mah bek thamlo, Lai Siangtho Lui in zong gamtatna thukhun tawh kizui in nasia takin mawhpaih hi.

Canaan mite' biakna in a minthang leitung nate bulphuh upna hi a, ciphat theihna peuhmah pen pasiante le nusiante angkawmna panin piangthei bek ci uhhi. Amau'tektek un angkawmna tawh maapang le uh a pasiante le nusiante angkawmna tawh kibang in sim uhhi. Tua upna tungtawn in "siangtho" angzuakna cih upna hong piang a, numei le pasal angzuakna sungah kibual in, biakna ngeina sungpan khat in kihelsak uhhi.

Minam khat peuhmah in, a biak pasiante sangin a sangzaw dinmun tungthei ngei lo hi. Tua hi a, amau' pasiante uh a theihcianna uh hangmah in, Canaan mite in naupang meihal biakna pia uh a, Lai Siangtho in zong tuathu hong vaukhol phadiak hi.

Canaan mite in, ta upa peuhmah amau' biak dawi tungah, meihal biakna in pia hi cihthu leisung tokikte in zong kipsak uhhi. Naupangno guhte thambeelpi sungah om a, a nulehpa te un amau' biakna uh gina a saklohna kahtamna kammal khawng zong kikui ahih manin naupangno tampi in thuk ding cihna ahi hi.

Canaan mite a suksiat siangna ding thu limlim pen, aki nung ngaihsut zong hilo a, Israel mite tungah tua Canaan leitang piak ding Pasion' khentatna zong tuathu hang mah ahi hi. Canaan gam mite a ding hun ciangtan khat leh, amau laka teeng tuan pupate' teci panna tungtawn in Pasion leh Ama' omzia a muhtheihna'ng uh hehpihna hun behlapna tawh hun kipia hi. Amau un hunhoih neinapi un, pheengzat uh a, a lipkhaphuai amau ngeina sungmah ah ompaisuak ahih manun, a tawpna ah Topa in amau a khawlsak kulta mai hi.

A Lianpen Thukhenmangpa

Simin, Pian. 18:25; Late 7:11; 50:6; 82:1; 96:10; leh 2 Timothy 4:1, 8. Hihmun tengin Pasion omzia bangteng pulak uhham? Pasion in vannuaibuppi thukhenpa ahihna in, siangtho galsimna koibang hong telsiam sak hiam?

Siangtho Pasion' omzia cihpen mawhna phallo cihna ahi hi. Amah lungduai hina pi, mawhna in anunungpen ama' sulzui, sihna thuk ding hi (*Rom. 6:23*). Mawhna a omna peuhpeuh Israel le Canaan mite hiphial taleh Yahweh in galphuangta hi. Isarel in siangtho gal a do manin mi namdangte sangin siangtho zaw zong hi tuanlo hi (*Thkna. 9:4, 5; 12:29,30*). Pasion in zong Ama' teeltuam mite a thukhen ciangin tua minamte in Yahweh' khutzat peuh hong hi zawsop hi. Nisuahna lam gam midangte tawh a kibanglo in, Israel in, siangthogal khawng lehdo kik zawsop a; Pasion in amau a ding dosak lozaw in, amau dozawsop in, amau' galte in nengniamsak zawsop hi (*Joshua 7 enkaakin*).

Siangtho gal cih peuhmah, Pasion' thukhenna tungtawn a gamtatna bek hi ding hi. Tuabang lian hileh, Israel' gamlaakna zongpen a tuamvilvel gamtatna khat hilai hi. Aa na zang tanglai kumpite in amau' kiliatsakna dingun gal a do mahbangun tuhun in zong ahi hi. Israel' galdona ahiehleh amau' minthanna ding hiloza a, gamsung tengah Pasion' thu tang leh daihna a omna ding ahi hi. Tua hi a, siangthogal cih upna telcian theihna dingin, sangpen Pasion ukzawhna aana neipa ahih manin, amau un zong Pasion pen kumpi leh thukhenpa in nei ding uhhi.

Yahweh in galhangpa, thukhenpa hi a, thukham a bawlpa, a kipsakpa le Ama' omzia tawh thukham a kilang sakpa ahi hi. Pasion in galhangpa ahihna, thukhenpa leh kumpipa ahihna teng hang mahin; Yahweh in Ama' phuhsa gamdaihna sungah langdona cihpeuhmah phal hetlo ding hi. Tua hi a, thukham nuaiah daihna, thutang le lemna a om theihna dingin galsim, galzawh teitei kul cihpen Yahweh' ngiimna zong hituan lo hi. A nunungpen in thukhen ding, galphuang ding, thutang omsak ding cihte pen Pasion aa vive ahi hi.

Pasion in a thutang, gawlhguk piak theihloh deidan na'ng huzaap a neilo thukhenpa hi cih thei in. Lungdamthu sungah khenkhat ahi mawhna, nenniamna le midikte' thuakna cihte pen banghang in Pasion in tawpngeilo in thuakzolo hiam?

Khutguak ahihkeileh Beisiang Maw?

Simin, Paikhiatna 23:28–30; 33:2; 34:11; Gam. 33:52; le Thkna. 7:20 pen Pai. 34:13; Thukna. 7:5; Thukna. 9:3; Thukna. 12:2, 3; le Thukna. 31:3, 4 cihte tawh enkak in. Hih munteng in laakna le suksiatna a deihna koibang in telkheh hiam?

Canaan mite a dingin Pasion ngiimna masa in hepsiangna hilo, khuthawm suaksak ding ciang hibek hi. Israel in gamlaakna sungah galphual hong neihna thu hoihtak in kantel ciangin; tua kamciamgam a teeng mite pen, khuthawm suaksak ding, hawlkhia ding, tuamun ah omsaklo ding cihciang bek ahi hi. Israel in a suksiatsiang sitset ding a nihna pawlte pen, nuntakna neilo dawibiakna van khempeuh suksiatsak siang ding cihi. Tuate lakpan a minthang penteng in dawibiakna taute, Canaan mite'biakpiakna phualte ahi uhhi.

Siangthogal ahihleh Canaan mite ngeina ginalo te a ding kalsuanna ahi hi. Kih-huaina tawh kipelh theihna dingin tua siatna a piangsak nate khempeuh Israel in susia siang sitset ding hi. Cihte hang Canaan mite in a mimal in Pasion sangpenpa hi cih gam laakma, gamlaak laitak inphawkkha hileh, gambeelte bangin suakta in teengthei ding uh hi (*Josh. 2:9-14; Thkte. 1:24-26*). Canaan mite sungpan zong suksiat a thuk dingte pen, lungsim khauhsakna tawh Israel mite a ding Pasion' geelna langdo in khuapi kulhsung a lutkikte hi phadiak ding uhhi (*Josh. 11:19,20*).

Ahizong in, hihthu in dotna khat piangsak hi: Canaan gam laakna dingin Canaan mite suksiat ding hilo, hawlkhiat ding hibek napi, banghang in Israel in mi tampi a thahuh kulthei hiam?

Canaan laakna ding Lai Siangtho munte phelkham liangin entel leng; Pasion' ngiimna bulpi in, Canaan mite peuhmah pen tua leitang tungah omsaklo ding cihciang hi bek hi. Hita mahleh, Canaan mite a tamzaw in, Egypt Pharoah mahbang in, a lungsim uh khauhsak ahih manun, amau' ngeina teng suksiat ciangin amauzong tuate tawh suksiat thuakkhawm uhhi.

Nomau gamtatna le ngeina sungah bangteng a bulpan longkhia in hemsiang ding ihi hiam?

Suakta Takin Deihteelna

Simin, Thuhilhkikna 20:10, 15–18; 13:12–18; le Joshua 10:40. Thuhilhkikna laibu sungah milimbia Israel khua khat galsim na'ng thukhunte in, galsung ah Israel mite suksiat dingte ciangtanna koibang hong telcian sak nasa hiam?

Hebrew pau in galsungah mihingte suksiatna a genna ah: *cherem* cihi. Akhiatna pen “khaam, mawhpaih, suksiatnsiang dingin aap” cihte ahi hi. A kikhel ngeilo Pasion’ gamsung nangawn ah mihingte, ganhingte le nuntakna neilo nate a kikhek ciangin, a tamzaw peuhmah galvai bekmah tawh kibawl hi. Galvai tawh mihing a suksiat siangna *cherem* cihpen; Pasion in Ama’ omzia le vangliatna a dem vannuai buaina gitlohna vang peuhmah Pasion’gal a suak cih theih ding hipah hi. Leitungah mawhna a lutpan kipan, munlai cih peuhmah omtheilo a, Pasion’ lam maw, a langkhat lam maw cih hipah hi. Khatlam in nuntakna, tawntung nunna, adang khat in sihna tawntung sihna ahi hi.

Suksiat siang sitsetna pen, mawhna leh gitlohna tungah Pasion’ thutang thukhenna ahi hi. Pasion in tua suksiatna pen Ama’ teeltuam te Israel mah, tehpih omlo in vai puasak hi. Tanglai Canaan gampi pen itluatna tawh a suksiatna dingin, Ama’ khutsung mahah a om, hun ciangtan khat sungah laak ding leh a leikiat mahmah zong puahphat kul hi. Zan ni sinna bang hileh, Pasion suksiatna sung a tungte peuhmah pen, kisikna neilo in Pasion’ ngiimna a langdo a zahbawl paisuak mite ahi uhhi. Suksiatn ding Pasion khentatna pen huaihamna lam leh minam deidanna kihello hi.

Tua bek thamlo Israel mite in Canaan mite omdan luah peuhmah le tuabang teng mah thuakveve ding uhhi (*Thkna 13*). Pasion’ galphual ah, a langtuak a omkha’te zong (Israel pen gamluah ding, Canaan mite suksiat ding) thukhensa vive ahihteih hang; a langkhat pan a langlam ah galkah thei veve hi. Mailam ah Rahab, Achan le Gibeon mite tangthu kisinlai ding hihang.

Mihing khawngpen utleh kemit, utleh usia cihbang zong hituanlo hi. Yahweh Pasion tawh kizom ing hamphat lawhtheih mahbang in, langdona hangin hunhoih taan thei uhhi. Suksiat dingin a kikoiksa mite zong Yahweh vangliatna sungah ki-aap peh leluh nungta ding uhhi.

Tuni sinna sungah Canaan mite in Pasion a zahtak lohna panin bang khalam pilna naneitheih ding hiam? Eima’ mimal deihteelna bangin bang sulzui peuh omtheih ding hiam?

Kilemna Kumpipa

Pasian in Ama' mite' mailam ding a ngiimna pen anuai a munteng in koibang in gen hiam? *Isa. 9:6; Isa. 11:1-5; Isa. 60:17; Hos. 2:18; Mic. 4:3.*

Tukaal sinna in a deihna bulpi pen, Lai Siangtho Lui sunga Pasian' thupiakna tawh gal kiphuangte tangthu a hihteih hang, Lai Siangtho Lui kamsangte in a kipsak thu khat zong om hi: hong tung ding kilemna Messiah hun ahi hi. Tua Messiah pen "Kilemna Kumpipa" (*Isa. 9:6*) ahi hi. Kilemna tawh akidim, humpi leh tuuno a tatkhawpna (*Isa. 11:1-8*), tua laiah suksiatna om ding a (*Isa. 11:9*), kilemna in a ukna (*Isa. 60:17*), guntui bangin a luanna (*Isa. 66:12*).

Simin, 2Kumpi 6:16-23. Pasian in Amite le mihingte mahmah a dingin ngiimna thukzaw bang hong musak hiam?

Elisha kalsuanna tawh Syrian galkapteng a anvakna tangthu lungngaih huai hi. A vekpi in satlup ding sangin (*2 Kumpi. 6:22*), Pasian in Amite a dingin a ngiim saksa kilemna mah pulak sakzaw hi. Galte a uumcih muhmawh galkap honte pen Elisha in tel cian mahmah hi (*2 Kumpi. 6:17*). Hih vannuai buaina sungah Pasian in maa hongpan ciangin, hih leitung dongah nangawn hong kilawhsuk ahih manin; hotkhatna ngiimna nunungpen in, buaina omsak den ding hilo a, galpa khutnuai ah beisiang in, kilemna om tawntung ding hi. Ngongtatna in ngongtatna mah piangsak a (*Matt. 26:52*), kilemna in kilemna mah piangsak hi. Tua tangthu a thukhupna ah "Israel gam sim dingin Syria te hong pai nawnlo hi" (*2Kumpi. 6: 23*) cih.

Eite'n zong kilemna bawlte ihih theihna'ng lampi zong leng, tuni nangma nuntakna koibang ahi hiam? Bang buaina peuhpeuh na phukha ta zongin, buaina bawl sangin kilemna bawl koibang in hitheih zaw ding na hiam?

Ngaihstutbeh Ding: Ellen G. White, *Tuan pupate le Kamsangte*, lai. 491-493 sungpan “The Fall of Jericho” simin.

Lai Siangtho sunga thu piang khempeuh a nungthu leh a kizoppih thu theih ding thupi mahmah hi. Tu in i muhsa mahbang in, Canaan mite tungah a galsinnate telcian theihna dingin Pasion in Thukhenpa ahihna in zong thupi mahmah hi.

“Pasion hehhak hi. A gilo minamte in, Amah leh Ama’ omzia tawh hong kizop theihna dingin hun ciangtan khat pia hi. Tua khuavak nial in, Pasion’ lampi teelna sangin, amaute’ deihna teelzaw uh ahih manun, mawhsakna thuak uhhi. Canaan mite khuthawm in a koihpah lohna thu zong Pasion in hong piaksa ahi hi. Amaorites mite’ mawhna in dim nailo hi. Amau’ mawhna te in, Pasion thuakzawhna ciangtan a tun ciangin, Amau zong a tawpna a tung dinguh hita hi. Amau’ gitlohna in a tawp dong atun mateng in Pasion’ thukkikna ziakailai ding hi. Minam khempeuh in ciangtan hunkhat ta nei uhhi. Pasion’ thukham a paikhia mite in gitlohna khatpan gitlohna a dang khat zomto zel ding uhhi. Tate in pate langdona lungsim luahsuksuk uh in, Pasion hehna amau tungah a tun mateng pate sangin suukzaw kaanlai ding uhhi. Mawhna daan bel kikkiinto hetlo ding hi” —Ellen G. White Comments, *The SDA Bible Commentary*, vol. 2, p. 1005.

Kikupding Dotnate:

- ① Pasion pen ei bek ahilo vannaui buppi in thukhen mangpipa ahihthu kikum un. Pasion in tua thukhenpa ahihna pen lungdamthu leh hotkhatna a dingin bulkip ahihna banghang hiding naci hiam?
- ② Canaan mite tungtang panin Pasion thuakzawhna leh thutanna koibang in tawlet vang hong neisak thei naci hiam? Eima mihing pihte tawh kikhawlhna ah Pasion’ omzia koibang in kilangsak thei ding ihi hiam?
- ③ Deihteel theihna thubulpi ngaihstutbeh dih in. Pasion in banghang in eima deih teelna kipsak hiam? Itna leh deihteelna koici kizom hiam?

“Hih Pen Accident Hikei”*Thupuak:- LAURIE DENSKI-SNYMAN*

Innteekpa hong kileh ciangin Maria zong David en hi. Tua pa in a zi thu dot-te dawn'na phone tawh na khum hi.

David in “kong cihsa mah bang un ko pen SDA hi ung” ci hi. Innteekpa'n “Hih pen Khristian hi-ung na cihna maw?” ci hi.

David zong thu ngen kawm hi. Hih gam mi tampi takin Khristian biakna sang theilo, amau biak in a kham thei zu le sa sianglote Khristian tampi te'n, ne uh dawn uh hi cih David in thei hi.

David in “Torah gente sang hi ung, Thuhilhikikna 6:4 sung a, ‘Topa eite Pasion, Topa khat bek ahi hi’ cih zong sang ung” ci hi.

Innteekpa zong “lunglut huai ei” ci hi. David in “Torah sung ah Topa pen Sabbath ni ah biak ding cih zong sang ung. Tua pen Friday nitum pan Saturday nitum dong hi” ci hi.

Tua khittet Isaiah 66:17 sung a voksa neek loh ding thu zong genpih hi. Innteekpa in aw khumkhum suak hi. Amai gum pen hong veng in mai tai ta hi. David in “i pumpi pen Pasion biakinn hi-a ei hong kikawm-a, leitung ah i om laitak-in limtak-a i kepkul hi” ci hi. Innteekpa zong hong mai tai mahmah ta hi.

“I pumpi pen za teep, zu dawn na tawh suksiat ding hilo hi” ci hi.

Innteekpa in “i kimuhna pen Pasion geel sakna-in um ing” ci-in hong ding to-in paikhia hi. Neek ding hong tawi-in sabuai ah lui-in ne' sak hi. Innteekpa in “hih pen lamet loh pi-a kituah khakna hi kei” ci phapha hi. “Tunglam pan kishna hi.”

Tua khittet innteekpa in a kimuh theihna le an tung ah thungetna nei hi. Tua khittciangin inn nung khan sung a om a tapa hong paipih in “hihte tawh hong musak nuam ing” ci hi. David le Maria te kiang ah “ko inn pen na inn bang un bawl un” ci hi. Amau pen zehtan laitak ahil manin an ne theilo ci hi.

Leengla te an a neek laitak un amah'n *The Great Controversy* thu dong hi. Amah'n David te' dawn dan sang thei hi. “Tu ni nong pai theih uh lungdam ung. No pen hiah hong pai dingin hong kisawl hi cih thei ung. Hih pen accident hi kei. No tung ah hong dik nu'ng, no tung ah lung nopna om taken” ci hi.

Leenga te a kileh sawm ciangin, innteekpa in “veeng teng ah na phak phak na uh ah lungdaihna le thuphate tawh ton khawm un” ci sak hi.

Leitung bup-a gospel nasepte aa ding thunget sak in. Missionary nasep Sabbath School sumpi tawh na huh man un lungdam hi.

Asung-a Gal



SABBATH NITAAK

Tu Kaalsung Simding: *1 Pet. 1:4; Joshua 7; Late 139:1–16; Ezra 10:11; Luke 12:15; Josh. 8:1–29.*

Kamngah: “Keimah TOPA in lungsim entel in, ngaihsutna ka sittel a, Mi khempeuh ama gamtat zia le a sepnah gah tawh kizui-in ka thuk ding hi.” (*Jeremiah 17:10, ZSV*)

Joshua 7 sungah, kamsiatna tawh Israel mite in, thuciamna tepan asulzuite leh a khiatna thuk hong theihmasak penna kiciamteh hi. Thuciamna hangin hong tungthei suksiatna te mangngilh phot leng, thuciam manna in gualzawhna lianpi hong pai hi. Israel mite gualzawhna pen amau’ mimal phazah, galsiamna leh pilvang hang peuh hilo a, Van-tung Galhangpa in amau a ompihna hangbek ahi hi.

Kamciam Gam akihawm laitakmah in zong, Israel in thu haksa phukha uh a, alau huaipen galpa in giahphual pualampan hong pai hilo a, amau lakpan mah in hong piang ahi hi. Amau’ maiah tona lianpen in, kulh tawh a ki-uumcip Canaan khuapite hilo, tuate galsiam nate zong hilo hi. Amau giahphual sungmah pa lungsim khauh mite in Pasian’ thupiaknate amau’ lungsim tawh awlmawh lo uhhi.

Vantunga eima gamh luah dingteng ngak kawm in (*1Pet. 1:4; Col. 3:24*), tona tampi mah maingat kha hihang. Kamciam Gam gii ah ki om gige a, eima cihtakna hong ki sittel in Khazih tungah ki pum-aapna bek tawh gualzo thei ding hihang.

*November 8, Sabbath ading kiginkholhna in tukaal lesson sim in.

Thuciamna Palsat

Simin, Joshua 7. Ai' khuamite in Israel a zawhgawp theihna thu nam nih bangteng hiam?

Laisim te'n na theihsa uh mahbang in, Yahweh' hehtheihna leh thupalsatpa' min zong na theihsa uh ahi hi. A telhak mahmah Achan' huangkaanna a pholhkhiatna uh pen laisimte akipan, Joshua le Israel mipite muhna ah zong hehhuai mahmah khin hi. Joshua 7 na in a dang Lai Siangtho Lui bute mahbang in a gen phatphat mah na om hi. Israel in *Ai* khua la ding a kithawi masaklai in a laakzawhlohna hangthu a bulpi pen tua sungah om hi. Israel in Ai mite khutsungah a gualleh gawpna thubulpi nih om a: Achan' mawhna le Israel in amau' thatang kimuang gawp kha uhhi. Amau thatang a kimuan' luat na hang leh; galte thahatna a neumuh luatna hangun Topa dotding zong phawkkha nawnlo uhhi.

Joshua 7:1, 11-13 sungah Achan in a kikhaam thu palsatna tawh ama' vaipuak ding vive hinapi, a minam buppi in Achan' mawhna thuakpih mikmek uhhi. Pasion in tua Achan' mawhna huzaap a liatna pen taang 11 ah damtak in lak hiathiat a, "*nangawn le te zong*" (Heb. *gam*) cihhi. Amasa penin mawhna acihna kammal in "*khata*" " hi. Tuakhit ciangin a palsatna ahihleh mawhna namnga leh adverb *gam* ahi hi. (1) '*abar*, "kaantan, palsat" (2) suksiat ding (*kherem*) thu om acihte nangawn la (*laqakh*) (3) gu lailai (*ganab*) (4) khem lailai (*kakhash*) le (5) a guksa (*kherem*) nate ama' vante sung nangawn ah koih (*sim*) cihhi.

Yahweh le Israel kikal a thuciamna pen a mipi le amimal mahmah kigawm in kiciamna ahi hi. Tua thuciamna telcianna in, Israel pen Pasion' teeltuam mite hi a kikhen kham theilo hi. Tua hi a, mikhat peuh mawhna, amau lakpan honkhat peuh mawhna in thuciam in a huamna pawl buppi tungah om ding hi. Topa in "Israel mawhzo hi, amaute in ka thupiak thuciamna palsat zo uhhi" (*Joshua 7:11*) cihhi.

Pawlsung veengsung ah mimal khatpeuh mawhna pen mipi in aki thuak liang theihna koibang daan hiam? Bang thupiangsa nalah theih ding om a, a mipi in koibang in thuakkha uh hiam?

Achan Mawhna

Simin, Joshua 7:16–19. Tuateng a vekpi Pasion leh Achan tangthu ahihna koibang in pulaak hiam?

Thu palsatpa immciplo zaw in Pasion in, Ama' thutanna le hehpihna pulak na'ng khat bawl hi. Israel' gallelhna hangthu a pulaak khit ciangin mipite siansuah dingin sam hi (*Josh. 7:13*). A nasep zia ding teng a pulaak khit ciangin, Achan in, thu ngaihsun, kisik in a mawhna pulaak theihna ding hunhoih pia hi. Ama' innkuanpihte in zong a thupiang thei henla, immcip ding maw, Korah' tate bangin a pa uhtawh suksiatna thuakkhawm lohna dingin pelh in suakta ding maw cih ahi hi (*Gam. 16:23-33; 26:11*).

Thusia a omsung in, lehpai gawp uh ahih manun Israel sungah pul tung liang hi: nambup mawhtanna pan beh khat ah; beh khat pan, phungkhat ah; phung khatpan inn kuan khat ah; innkuan khat pan mimal ah pulak suksuk hi. Mawhneipa a pulaak banah mawhneilo teng zong siansuah zel hi. Thukhun omsa bangin, Achan in mitmuh loh in ahih sim khempeuh Pasion in pholhkhiaata hi.

Laisimte in Achan' gamtatna pen Pasion in deihvetlo cih theilel ding hi. Hong kitheizo diam ci in lungsim khauhtakin a om i muhteh kua in lamdang salo thei diam? Na khempeuh paillet in amu pa maiah bangmah kiseel zolo hi (*Late 139:1-16; 2Khag. 16:9*), mi' lungsim sunga kiseel khinkhianteng zong thei hi (*1Sam. 16:7; Jer. 17:10; Pau. 5:21*).

Joshua in Achan kiangah “*Kata aw*” acih zong thupi hi. Tua kammal in, Joshua pen khangham, makaipi cihciang bek hilo, galhang pa khat in thutanna lungsimpua cihna zong hilai hi. Mawhneipa kisia ding cihteihang, ama' lungsim sungah Achan a ding hehpihna neilai cihna ahi hi. Tuabang lungsim tawh Joshua in Achan tungah hehpihna itna a dim in neilai a “a ngongtat ngeilo, midang natsak na'ng a pau ngeilo, a thanem kha khatpeuh tungah a kisamlo te a paulopa ... Zeisu in kineihna, uplahna leh mawhna nakpi takin mawhpaih hinapi, deihtak a taaigawp ciangin zong Ama' aw sungah khitui kihel theipa Zeisu a kaw khol zong ahi hi”—Ellen G. White, *The Desire of Ages*, p. 353.

Nangma gamtatna a kiseel nakhempeuh zong Pasion in theiveve cih phawk na in, nangma nuntakna koibang in huzaap thei ding hiam? Koibang in hong huzaap ding hiam?

Kam'siatna tawh Kidim Deihteelnate

Simin, Joshua 7:19–21. Achan in bang hihding in Joshua in sawl hiam? Tua sawlna banghang in thupi hiam? Ama' ki pulaakkna na koici telsak hiam?

Joshua in Achan nanih hih ding sawl hi: (1) Pasion minthang sakin zahtak ding hi. (2) Ama' hih bangbang immlo in pulaak ding cihi. Achan in ama' hihsa khempeuh pu-laakna tawh Pasion' min thangsak ding cihi. Hiteng ah (*today*) cihpen lungdamko cihna hi a (*Late 26:7; Isa. 51:3; Jer. 17:26*), mawhna pulaakna zong hilailai hi (*Ezra 10:11*).

A dahhuai khat, Lai Siangtho sungah Achan kisik taktakna lim alahna khatbeek zong omlo hi. A tawpdong mahin seelzo dingin ki um hi. A langtang mahin langdona leh zawhthawhbawl mawhna hi a, Moses' thukham sungah tuabangte a ding mawhphelna om theilo hi (*Gam. 15:27-31*).

Joshua 7:21 sungah Achan' kammalte in Adam leh Eve puklai hun hong phawk kik sak hi. Eve in tua singkung mu (*ra'ah*) a, deihhuai sa (*khamad*) in agah lo (*laqakh*) hi (*Pian. 3:6*). Achan in zong ama ki pulaakna ah suksiat dingte lakah Shinar puanhoihte, sum shekel 200 leh kham tawnkhat - amah'n mu (*ra'ah*) cihi. Tuateng ipplah (*khamad*) in la (*laqakh*) cihi. Adam leh Eve te hunlai mahbang in, Adam' deihteelna in deihgawhna mawhna hi a, uplahna zong hipah hi. Pasion in Ama' bawlsa nate a ding a hoihpen ngiim na muang zolo in Pasion bekmah in a neih nate pawlkhat seelcip khinkhian hi ci in Pasion muanglo sak hi.

Tanglai mihing pukna a pulaak banah, Rahab' lungsim in Achan' aa tawh a kibat loh zia zong hong pulakkhia hi (Joshua 2:1-13). Khatnu in galkapte muhlohna dingin tua thukante innkhumzaang ah seel a; khatpa leuleu in akikhaam nate Joshua muhloh dingin seel hi. Khatnu in Israel thukante tungah diktatna tawh huh in galzosak a; khatpa in ama' huaihamna tawh Israel tungah gimna tungsak in suksiat thuaksak hi. Khatnu in Israel mite tawh thuciam bawl a; khatpa in Yahweh tawh thuciamna palsat hi. Rahab in ama' pumpi leh ama' innkuanpihte honkhia a, Israel mi lakah a zahtakhuai mipihte hong suak; Achan in amah leh ama' innkuanpihte sihna tawh susia in vang behsakna in vauna limpua in om den tawntung hi.

Hazatna tawh mawhna lungngai limlim in. Eimah'n inei a ineikei phial zongin tuate tawh galleh theihna koici pelh ding ihi hiam? (*Luka 12:15 enkak in*).

Lametna Kongpi

Simin, Joshua 8:1–29. Eima gualleh dikdekna khawngpen Pasion in hun hoihzaw khawng in koibang in hong piangsak thei cih hih tangthu in gen hiam?

Pasion nasepzia in Israel mite kisuksiatna sa Achor zaangkum (*Hebbrew pau, gimna*) pen Pasion in hamphatna lamah heikik in lametna kongpi suaksak kik hi (*Hosea 2:15 enkak in*). Ai mite in Israel tungah galzo masa phot ahah manun, amau leh amau ki muanglua uh a, Israel in a lelbang keekin nungkiin uh ahah manun Ai mite in amau hih ngei mahbang un delhgawp uhhi. Ai mite pen amau' kullhpi sungpan a sapkhiat khit uh ciangun, khuapi pan a gamla khollona munah a buu khinkhian Israel mi 30,000 tengin tua khuapi sung lutin meitawh haltum ding cih ahi hi.

Joshua 8:7 in, galzawhna pen amau' siamna hilo zaw in; Topa Amah teekin Ai khua pen Israel' khut sungah pia ding cih kician tak in gen hi. Joshua' tangthu sungah hih chapter pen adangte sangin galvai a tam penna mun hi a, gualzawhna apia muhmawh thumaan in Yahweh hi cih khuavak hong pia hi.

Tua laitak in Ai mite in khuapi sungpan hong paikhia uh in Israel mite hong delh uhhi. Hih mun Joshua 8:2 pen galsim ding zia Pasion in a genkhiat, a nihveina hi a, tua a galphual Amah'n mukhol khinzo cihna ahi hi. Tuahun masiah peuhmah, galphual koici ding cih kithei nailo phot hi. Hih munpan in kipan, Israel galkap honpi in galzota ding cih kitelcian mahmah ta hi.

Joshua' hiam tawi pen namsau, teipi cikhawng hi vetlo; phiaukawi namsau peuh temtawng sau peuh hilel hi. Joshua' hunlai in tuate khawng hiam taktak in kisanglo ahah teihang, sangpen ukzawhna aana limpua ahi hi. Ai simding cih lim alah banah, Ai zawh gawpna ding pen Pasion' sangpen liatna hizaw cihna hi. Gal aki zawhsiang masiah phiaukawi namsau laamto cihzong, Tuipi San kaanlai a Moses makaihna mahbang in (*Pai. 14:16*) tu'n Joshua in makai; leh Amalek mite tawh gal kidona (*Pai. 17:11-13*) ah Joshua mahin a mimal in makaih tektek cihte phawkkik sakna ahi hi.

Tu in ahihleh Pasion' lailutna mitmuh nalamdang omlo hinapi, khang masate in Egypt ana zawhgawpna uh leh Jericho aki zawh gawp nate sangin Ai kizawhna ah Pasion kihelna tawmzaw tuanlo hi. Tua gualzawhna tawhtang pen Topa' kammal Joshua in muang in hoilo in a mangna hang ahi hi. Tua thukhun mahin tuni Pasion' mite a dingin koikoi ah omtaleh, tona bangbang omtaleh, kip paisuak lai hi.

Pasian' Vangliatna Teci

Sinna ngana ah i muhsa mahbang in, dawibia minamte in Amah thei in, amau' gitlohna lampite a nutsiatna ding un, Pasian in hunhoih piakhinzo hi. Himah taleh amaute in nial ahih manun Pasian' thukhenna maingat zawsop uhhi.

Simin, Joshua 7:6–9. Amau' tungah hong tung gimna teng Joshua in a phutpihna ahi hi. Joshua 7:9 na bul-sim in. Ama' kammal sungah a thupi biakna vai bangtung namu hiam?

Acil lamin Joshua in, Egypt pan a paikhiat tuung a Israel mite tauna mahbang in tau hi. “Kote Sabeel phungah tuu in khamtakin kaneklai un, Egypt gam ah Topa in hong that khin hizaw taleh maw! Tu in mi honpi a puksisak dingin, note in sehnel gamah nong paikhiat pih uhhi” (*Pai. 16:3*) acih bangin e..

Joshua' cihna pen: “Ala, Topa Pasian, kote hong susia dingin, Amor mite khut sungah a hong pia dingin, banghang in hihmite Jordan gun galkhat ah hong paipih peuh-mah nahi hiam” (*Josh. 7:7*) a cih.

Tua khit ciangin, amau' guallehna hangin Pasian' min ki sim mawh mahmah ding cih alauna thu pulaak kik hi. “Canaan mite le hih gam a teeng mite khempeuh in hihthu za ding uh a, kote hong umm cih in leitung panin kote hong phiatkhia mang ding uhhi. Tua ciangin a lian mahmah Nangma' min bangcih ding nahi hiam?” (*Josh. 7:9*) cih.

Hihthu mahpen Israel tawh Pasian' ngiimna thukhunpi mah ahi hi. Pasian' thu a mang Israel tungah Amah'n bang hihsak a, Rahab in zong Pasian' mite galzawhna hangmah in Pasian hong theih mahbang in; tua kiimah dawibia mite khempeuh in zong Pasian bawl nalianpите theisak nuam hi. A langkhat ah zong a suuksia zaw kanlai khat ah, tua minamdangte in, Israel' Pasian hatlolua hi (*Gam. 14:16; Thkna. 9:28*) ci in hong hang san lua mahmah ding uhhi.

Thukhat leuleu panin, Hebrew mite in gam a laakna vuah, a thupi thukhun pawl khat om a; Pasian minthansakna leh dawibia te a ding nangawn lam-etna in Amah bek ahih thu cihte kihel hi.

Thhkna 4:5–9 simin. Isreal in leitung ah a teci panna uhleh, tuni ei Sevenday te tecipanna in koibang in ki zawitawn nasa hiam?

Ngaihutbeh Ding: Ellen G. White, *Tuanpupate le Kamsangte lai*. 493-498 “The Fall of Jericho” simin.

“Sihna akailiang Achan’ mawhna in huaihamna sungah zungkha a, mawhna khempeuh le a sangpen mawhna te’ bul ahi hi.

“Achan in ama’ mawhna a theihte hang, mawhna pulaakna dingin zekailua ta hi. Ai mite suksiatna hangin Israel in maizum lungkia in hong ciahkik uh amah’n mugige na pi, ama’ mawhna pulaakkhia tuanlo hi. Joshua le makaite un kam a genzawhloh dahna tawh lei ah bokcip cih khawngzong amah’n mu gige hi. Ama’ mawhna pulaak in kisikna maan taktak a neih ding sangsik in; daidiidee zawsop hi. Mawhna lianpi khat kibawl hi ci in thukip thukho tawh kigengen za gige lel hi. Hinapi ama’ muuk bit zawzen hi. Tua leh thu kantelna hong kipanta hi. Ama’ nam, a beh, a phung le innkuan’ min a kilawh ciang in bangzah in dipkua ding hiam! Tua pipi mah Pasion’ khutmee in amah a tangkawc ciangdong, bangmah pulaak tuanlo lai hi. Tua ciangin a mawhna kisin zo nawnlo ahih manin, thumaan genta mai hi. Tu in zong tuabang pulaakna peuh bangzah om ding hiam? A hibang in pholaak khit ciangin pulaak pan cihleh; Pasion leh eimah kikaal simtham mawhna pulaakna in kibang vetlo hi. Achan in ama’ mawhn sulzuiteng pelhtheih ding lam-etna omlo cihthei peuh mahleh ama’ mawhna pulaak hetlo lailai ding hi. Tu in ahihleh ama’ gimthuakna pen thumaan mah hi cih pulaakna bekmah hitamai hi. Kisikna taktak omlo, lungsim kitapna le kikhel nopna, mawhna huatna cihte om peuh mah lo hi”—Ellen G. White, *Patriarchs and Prophets*, pp. 496–498.

Kikupding Dotnate:

❶ Thuthang tangkona ah *tampi bawl tampi zang* cih leitung ngaihutna leh thu kham sawmna a kizop theihna (*Pai. 20:17*) kikum dihun. Deihna leh kisapna khentel siamding banghang in thupi nasa hiam?

❷ Dan. 9:4–19 sunga Daniel thungetna simin. Daniel in Israel’ mawhna pulaak in a thungetsakna ah; Daniel in mawhna bawlngeilo hinapi; banghang in “*kote*” in hih thusiate kabawl khin uhhi ci hiam?

❸ Thursday sinna pan a tawpna dotna ngaihun kik un. Israel in “thukhamte leh thukhennate” mangin a omna uhpem amau’ teci panna ah banghang in thupi thei hiam? Tuni eima pawlpi sungah koibang kizangthei ding hiam? Pasion hong thupiak khempeuh zuitaktak leng eima teci panna ah bangzah muibun zaw ding naci hiam?

Pasian aa Piakkikna: Khen 1

Frank Mukuke pen Namibia gam ah a lal' ciangin lupna, tutna, thuk, radio, TV, khe nulna, khuang koihna cihte leiba-in lei-in sum neilo keei hi.

Tua pen a kigeelsa dan hilo hi. Amah pen sum sazian bawl dan a hihl sia hi-in sum zat ding a bawlsa hi. A tung in ah sawm-a-khat, sumpi, sum loh kik cihte ahi zongin bangmah cilo hi. Ahi zongin lamet loh-a sum bei' nading thute hong om hi. "Bang cih ding ka hiam?" ci-in thu ngen hi. A leibate a loh nading kum nih bang a kisam hong suak hi. *Malachi 3:8, 9* in "Keimah in note kong dotnop thu pen, mi khatpeuh in Pasian' na guksak ding kilawm ahi hiam? Kilawmlo hinapi-in note in nong guksak uh hi. Ahi zongin note in, 'Bang hong guksak ka hi uh hiam?' na ci uh hi. Sawmah khat piakna leh biakpiaknate-ah nong guksak uh hi. Na minam bupun keima neihsa hong guksak na hih manun note khempeuh tungah samsiatna hong tung hi" ci hi.

Kum nih bang cingta hi. Frank zong sum aloh kik khitdong mah lung gik hi. Nop a sak ding sangin, noplo sa zaw hi. A leisate piakik nuam hi. A ngiimna a thei masa pen lai ahilhna-a a pu hi. Frank in leiba tawh ka bakte pia kik nuam ka hih manin "hun hong pia in" ci hi.

A pu in "aman zah piakhin hilo hiam" ci hi. Amah'n zong "pia khin mah ing, aih hang'n pia kik nuam ing" ci hi.

"Bang hang' maw?" "Tuante in Pasian le kei' kikaal hong daal uh, Pasian aa na ngawn a pia kik thei lo dingin hong siam uh" ci hi.

A pu in na zah pih hi, "Hai ta na hia" ci hi. Ahih hangin a pua paikhuan pia hi. Frank zong inn a tun'n ciang ahih sawmnate a sanggam pa kiang gen hi. A sanggampa in zong hai ahi tam na ci hi.

Frank in a kiphuisam vante tawh lupkhop loh ding hoih hi. Pasian' sum zang in hih van mante na piakha ing" ci hi.

A sanggampa in "haita na hiam" ci hi. Amah'n zong hailo kici hi. Ahih hangin manager pa in "na lei'sate ko tan kiklo" ci hi.

Frank zong phamawh salo hi. Manager pa in lai khat la-in "hiah na min thuh in" ci-in "lai sung ah van man khempeuh kipia khin-a ahih hangin sum ngah kikna omlo pi-in kileh piak kik hi" kici hi.

A omlai teng mai kaal teh simin.



Atawpna Cihtakna: **Galphual Ah** Biakpiakna



SABBATH NITAAK

Tu Kaalsung Simding: *Josh. 5:1–7; Pai. 12:6; 1 Cor. 5:7; Josh. 8:30–35; Thkna. 8:11, 14; Heb. 9:11, 12.*

Kamngah: “Tua ahih manin Pasion Kumpigam le ama dikna zong masa un. Tua hileh hih nate khempueh hong kipiakthuah ding hi.” (*Matthew 6:33, ZSV*)

Tu kaal sungteng in, Israel in Kamciam Gamsunga teengsa mahin, lauhuaina hong tungding bang ahih ciangin, Pasion kiangah ki-aap phatkik hun teng kisin ding hihang. Joshua in thusau ngaihsun khalo in Israel’ galte gamgii tenga Israel mite vun aatsak tadih dih hi (*Josh. 5:1-9*). Gal omkuan laitak in Paisanpawi khaamna ding (*Josh, 5:10-12*); gam laakna a kizawhkuan ciangin biaknatau khat lamin biakna pia ding (*Josh. 8:30-35*); Israel nam sagih in amau’ gamh uh zong ngahsak nai ngaplopi Topa’ biakbuk lam ding cita dih zen hi (*Josh. 18:1, 2*).

Eima nuntakna’ng buaimahmah sungin nuntakna sungah a thupizaw kisapnate awlmawh kul hi. Pasion in eima a ding hong hihsaknate lungdamko kawmin amau’ zong ki-aap phakik in thaksuhsak ding mangngilh pahpah uhhi. Vanman aval aliap in zuakna, sumzuakna ah daupaina le gualzawhna lamah manawhna cihte zingsang nitak biakpiak na ah innkuan biaknatau tungah tun ding ki mangngilh pahpah hi. Pasion tawh kikhawlh na ah i itmahmah innkuan pihte pen, tua hun a dingin lawm hoih penpente ahi uhhi.

*November 15, Sabbath a ding kiginkholhna in tu kaal lesson sim in.

Thuciamna Masak

Simin, Joshua 5:1–7. Gamlaak laitak mahin khangnihna te in vun-aat dingin banghang in Joshua in sawldihdih hi ding hiam?

Tua gam a ettel khituh ciangun thukante' thapiakna thupuak pan le lamdang tak in Jordan kaantanna hangin galte tawh kitalsik pah ding cih zong umthei ding hihang. Ahihitei hang, galzawhna sangin a thupizaw khat pen: Israel in Pasion tawh a thuciam uh ahi hi.

Khangthak mi in gamlaak ding a kisak ma un, Gam Neipa tawh kizopna tuam vilvel khat aneih uh kul hi. Tua thuciam a thaksuahna uh zongpen Jordan kaantan in a langkhat lamah hong paipih Pasion hehpihna limpua ahi hi.

Pasion tawh eite' thuciamna zong pen, Ama' hong kalh thute thukham bangin zuih tentanna sangin, eima a dingin, Ama' hong hihsak tawntung thute lungdam kohna hi zaw ding hi. (Paul in zong Galati laibu sungah minamdangte hong pianthak ciangin vun-aat ding cih a laikhakna tawh hong kibang phot zawzen hi).

Israel in amau' gamlaak hunsung in gal thahat pen hidektak ta a, a giahphual sung teng khempeuh galginna bekbek tawh manlah mah mah phial ding uhhi. Tua zong amau' ngeina cihzong hi tuanlo hi. Sakol kamkaihna le namsaute taat ding sangin; galdona sungah atawl abahte pen biakna ngeina le zeh om bangin nithum sungbang kisian suah sak hi.

Hiteng zongpen Egypt pan amaute a honkhia Pasion tawh a kizopna uh ciaptehna ahi hi. Banghang maw? Galdona peuhmah Pasion'na hi cih atheih manuh hi. Amaute gal zawhna le lawhcinna apia Pasion ahi hi. Zeisu in zong tua thukhun pen kammal them khat puahpha in a genna ah, "Pasion' gam leh Ama' dikna zong masa un. Tua hileh na kisapna dangte khempeuh uh hong piathuah veve ding hi" (*Matt. 6:33*) cih.

I nisim nuntakna sungah i kisapna tampi takte a dingin vangik kipua den a, nuntak sungin a thupi penpen: Khazih tawh kizopna nisimin thaksuah dending cih ki mangngilh den hi.

Pasion sangin "nathupisak" zawk nate tawh nahun beite ngaihsun in. Bang hangin tuabang hih ding baihlam thei a, koici dozawh ding ihi hiam?

Paisanpawi

Kamciam Gam laakding vangikpi kawmkal ah Paisanpawi bawl dingin Joshua in khensat tadihdih hiam? *Josh. 5:10; Pai. 12:6; Siam. 23:5; Gam. 28:16; Thkna. 16:4, 6.*

Gam laak madeuh in a thupi nihna pen Paisanpawi khaam ding thu ahi hi. A hun pen tua kha ni sawmlehli nitak hi a, Pasion sawlna bangin kuhkal takin hih ding hi. Paisan pawu khaamna in a thupi mahmah limpuakna hi a: Joshua in Paikhiatna hun leh etkik hi. Topa vanmi in Egypt' ta upate thatlum in Israel a gupkhiatna gimna sawmte phawkding in hong hanthawn hi (*Pai. 12*). Hihthu khit ciangin Egypt pan paikhiatna, San Tuipi kaan tanna le gamlakah vakthaapna teng tawh kizui pah hi.

Khangnihnate tangthu in gamlakpan kipan a, Jordan kaantanna, vun-aatna le Pai sanpawi khaamna cihte khitteh, a lamdang Pasion' hong lailut in Canaan mite hawlkhia dingin lam-etna nei hi. Tuabang in a hih masak teng banah Paisanpawi khaamna in Israel khangthakte tangthu kipatna ahi hi.

Biakpiakna tuuno' limpuakna tawh zong Paisan pawu in Egypt ah saltanna pan Israel mite a hotkhiatna hong pulak hi. Bek thamlo, Pasion' Tuuno taktak a picin ding zong kawklai a (*John 1:29, 36; 1 Cor. 5:7; 1 Pet. 1:18, 19*), mawhna saltanna pan hong tankhiapa ahi hi. Topa' nitak an nekna ah, Amah tektek hong kipiak madeuh in Zeisu in Ama' sihna limpua dingin Paisanpawi bawl hi (*Matt. 26:26–29, 1 Cor. 11:23–26*).

Bangbang hitaleh, Paisanpawi le Topa' nitak an in a minthang mahmah tatsa mi honpi in vantung Canaan innpi sung a lutna uh lahna ahihi. Mangmupa John in tuathu pen 144,000 te in San Tuipi le Jordan in a limpuak uh limlang tuipi tung, Pasion' mai ah vak zuaizuai cih mu hi (*Mang. 4:6; Mang. 7:9, 10*). Tualai panin Paisanpawi in a limpuak ahi Tuuno' mopawi ah Topa' nitak an ne ding hi (*Matt. 26:29; Mang. 19:9*).

Topa' nitak an neek laitak ahihei phial zongin eite' maiah singlamteh' hihna taktak koibang in kineitheh ding hiam?

Thaksuahna Biaknataute

Topa tungah biaknatau a lamna ah Joshua in bang lungsim pua hiam? *Josh. 8:30, 31; Thkna. 11:26–30; Thkna. 27:2–10.*

Tuanpupate hunlai in, biaknatau cihpen amau' khualzinna mual suang uh hi a, Pasian' kamciam gam sungah amau' tunna mun peuhah muhtheih ding khattawh mun ciaptehna ahi hi. Biaknatau khat tungding natawh, tuanpupate tungah kamciam akiptakna bangin a tangtunna teci ahi hi. Hihmun lianah biakna tundinna pen Moses thupiakna tang tutna ahi hi (*Thkna. 11:26–30; Thkna. 27:2–10*).

Joshua 8:30–35 in zong a laibubup a biaknavai teng huam hi. A lauhuai penpen galvai teng leh, a tuampian mahmah thuciam kipsak kikna ahi biakpiakna te in, Joshua in ama' laibu a kipatlian ciangin a thupipen biaknavai ahi, Israel in thuciam tawh a nungta mite ahih theihna dingun a tawsawn thei pen Joshua bek hi (*Joshua 1:7*). Tuamah in Joshua laibu tawpna mah ahihi (*Joshua 24*).

Galvai teng leh gamlaak ding thupi phial taleh, a thupizawkan khat in: Pasian' thu kham kalhna tungah cihtakna ahi hi. Gamlaakna pen Israel a dingin Pasian' ngiimna teng a tangtunna ding leh mihingte a siansuahna dingin kalkhat suan hilel bek hi. Torah sunga thuciam om khempeuh tungah cihtakna in mihing' mailam a ding dotna teng vengsak hi. Joshua in tua thukham tengpen, a zai, a kaang kizuut, biaknatau suangte tawh a kibanglo suang tungah gelh hi (*Thkna. 27:2-8*). Tua hi a, Thukham Sawm teng a omna suang in biaknatau suangte tawh kibanglo in, thuciamna sunga Israel mite' hamphatna leh vaipuak teng phawksak tawntung hi.

Joshua in, Lai Siangtho Thak Joshua (Zeisu) limlahkhol a, tua Zeisu in Pasian' thu mang dingin mihing makaih hi. Hih ngiimna a picinna dingin, dawigilo vang tawh kido dingin vaipuak la hi. Ama' ngiimna sangpen in thuciam tungtawn in eimah hong kalh teng picinsak ding: "Pasian' thuciam khempeuh ahihpa pen Amah ahi hi. Tua ahih manin Zeisu Khazih sungah Pasian phat in. "Amen" icihna zong tua hangmah ahi hi" (*2 Cor. 1: 20*).

Khalam khualna tawh tanglai in biaknatau a lamuh bangin tu in eite'n bang i hihtheih ding om hiam?

Suangte Tuangah Kigelh

Simin, Joshua 8:32–35. Hihmunte ah gamtatna tengin bang a cihnopna hi a, tuni in a ding in bang a cihnopna ahi diam?

Ebal Mual cihpen *Thkna. 11:29; Thkna. 27:4, 13* le, *Joshua 8:30, 33* sungbek ah om hi. Gerizim mahbang in, thuciamna tungtawn in thuphate le samsiatnate a suut phatphatna mun ahi hi. A kitzelzaw in cileng *Thkna. 11:29* le *Thkna. 27:4, 13* sungbang hileh tua mun in samsiatna mun hizawsop hi. Tualai ah Israel in Siampite'mai, thukham singkuang langnih tuakah ding uhhi (*Josh. 8:33*). Khenkhat in Ebal Mual maingat uh a, khenkhat in Gerizim Mual maingat uhhi. Tuabang in hihna tawh thuciam le amau' kizopna limlah uh hi. Tualai a sagawh biakna tengin; thuciamna tungtawnin samsiatna khempeuh Amah kisuan in, Amah a ummi khempeuh in thuciamna tungtawn in thuphate tawh nuamsa dingin hong kipia Zeisu kaw k hi (*Gal. 3:13; 2Cor. 5:11*).

Thuciamna sunga thu omteng mikhempeuh mitmuh dingin suang tungah gel ding banghang in kizam sese hiam? (*Thkna. 4:31; 6:12; 8:11, 14; 2Kum. 17:38; Late 78:7*).

Mihing in mangngilh baih mahmah hihang. Nisim nuntakna sunga lungkhamna teng pen hun tomno sungah zawhgawh sawm hihang. A omzelzel khollo, a khauh khollo te pen ki mangngilh pahpah hi. Nekkawppawi bawlsim in eimahmah Topa tungah ki-aappa kik in thuciamna a thak in kipsakkik thei hihang. Hihthu in a mimal in ki-aapphatna hunhoih ciangbek hilo, kipawlna tawh zong Pasion tungah cihtakna thaksuahna zong ahi hi. Angkhual mite lakah ki omlai ahiah manin, a kibang leitung' muhdante, a kibang upnate leh a kibang Pasion'na sepnate kihawmsawn ihi hi.

Manlah in a gamlum ngeingai nisim nuntakna sungah Topa zon ding ki mangngilh in eima thatang tawh nasep khak pahpah ding bangzah in baih naci hiam? Na hunhoih laitak in tuate banghang in baihlam sese thei hiam?

Ama' Ompihna Lungguh

Simin, Joshua 18:1, 2. Joshua in gam a hawm kimlai bang sepding khat in hong lailut dihdih hiam?

Jordan nitumna lam gundung tengpen, a lianpeh minam nih a ding leh Manasseh namlang a dingin aseh khit ciangin, minam a tawmzaw sagih teng a dingin a sehsa uh munteng hawm ding in Israel mipi in Shiloh ah hong kikaikhawm uhhi.

Biakinnpi lamna “*Ka Biakinn*” in Amite lakah Pasion om ding kamciam picing sak (*Pai. 25:8; Siam. 26:11, 12*) a, tua laibu' thulaigil zong pulaak hi: Israel lakah Pasion ompihna in gam lazo sakthei a, Israel leh leitung khempeuh a dingin thupha om paisuak na ding ahi hi (*Pian. 12:3*). Pasion a biakpiakna uh pen gam laakna sungah tatlehhekna khempeuh' laigil ahi hi. Biakbuk panin a nungciang in Biakinn a omna hangin, amau lak ah Pasion ompihna leh amaute' bawlsa thuciamnate zuihkuh ahihna phawksak hi.

Simin, Hebrew 6:19, 20; Hebrew 9:11, 12; le Hebrew 10:19–23. Ei Khristiante in Pasion ompihna biakinn neiselo mah taleng, Joshua tungtawn in bang pilna kingah thei naci hiam?

Biakinn le a thukhunte in, thukham singkuang tawh kisai in Joshua kiangah aki gensiangsa ahih manin upmawhloh in hong piangvat zong hi tuanlo hi. Tuazong in Siangthobel mun sungah van omteng a deihna bulpi hi a; tua laibu khennih lakah khenmasa a teng: kaantanna leh gamlaakna ahi hi. A kihawmuh leitang laizang ah biakbuk a lamna uh tawh, leitung ah Yahweh zumhpi ahi biakbuk kiim tengah Israel omkha cihthu Joshua in a pulaakna ahi hi.

Mawthoihna Ni mantaktak a thei ei Chrisrtiante a dingin athupi semsem lai khat in, van biakbuklam mitsuan gige sa in, eima nuntakna sungah i uptentan thute, lam-etna leh khalam gamh i luah dingte maingatsa in mainawt ding hihang. Khazih in singlamteh tung le van biakbuk sungah hong zawhsaksa khempeuh muang in om ding hang a; khat vei mah eite lakah Pasion hong omkik ding ngak in om ding hihang. Tua in a tawntung hita ding hi (*Mang 21:3*).

Ngaihstubeh Ding: Ellen G. White, *Tuanpupate le Kamsangte lai*. 499-503 “Thupate le Samsiatnate” simin.

“Moses thupiakna ombangin Ebal Mual tungah suanggolpi tetawh mualsuang phut uhhi. Hih suangte plaster zuutsitset masa in, Sinai mualpan in Pasion in a genkhiat thukham sawmteng bekthamlo, tuate tawh akizom Moses in laibu sungah agelhsa thukham’ thute khempeuh zong kui in gelh uhhi. Hih mualsuang bek thamlo, a kikhuaklo suangte tawh biaknatau khat zong lamuh in Topa tungah biakna pia uhhi. Ebal Mual tung ah biaknatau akoih sesena in, samsiatna teng akoihna mual hi a, thupi phadiak in; amaute in Pasion’ thukham a palsat, Pasion a hehsakna leh tuate amau un thuakngeingei ding hita leh, biaknatau tunga Zeisu’ mawhna thoihsak cih theihsakna zong ahi hi”—Ellen G. White, *Patriarchs and Prophets*, p. 500.

“Nekkhawpna hun in dahna’ng hun hilo hi. Tua ding a ngiimna hihetlo hi. Topa’ nungzuite in sabuai kiimah akikaihkhop uh ciangun, amau’ mawhalui tengpeuh phawk sansan in khakham vei ding hilo hi. A beisa a amau’ gitnatlohna peuh, amau lawpna leh lungkiatna tengpeuh bulphuhphuh ding hinawnlo hi. Amau leh a sanggamte uh kibangloh na tengpeuh sutsut ding hilo hi. Tuabang dingin kigingkhoh pah ding hi. Eimah kisittel in, mawhna teng pulaak in, kibatlohna khempeuh zuunkhin ding hihang. Khazih tawh kimu dingin hong pai hita uhhi. Amaute singlamteh liim ah dingding lai ding hinawnlo a, tua singlamteh in hong tatkhiatna khuavak sungah dingding hihang. Amaute’ lungsim sungah khuavak a luttheihna dingin lungsim kongpi hong ding uhhi”—Ellen G. White, *The Desire of Ages*, p. 659.

Kikupding Dotnate:

- ❶ Pasion’ gam zongmasa cihpen nang a dingin bangci sa hiam? Hih thukhun in nisim nangma’ upna hong koicihsak naci hiam?
- ❷ Nisim nuntakna sungah buaina tampitak hangin Topa mangngilh ding baihlam mahmah cih Wednesday dotna nunung pen dawngsin dih in.
- ❸ Adventists ihihna tawh, van biakbuk sungah eite a dingin Zeisu in hong sepsak cih i um uhhi. Hih upna in koibangin lametna thahatna hithei ding hiam? Zeisu in “hong thumsak” cih theihna (Heb. 7:25) in, vantung ah eima a dingin hong sepsak lungdamthu le, tuni in Mawhthoihna Ni cih theihtelna in koibang hiam?

Pasian aa Piakkikna: Khen 2

Sai aa te'n Frank Mukube in man a piaksa ahi zongin a piak kik nopte a la dingin mawtaw tawh hong kuan uh hi. Amah'n bang mah lamen kiklo hi.

Mawtaw a inn a tun' ciangin inn nei nu in “bangmah hong ko' lo-in pai khiat sawm na hiam” ci hi.

Frank in “pai khiat sawm keng' e. Hih vante aman zah ding ka piak khit hangin kei aa lo khat ahite a piakik hi ing. Sawm-a-khat le sumpite piakik nuam ing” ci hi.

“Sawm-a-khat le sumpite bang hiam?” ci-in Frank nuhi san hi.

Mawtaw le Frank zong sia-ah pai kik-in manager pa in lupna, tutna, thuk, radio, TV, anbuk nate a kisuah laitak-in “bang ahih sawm na hia” ci hi.

Frank in “hih vante kei le Pasian kaal hong dal veh aw, sawm-a-khat sum tawh ka lei hi-in, tu'n ka lungsim zang'ta ci hi.

Frank in lupna omlo ahih manin sual tung ah a lup khak ding lam, meitui thuk omlo ahih manin an sing a zon khak ding lam kithei hi. Ahih hangin amah a lungsim zang' in, nuamsa hi. Amah'n Pasian nate luh sak (*Mal. 3:8, 9*) ahih manin samsiatna tuak kisa hi. Ahih hangin nate lem kik hi.

Tua zan in amah sual tung ah lum khalo, an sing zong khalo hi. A lawm khat in Frank khensatna a zaak ciangin lung nuamlo in lupna, thuk, beel nih na lei'sak hi.

Frank in “Pasian in lupna, thukte hong vai hawm sak-a tua in Pasian in a ciam den in gamta hi cih hong um sak hi” ci hi.

Pasian in sawm-a-khat le sumpite a plate tung ah “Ka biakinn-ah an a om theihna dingin sawmah khat a kimin hong paipih un. Kei hong ze-et un; vantung kongkhakte hongin, note-a' dingin na hoih tampi kong piakna na mu ding uh hi” ci hi (*Mal. 3:10*).



Tua ni-a kipan Frank pen sawm-a-khat le sumpite ah citak ta hi. Tu laitak-in amah pen Namibia gam khanglam Adventist pawlpi ah Stewardship director sem hi. Amah'n “Pasian in kei tung ah citakte le nang tung ah hong huu ding hi'ng. Sawm-a-khat na piak ciangin nang hong en ding hi'ng” ci hi.

Upna Lian Neite: Joshua *le* Caleb

SABBATH NITAAK

Tu Kaalsung Simding: *Gam. 13:6, 30–32; Josh. 14:6–14; Luke 18:1–5; Josh. 19:49–51; 2 Cor. 3:18; Rom: 12:1, 2.*

Kamngah: “Pasian thu honghilh na makaite uh phawk tawntung un. Amaute nuntakzia ngaihsun in amau upna zui un.” (*Hebrew 13:7, ZSV*)

Nulepa khempueh in atate un etteh tawh kisin cih thei uh hilo hiam? Tate in nulehpa hoihna sangin siatna mah etteh zaw’ tham cih nulepa bangzah in awlmawh hiam? Kum bangzah hitaleng, a hoih sangin asia bawl ding baihzaw tham hi. Tua zong a puksa mihing a ding pianpih mah hipah lel hi. “Ka hihnop teng hih khalo in, kahih noploh tengmah kahih zawsop hi” (*Rom. 7:15*).

Mihing peuhmah ettehna tawh khantohna pen apianpih ahi hi. Mikhat nuntakna a kipatna a lampaina, kampauna leh eima utbang pulaaktheihna cihte pen eima’ naihuaipen te ettehna pan vive in hongpiang ahi hi. Khanghamte in zong picing zokei phial taleh etteh taak ding kisam hi. Tate in upna lianpite a neihtheihna dingun eima’ khalam omzia te etteh sak ding hihang.

Tu kaal sungteng, Joshua’ laibu sungah mimal in a etteh huai upna ngalkhuahang nihte: Caleb le Joshua ahi uhhi. Israel in sihlehnnun bangin a haksat hunin, midangte a dingin, a thupi mahmah mun panin a bang peuhmah in dingtang sakzo thei hiam?

*November 22, Sabbath ading kiginkholhna in tu kaal lesson sim in.

Cihtakna

Simin, Pian. 36:15; Gam. 13:6, 30–32; le Joshua 14:6, 14. Caleb kua hiam? Israel lakah ama' dinmun bang hiam?

Caleb' min in Hebrew pau *keleb* “*ui*” hi a, Lai Siangtholui sungah a hoihlo lam vive in omzaw hi. Cihtei hang *keleb* pen Lai Siangtho hilhcianna laikhakte le phatnalate sungah, sal khat in a topa tungah cihtakna, hangsanna le lungkipna cihte pulaakna in kizangh hi. Hitengah bel, Caleb in ama' min khatna mahbang in ama' nuntak sung tawn tung a Topa tungah lungkip citak in om hi.

Thukante a tawmwaw in Caleb tawh akibang hetlo ngaihsutna nei uh in, Israel in thahlup ding tawh a vau laitakun Caleb in ama' lungsim sungah om bang thumaan genkhia hiam? Gam. 14:6–10, 21–25; Gam. 26:65; Gam. 32:12.

Hiteng ah a thupi tawmvei sungbek Israelite makaite, Joshua le Caleb: Shammua, Shaphat, Igal, Palti, Gaddiel, Gaddi, Ammiel, Sethur, Nahbi, leh Geuel cihte lungngai in. Hih minte i theihsa vive mah maw le?

Hivetlo hi. Hiteng pen, Moses in Canaan gamthu kan dingin a sawl a dang sawm teng ahi uh hi. Hih miteng in ciapteh taaklo ahih manun a min uh ki mangngilh khinta hi. Tua tengin Kamciam Gam peuhmah pen zawhzawh ding hivetlo ci in thu hong puak uhhi. Tua gam sung mun pawlkhat a teeng mite in ngalkhuahang bangin lian ahih manun, amau mahmah pen kauphe bangbek in kimu uh a, Canaan khua kullhte peuhmah suktap zawhloh dingzah in a lungsim uh tuisuak gawp uhhi.

Caleb in thupha hong puak thukan nihte lakpan a upa zaw hi a, upna lungsim omzia kilangsak hi. Lawmteng in langdo in sihna nangawn tawh vau uh hita mahleh, amah in thumaan bekmah gennuam a: “Mihonpite in amau suangtawh deng un” (Gam. 14: 10) ci uhhi.

Nang ngaihsut leh upna bang ahilo a lehlam in mihingte a om uh ciangun, nang na koici hih hiam?

Hih Mualtung Gam Kei Hongpia In

Simin, Joshua 14:6–14; Gam. 14:24; Gam. 32:12; Thkna.1:36, le Luka 6:45. Caleb le Joshua tegel lungsim puak na koici muh hiam? Topa’ nung picing takin zuihna koibang hiam?

Caleb in Moses tungtawn in Topa kamciam: ama’ khe tawh a sikkhitsa leitang luah ding hi (*Gam. 14:24*) a cihpen mangngilh ngei hetlo hi. Kum sawmli khit ciangin zong ama thupiak ngei omsa mahbang in “ka lungsim ah a omsa bangin” (*Josh. 14:7*) ci hi. Ama’ thupuak in zong ama’ upna pulaak a, Pasion makaihna leh panpihna tawh Israel in tua gam zo in la ding uhhi.

Israel lakah launa a piangsak thukan sawmte’ thupuak tawh kibanglo in, Caleb in a lungsim khempeuh tawh Topa’ kamciamna tungah ki-aap ahihna kilangsak hi. Hebrew pau tawh tangletna ah “lungsim taktawh Topa kazui” (*Josh. 14:8*) a cihpen, thu hemgen khat a tomlakna hi a: “ka lungsim khempeuh tawh Topa kazui hi, Topa’ nung zuihna tawh ka lungsim kakidim sak hi” cihi. Namdang pasiante’ nung a zuite tawh kibang hetlo in Caleb in bel Topa tungah a lungsim khempeuh tawh ki-aap hi.

Caleb’ cihtakna pen Josh. 14: 9, 14 sungah nihvei bang kipulaak hi. Caleb’ omzia leh lungsim puak in Topa deihna tawh kituak in, Topa in “lungsim tuam nei hi” (*Gam. 14 : 24*) ci a, tua in zong Caleb leh thukan dang sawmte aki lamdangsak thu ahi hi. Mihing in Topa tungah lungsim takpi tawh ki-aap peuhleh Kum 85 bang phakkhit hang gualzo thei vevelai cih limlahna ahi hi.

A minam khempeuh in a ngah dinguh gamhuam pen upna tawh amau sikna mun teng le Topa’ kamciam tawh kizui in upna tawh amau’ sikngam tantan hipah ding cih zong Caleb in theitel gige hi. Topa’ kamciamte pen eima’ picinsak mawkmawk ding hilo i citateu zongin eima’ lunggulhna mahtawh kizui in tangtung veve ding hi. Hi tamahleh upna tawh kizui in sepna in zuihsak ding kikal ngiat hi. Hebrew pau in ’ulay in “hi ding” (*Josh. 14:12*) cihna hi a, launa le uplahna zong hithei napi, khat vevei ciang hongpiang thuhaih thupha te lam-etna leh lunglawpna zong hithei lai hi (*Pian. 16:2; Gam.22:6, 11; Gam. 23:3*).

Kiholemna cih peuhmah “neu” tamahleh, Topa zuihna ding panin koibang in hong khen thei hiam?

Etteh Ding Vangliatna

Simin, Joshua 15:16–19; Thukhente 1:13; 3:7–11. Hih tangthu tengin limlahna vangliatna bangteng gen hiam? Caleb’ lungsim puak bang pen khangsawn tetungah koibang in kilawhsuk hiam?

Hihmun ah Caleb in a tanu *Achsah* pen, *Debir* a zopa tawh kiteng sak ding cihi. *Othniel* in tua khuapi zo ahih mani Achsah khut ngah kha hi. Hih tangthu mahmah in Caleb’ hangsanna, upna le to’nate ading kisakna lahna ahi hi.

Israel khangsawnte in tua upna ngalkhuahang te’ ahi Caleb leh Joshua’ nung zui uhhi. Khanghamte in amau nasep a khawl uh ciangun, Israel a ding Pasion’ ngiimna teng picing sak ding khangthak khat a kisakhol gige in om hi.

Caleb in “hih mualtung gamteng hong pia in” acih bang hilo in Achsah in a pasal’ thapiakna tawh, apa lahkhitsa upna mah lakhia in nasem hi. Achsah in ama’ hangsanna mahtawh gam ngahna tangtun sakna dingin Caleb’ limlahsa upna mah naneithei hi.

Tua gampen Yahweh in Israel a dingin a piakkhiat ngiat hi a, Israel in zong upna tawh hangsan takin a laak ding uh ahi hi. Achsah’ khentatna in zong, Lai Siangthothak lungdamthu sunga Zeisu’ thupha a saan mateng mihonpi leh nungzuite kianganpan in a paikhia nuamlo tinten numeite’ thuakzawhna mahtawh a kibang ahi hi.

Simin, Luke 18:1–5. Hiteng ah ei a ding bang pilna om hiam?

Pasion in hong piaksa vaipuak meilom upna khangthakte tungah piak sawnna pen thupi mahmah hi. Khangthakte tungah tua upna tona piaksawn ding leh, Pasion’ nasepna sungah khangnote a ding vaipuak lianzawte ngaihsutsak in. Thu um mkaite a hihtheihna dingun khangnote koibang in hanthawn ding hiam? Hihmun ah eite limlahna in bangzah in phamawh ding hiam?

Akiniamkhiat Galhangpa

Israel minam tawh kizui in gamgii ciamtehna mun leh min sazian sau deudaute in khatvei lai a thukan masa nihgel ahi Caleb le Joshua tegel gamhawmna laidal sungah a dim a haa in omhi. Caleb in ama' gamh ngah masa in Joshua in ngah nunung hi. Joshua in Israel minamte gamh pia masa a; tu in Israel in Joshua ama' gamh a piak dinguh hun hi ta hi.

Simin, Joshua 19:49–51. **Leitang a hawmkhiatsak makai lianpa in ama' gamh ngah nunung liang cihthu in bang huzaap neithei dinghiam?**

Joshua in angah khuapi pen Timnath-serah hi a, kammal nih kigawmna ahi hi. A masa, Timnath cihpen sepna (*manah*) panin hongpai hi a, *sim*, le *nasep guan* cihte hi a, leitang hawmna cihna ahi hi. Anihna kammal pen Hebrew kammal mah (*serach*) pan hi a, a beibaang cihna hi (*Pai. 26:12*). Joshua' khuapi' min pen a beibaang or a omlai teng cihna ahi hi.

Abeibaang tengpan Joshua in a teelkhiat khuapi' min in, Israel' makai nihnapa' lungsimpuak hoihna teci panna ahi hi. Gammi khempueh in mun a ngah dong ngak ngiu ngeu hi. Tua khit ciangin Joshua in, mihing a tampenna leh mi' pimuh mahmahna mun teel hetlo in; a hoihkhop lel khat, kisia phial leh zong lamphat kikna ding thagui thatang a kisappenna mun teelkhia se hi (*Joshua. 19:50*).

Timnath-serah pen Shiloh tawh a kinai, biakinnpi tawh kinai ahin manin Joshua in zong hoihsa in lunglut mahmah hihtuak hi. A suak tuung naungek bang ahi Israel minam pen Pasion in bittak in kemkhoi in, Kamciam Gam ah a beh sim, innkuan simin gamh a piakna thu in, Joshua amah in mi' pimuh khollohna a lakmanin kuamah'n haza lo ding cih a ngaihsutna hihtuak hi.

Tua banah, Joshua in a hoihkhop lel nuntakzia tawh lungkim ziau lel cihin a thupi pen ahi hi. David in a nget thapai ahi: “Topa tungpanin nakhat kangen khin a: tua ngen in kazon ding pen: Topa' innsungah ka khan tawntung om ding, Topa' hoihna et ding leh, Ama' biakinn sungah thunget dingte ahi hi” (*Late 27:4*) cihhi.

Joshua' lungsimpuak bangtawh nangma a dingin bang pilna ngahbeh nakisa hiam? Nangma a dingin koiabang in nazang hiam?

Thuthuk' Ngaihsutna tawh Kikhel

Upna sungah ngalkhuahangte in amau' nuntakna sungah a etteh penpen in Zeisu ahi hi. Eite etteh ding a sangpen in Zeisu Khazih – Ama' nuntakzia le a thuhilhinate ahi hi. Zeisu nuntakzia bulpuhna in koibang in hong kikhel sak hiam? *Heb. 12:1, 2; 2Cor. 3:18.*

Marco Iacobonia kici, Los Angeles khuapi, University of California thagui lam siavuanpa in thagui etna limlang zongkhia hi. I gamtaang ciangin – nui, kikawi, cih bang hun ciangin, tuabang in mi gamtaang i muh ciangin, hih thagui kikaante zong gam taang uh cihi. Tua thaguite gamtaatna in muhna le sepna kilamdan luatna khiamsuk hi.

Ellen G. White in zong Zeisu' omzia muhna a thupitna gen a: “Zeisu en peuh leng a taangphazaw a siangzaw in Pasion kimu a, tua et gigena in eite hong kikhelsak hi. Hoih na, vengte itna in eima pianzia hong suak hi. Eima gamtat omzia in zong Pasion' omzia tawh kibang sak hi. Amah tawh kibang leng, Pasion i theihtelna zong khangto hi. Van-tung tawh kikhawl semsem leng, tawntung thute teltheihna'ng pilna hong neisak hi” —Ellen G. White, *Christ's Object Lessons*, p. 355.

Simin, Rom. 12:1, 2. Eiman nuntak sungah a kitukalh ngiimna hong neisak thei thu nih in bangteng ahi diam? Koibang in a thuman zaw mun piathei ding ihi hiam?

Paul in Rom mite a laikhakna a tomkaihna ah, eimah lim hong guan nuam aki kelkii vangliatna nih om gige cihi. Khat pen, eima' kimkot a leitung in huzaap tampitak tawh nisim in lim hong guan dingin hanciam a, a pualam nate le i sunglam nate a kibang dingin nasem hi.

Tua teng a paltan zawhna dingin, lunggam panin a etlawmlua kau (pengpalek) a suah mahbang in, Kha Siangtho in, eima sunglam pualam hong puah sak hi. Tuabang ihih theihna dingin, Pasion tungah ki pum-aap kul a, eima sungah Ama' patsa nasepna hoih a zopsuakna dingin thungen in (*Phil. 1:6*). A tawpna ah Kha sungah kalsuan ding mah teel vanvan ding hihang.

Ngaihstubeh Ding: “Caleb’ upna in thukan sawmte thupiak tawh aki lehbuh ngeisa bangin kip gige lai hi. Pasion in Amite Canaan ah koih ding acih kamciam pen Amah’n um ahih manin Pasion’ nungpan zui cinten hi. Gamlak ah vakthaapna sungah zong amipihte tawh lung kiat theihnate, mawhneite’ vangikte thuakpih tawntung napi, phun nawi ngeilo in; a lawm agualte si zuahzuah taleh, amah’n Pasion hehpihna phat tawntung hi. Sehnel lakah haksatna, launa, pulnatna le Canaan lu tuungin galgimnam hungsung khempeuh ah, Topa in amah kembit a; tu in zong amah kum sawmgiat bang hita napi a tha kiam tuan hetlo lai hi. Ama’ a dingin, laakkhitsa gamnuam ngen hetlo se in, thukante in laakzawh ding hilo a cihna mun ngen sese hi. Israel te’ upna a liingsak tua ngalkhuahang te maiah Pasion’ panpihna tawh ama’ bul kipsak thei hi. Caleb’ ngetna pen ama’ vang omna ding kiphatsakna ding hilo hi. Tua galhang puteekpa in amite tungah Pasion aki pahtawi theih na ding limte lak in, apu apate un zawhzawh ding hilo acihna gam zong alaakgaih dinguh zong hanthawn lai hi”—Ellen G. White, *Patriarchs and Prophets*, pp. 512, 513

“Pasion sungah Caleb’ upna in amah thakhuahsak a, mi kihtakna hepkhiatsak, thumaan kemcing ding ahih nakleh, liing hetlo in hangsan takin dingngam sak hi. Tua vanglianpi mah, athahat vantung galkap Mangpipa a muangte, singlamteh galkap peuhmah in: kaantan zawhding bang ahilo haksatnate kaantan zawhna’ng thahatna ngah ding uhhi”—Ellen G. White, *The Advent Review and Sabbath Herald*, May 30, 1912.

Kikupding Dotnate:

- ① Midang in hong hih tase kei mahleh, kimpieh lawmgualte in hong thapiakna te kikum dihun. Hong umsak dingin thahatna in bang hong hihsak hiam? Thumaan a dingin i din laitak in, gitlohna koibang in pelhthei ding ihi hiam?
- ② Nomau pawlpi leh vengsung ah nomau nundan hong khelsak a ettehtaak upna kikum un. A zuihtaak tua mite koibang in gamta uhhiam?
- ③ Eima nuntakna sungah media in koibang in hong huzaap cih ngaih sun in. A sialam teng hemkhia in, a hoihlam peuhmah koibang in sakol kamkaih thei ding ihi hiam?
- ④ Makai khat lah hi, biakinn gei ahlah a omnuam, Joshua’ kiniamkhatna lung ngai in. Ama’ limlahna in nang bang hong hilh hiam?

Kiginglopi Missionary Hikha

Kim Sun in mikhat a kongkhak a ging in a khak vat ciangin um theilo hi. Kum 19 apha South Korea sangnaupang khat Philippines a Pasian thu gen'na ah thu ngai dingin inn sim va zawn hi.

Mi tampi in na maitai uh hi. Hih kum 25 apha pa leuleu teh na ngong tat hi. Khat in kong luut thei ding uh hiam acihleh a kong nakpi-in khak vat hi.

Sun zong hong zum, khasia hi. Sangnaupang dangte in bel poi salo hi. Sun in bel tel' zolo hi. A zing teh pai kik ni ci hi. Tua ni pen Monday hi, Pasian thu pen Sabbath ni dong kigen ding hi.

Tuesday ni ciang in sangnaupang te'n kong va kiu kik uh hi. Tua pa mah kong hong' hongin thei pah hi. Amah zong zum in inn sung ah luut sak hi. "Za-ni kong kong'khak san kisuang mahmah ing" ci hi.

Sangnaupang te'n Zeisu itna thu gen pih-in thu ngai dingin zawn hi. Amau teng Wednesday, Thursday, Friday te ah zong kimu uh hi. Saturday ni ciangin tua pa in tui kiphum dingin a lungsim Zeisu kiang ah ap hi. Amah'n "Zeisu ngai ing, nun'na thak deih ing" ci hi.

Sun in lamdang na sa hi. Tui kiphumna a et kawm in "hih pa hong kikkeel sam ei. Monday ni-a tawh kilamdang mahmah ei. Hih zah in lamdan nading piang thei mah hiam" ci-in ngaihsun hi.

Sun pen kiginglo pi-in missionary hong hi hi. Amah'n tui kiphumna om dingin Philippines hong pai lo hi. Amah zong South Korea ah a nu a pa te'n manglai le nurse sin-in US ah nasem dingin Philippines paisak uh hi.

Amah zong a nu te' teelsa Adventist University of Philippines ah hong tun' ciangin a sang kahpih te'n Saturday ni-in biakinn a pai lam a muh ciangin lamdang sa hi. Amah'n Khristian khempeuh Sunday ni-in kikhawm nasa hi. Amah zong biakinn kah kul ahiah manin Korea pau kizat na ah kah hi. Khangno te'n 1000 Missionary Movement tawh Pasian thu gen'na a nei dingin kikai khawm uh hi. Sun pen mangpau pau thei taklo, Lai Siangtho zong thei lua lo hi.



Ahiah hangin thu ngai dingin mi a samte lak ah kihel hi. Kong a khak vat pa tawh a kituah khit ciangin amah zong kiging lopi in Missionary hong suak kha hi.

Kim Sung pen 1996 Sabbath 13na sumpi tawh Silang, Philippines zumpi ah 1000 Missionary Movement' associate director sem hi. Mai kaal ah sim beh in.

Kamciam Luahte, **Lametna** Thongkiate**SABBATH NITAAK**

Tu Kaalsung Simding: *Pian. 3:17–24; Thkna. 6:3; Josh. 13:1–7; Heb. 12:28; Siam. 25:1–5, 8–13; Ezek. 37:14, 25.*

Kamngah: “Lametna nei thongkiate aw, munmuanhuai ah ciahkik un. Tuni mahmahin note tungah a zah nihin kong dimkik ding hi ci-in ka pulaak hi.” (*Zechairah 9:12, ZSV*)

Joshua 13–21 sungah Israel te munpiakna ah leitang leh inn-gii lo-gii a cingdildel in ciaptehnya laipi ahi hi. Tuni a laisimte in, hih sazian saupite pen a hitheilo dingzah in mukha sop ding uh hinapi; biakna vai tawh Kamciam Gam bulphuh peuh leng kician mah mah lel hi. Israelte in mangman peuh ahihlohna Pasion in hihthute tawh Pasion in hilh nuam hi. Muhtheih nate leh tehtheih nate tawh kamciam hi. Tua pen amau un gamtaang takpi in tua kamciam nate la ding uhhi.

Pasion in tua gam pen gamhluah dingin paikhia nuam hi; piakkhong hiding a, apu apate tungah Ama’ kamciamna a tangtutna ahi hi. “En un, note’ maiah leitang ka koihzo hi. Topa in napate uh Abraham, Isaac le Jacob le amau’ nunga a suanlekhakte uh tung ah piak dingin a ciam leitang luah un” (*Thkna. 1:8*) hongci hi. Hi tamahleh amau’ lampan zong a sepkhiat uh kul hi.

Tu kaalsung in Kamciam Gam tawh kipawl biaknavai upna pawlkhat le Khalam thute le Zeisu hong kamciamna tetawh a kipawlte sin ding hihang.

*November 29, Sabbath ading kiginkholhna in tu kaal lesson sim in.

Eden le Canaan

Simin, Pian. 2:15 le 3:17–24. Mihing’ pukna bangin sulzuih a, tua nupate nuntak hun tawh koiciang kizom hiam?

Piansaklai in, Adam Eve tegel in a picing ahoihna munah Pasion in koih hi. Mi masapen tegel in amau a ding anuam mahmah leh amau kisapna khempeuh a kivaihawm sakna’ng munah, a Piangsakpa uhtawh kimu uhhi. Pasion thupiakna bangin, Adam leh Eve te a dingin Eden huan pen; Pasion’ omzia leh nundan teng a kisinna ding mun ahi hi. Tuaciang in, Piangsakpa tawh amau’ kizopna a suktat manun, Eden huana Pasion tawh a kizopna uh kikhel a, amau’ kizopna kitatsatna lim lahna in, tua huanpan a paikhiat uh kulta hi. Tua Pasion piaksa gamnuam pen amau un mansuah uhhi. Tuabang in Eden huan in a kicing nuntakna limpua hong suak a, akhut siamna tengpen Kmaciam Gam thukhun sungah kimukik ding hi.

Tuanpupate in tua gam’ kamciamna koici muh uhham? (*Pian. 13:14, 15; 26:3, 24; 28:13.*) **Ei Adventiste in gamhluah kamciam tawh nuntak ding koibang a cihnopna naci hiam** (*Heb. 6:11–15*)?

Abraham in Pasion lahna gamah alut ciangin, upna hangin amah le asuan akhakte ading Kamciam Gam suakta mai hi. Kum 400 sung Kamciam Gam in omden hi. Tua tuanpupate in tua gam nei taktaklo hi; khangthakte tungah gamh piaksawn theihding zong amau hihtheih thu zong hi tuanlo hi. Eden in Pasion aa ahah mahbang in tua gam zong ahi hi. Eden huan pen Adam leh Eve tegel un amau’ min a vawhloh mahbang un; Israel in zong tua gam tawh kilawmna bangmah nei tuanlo hi. Kamciam Gam pen Pasion in hong kalsuan masakna in hong piak-khong ahi hi. Israel in tua gam a neihtheih na’ng thu zong bangmah om tuanlo hi (*Thkna. 9:4-6*): Pasion’ hehpihna bek tawh a neitheih uh ahi hi.

Kamciamte a tangtun mateng in pupate in gamhluah dingte hikinken lel hi. Eite Khazih’ nungzuite in, a hoihzaw kamciamte luah hihang (*Heb. 8:6*) a, “*Upna le lungduai na a nei mite bangin Pasion hong ciamsa thu na gahna dingun*” (*Heb. 6:12*) cihhi.

Piakkhong Leitangh

Simin, Pai. 3:8; Siam. 20:22; Siam. 25:23; Gam. 13:27; Thkna. 4:1, 25, 26; Thkna. 6:3; le Late 24:1. Pasion, Israel le Kamciam Gam kikaal ah koibang kizopna om hiam?

Bulpat mahmah leng, leitang cihpen minam khat ciamtehna ahi hi. Tua minam a koih manin, a minam nundan leh nasep silbawl hong piang hi. Sal peuhmah in bul neilo in neihsa neilo: amau' sepna bangin nuam asalelte ahi uhhi. Leitang neihna in suahtakna zonghi pah hi. Teeltuam minamkhat in amau' teenna leitang tawh kizom uhhi.

Pasion, Israel le tua leitang in kizopna tuam khat nei uhhi. Israel in Pasion piak khong in leitang ngah a, piakloh theihloh cihbang hilo hi. Yahweh thupiak teng leh thu ciamna teng tawh thuciam kizopna aneih laiteng, tua teeltuam mite in tua leitang neitheo ding uhhi. Thukhat pan, Pasion thupha omkeileh tua leitang amau un neitheilo ding uh hi.

Tua laitak mahin, Pasion' thu a telcian taktak theihna dingin tua leitang in Pasion a muhna dinguh limlang ahi hi. Tua gamah a teen laiteng un, cihtak ding, kamciam cihtak na leh Pasion muanna cihte hong phawksak zel hi. Pasion in na khempeuh omna bulpi ahiah manin Amah hong kalsuan masa keileh, Israel ahi a, a leitang ahizong in omlo ding hi.

Israel in Egypt ah a om laitak un, Nile le tuilakna luite, nasep hampite tawh nun takna zong uhhi. Canaan in tuabang hilo hi. Amau an tamlak theihna ding guah bekmah muang uh a, khuahun a kemcing thei pen Pasion bekmah ahi hi. Tua ahiah manin leitang in Pasion muan tawtungna hong phawksak hi.

Israel in tua leitang pen Pasion piak khong hi a, abulpi pen in Pasion in a neipa mah higige hi. Leitang buppi anei taktakpa ahiahna tawh (Late 24:1), Yahweh in Israel a dingin tua leitang sehtheo a, Israel in zong lakhia thei hi. Pasion in leitang nei taktakpa ahiahleh, Israel le azaizaw in mihing khempeuh in khualzin mite, khangthak pautawh hileh a sawttaam khualzinmi ahi uhhi.

1 Peter 2:11 le Heb. 11:9–13 sungbang hileh, Pasion tektek mahin a lams atua khuapi zuanin apai khualzin mite kihileh cihthu in nang a dingin bang khatna nei nasa hiam?

Tua Leitangh in Hong To

Simin, Joshua 13:1–7. Canaan gam pen Pasion piakkhong citateu zongin, tua leitangh a neih nadingun bang tona phukha uh hiam?

Israel in kum zalom tampi saltang ahieh manin, tua gam alaak theih nadingun gal siamna kicing bangmah neilo uhhi. Sal tote, Egypt mite leh amau galsiamna khempeuh in zong tua gam la paisuakzo nailo uhhi. Canaan khuapi kulh in bitlua mahmah ahieh manin Egypt peuhmah in zong Canaan zocip zo ngeilo hi. Tu in salnam khatin, amau' tomasa te in zong a laak zawhloh tua gam la ding in thu kipia hi. Tua gam aneih paisuakna dingun, Pasion' hehpihna hang bek hi a, amau hanciamna tawh hilo hi.

Joshua 13 pan 21 in, Israel nam khempeuh a ding gamhawmna ahi hi. Tua gam hawmna tungtawn in, Israel in tu a amau ngahsa gamteng bek thamlo, tua gamhuam khempeuh laak kullai ding cihna ahi hi. Pasion in gamh in apiak leitang tungah Israel in bittakin teeng thei ding uhhi. Pasion neihsa leitang tungah teenna tawh thukhun ombang in leitang a zangte suak hi. Ahihhang Pasion' hong kalsuanna zong mihing in dawngthuk ding hi. Laibu alang masa tengah Pasion in Canaan mite a hawlkhiatna thu; alang nihna tengah Israel in tua gam a laakna thu ahi hi.

Gamlaakna ah buai niainuaina tengin eima' hotkhiatna vanglian limpua ahi hi. Ei zong Israel mahbang in hotkhiatna ngahna dingin bangmah hihtheilo hihang (*Eph. 2:8,9*). Israel in Pasion tawh thuciam sungah kikhawlhna hangin, tua gam zong piakkhong in apiak ahi hi. Amaute' hoihna hangpeuh zong hilo hi (*Thkna. 9:5*).

Israel in Pasion piakkhong gamah nuamsa dingin, tua gam' vaipuak khempeuh sem ding uhhi. Tua mahbang in eite in zong Pasion' gammite ihieh manin, itna tawh a thu mang in siangthona ngahna ding ahi hi. Thu kibang ahiehloh tei hang, hehpihna tawh leitang a piak mahbang in hotkhiatna zong hehpihna mahtawh pia cihpen kinai zawzen hi. Na lamdang khat hong kipia zo ahihteih hang, citaktak in kemkei leng khahsuah theih dinmun ahi hi.

Kamciam Gam alaak lai un a phutkhak uh tona lianpipite tawh a kibang tuni Khristian te in koibang tonate phukha uh hiam? *Phil. 2:12; Heb. 12:28.*

Jubilee

Tua gam in Pasion' mi Israel a dingin laigil mahmah ahilh manin tua gampen kilompiak theilo hi. Makailam mi tawmno peuhin deidanna tawh a hawmtheih lohna dingin a nampi, abeh, aphung leh innkuan in hawmkul hi (*Gam. 34:13-18*).

Simin, Siampi. 25:1–5, 8–13. Sabbath kum le Jubilee kum tegel a deihna in bang hiam?

Egypt tawh tehkakna ah, gam mite in amau' leitang khahsua den in Pharoah' na semte suak zel uh a; Israel a dingin Pasion ngiimna ahilhleh mee (*vote*) piatheilote cikmah hunin hi nawnlo in suakta ding uhhi. Acil apat in a minpua mi leh innkuan lobuang kua mah dangin neitheilo hi. Pasion' ngiimnasa ombangin tua leitang ki zuaklo ding hi. Akum ciangtan Jubilee a cin dong a kilawmzah khat tawh kawmthei hi. Pupate' leitang a zuak thei ding tanau khatin Jubilee maa in tua leitang tankik ding hi (*Siam. 25:25*).

Tua bangin leitang hawmna in Pasion' lungsim sungah tawlet khat kihong sak hi. Vantung i Pa in, Atate peuhmah amau sangun a kamsia zawte tungah piakkhiat siam in kum sagihna dong amau' leitang phal ding cihhi. Tua Sabbath kum cih zong Sabbath thu kham mah azaizaw in hong lahna zong ahihi. Gimtak tawltak in nasep lawmlawm sangin, leitang neihna in sum haksatna aneite tungah zahtakna piaktheihna ding ahi hi.

Thukhun omsa bangin leitang neihna pen, Israel mi khatpeuh in nuntakna thak khatpeuh a kipat ciangin, ama' gamh in nenniam simmawhna peuh a hihlel lohna ding ahi hi.

Hihthu mahmah in lungdamthu abulpi hi a, ahau le azawng omtuanlo in; nasep topa le nasemte, a hampaha zawdeuh le a hamsia zawdeuh cihtek khempueh in liangko kikim in Pasion' hehpihna kisam khawm uh cih theitel ding cihna ahi hi.

Israel in Pasion phuhsa dinmun awlmawhlo kha ahilh manin, zalom tampi khit ciangin, neihsa taan theihna ding vauna teng tangtung takpi hi (*2Khang. 36:20, 21*).

Israel in leitang a kikawmna thukhun le Sabbath Pasion' maiah liangko kikimna koibang in hong lak hiam? Kipawlina tampitak te buaina a tungsak thei, tampi bawl tampi zang acite tungah Sabbath in koibang in “no” hong cisakthei hiam?

Leitang Puahkik

Simin, Jeremiah 24:6; Jer. 31:16; Ezekiel 11:17; Eze. 28:25; Eze. 37:14, 25. Israel in Kamciam Gam ah hong ciahkik na'ng Pasian' kamciam in bang hi a, koibang in tangtung hiam?

Babylon ah saltan laitak in, inntaan lotaan bek thamlo, Pasian' kamciam sungah Amah tawh kikhawlhna hangin kamciam gam a kipsakna zong kician mel nawnlo banah, gam luahtheihna ding zong ciangtan omneunau lai hi. Israel in amau' mawhna uh pulak in kisik in, lungsim khempeuh tawh Topa a zon uh ciangun, Pasian in zong amau a puahphatna lim in amau' leitang paipih kik hi. Amau' leitang tungah a omloh sungzong Ama' mite hiveve lai cihna ahi hi.

Bangbang ahi zongin, Israel in gam a neihden theihna ding kamciam zong, a hun zui hilailai (*Thkna. 28: 63; Josh. 23: 13, 15; 1Kum. 9: 7; 2Kum. 17:23; Jer. 12:10-12*) a, a munngei ah koihkik ding kamciam le saltan hun khit ciangin Israel nuamsa kik ding cihna ahi hi. Tua mahbang in Lai Siangtholui kamsangte in zong puahphat kikna khat David thak kumpi' hun hong omkik ding cihthu pulak uhhi (*Isa. 9:6, 7; Zech. 9:9,16*). Hih kamciam in zong, tanglai Israel mite tungah kamciamna a tangtunna Zeisu Khazih' nuntakna, sihna leh thawhkikna sungah tangtung ta hi.

Lai Siangthothak sungah, Kamciam Gam pen kician takin pulak lianlo ahihhang, Pasian' kamciamna pen Zeisu Khazih tungtawn in tangtung cihbel gen hi (*2Cor. 1: 20; Rom. 15: 8*). Khazih sungah tua gam thaksuah in, a citak Ama' mite pen Pasian in thupha piak ding ngiimna nei cih tu le a tawntung in limlahna hong suak hi (*Eph. 2: 6*).

Leitung thakah, mawhna le a sulzuite tawh kipelh hithiat in, tawngakna, hauhna leh cidamna om ding cih kamciam tangtung hi. Khristiante lam-etna pen, Khazih in kong paikik ding hi acih kamciamna tungah kinga a, vantung ah kum 1,000 sung omkhit ciang in, a thakbawlsa leithak ah Ama' tawntung kumpi'gam phut ding hi. Tua thu pen leitang i cihcih tawh a kipawl kamciamna a tangtung taktakna hiding hi.

John 14:1-3; Titus 2:13, le Mang. 21:1-3 simin. Hih munah eite a dingin a sangpen lam-etna in bang hi a, tua lam-etna a picinna dingin Zeisu' sihna in koibang in hong aamahkhan hiam?

Ngaihutbeh Ding: Ellen G. White, *The Great Controversy*, lai. 672-678 “The Controversy Ended” simin.

“Tua khuapi kongpi panin lut-tum ciangin bit tawntung ding hihang. Bit tawntung ta ihih manin lungdam ding hihang. Tuni ciangdong awlmawh ding khat pen, sawltakpa hong khaamna hi a, “tua tawlngakna sungah a lutlah na suahkhak lohna ding un lau in kidawm ni” (*Heb. 4: 1*). Canaan’ tangthu thei, Canaan’ la sa, Canaan sung lut ding la-etna sungah lungdam, lenghuan leh nisuk taam sung lutding kamciam, cihte tawh a kipelh tua Israel mite thu nathei khinzo uhhi. Tua gam la in ateen theihna ding thu pen, Pasion sung ah a nungta upna nei in Ama’ kamciamte thupisak ding hi”—Ellen G. White, *The Youth’s Instructor, February 17, 1898*.

“Lai Siangtho in hotkhiat kha te gamhluah pen “gam” cih (*Heb. 11: 14-16*). Tua mun ah vantung Tuucingpa in Ama’ tuute nuntakna tuinak ah paipih hi. Nuntakna sing kung in zong khasim in gah a, a tehte in minamte a ding nasem hi. Crystal suangmanpha bangin a teekelkel, a luang den gunte, tua gunte gei ah, singkungte niim dildial in Topa’ tatsate’ paina lampi tungah aliim pia uhhi. A zaimahmah zaanguam te in, mualbawkte’ hoihna teng kilangsak a, amaute’ nunglamah Pasion’ mualte in a sangpen in om kimu hi. Daihna tawh akidim hih leikuamte leh gunte geiteng ah, sawtpi khualzin a tawl Pasion’ mite in tawldamna innte neita ding uhhi”—Ellen G. White, *The Great Controversy*, p. 675.

Kikupding Dotnate:

❶ John 10:10 sunga a kicing nuntakna limpua ci in Khazih in nungzuite tungah a gengen Kamciam Gam lungngai dihin. Hauhna gam sungah teenna hangin hamphatna in hotkhiatna thuphate koibang in hong lahkha hiam?

❷ Gamkhat sungah gami hihna hangin nundan khat tawh nuntakna in koibang in kizopna nei hiam? Khat le khat koi bangin kipanpih thei hiam? Pasion’ gammi hihna in bangteng hong huzaap thei hiam?

❸ Mihing ihih manin, mi hong kamciamna leh eima’ kamciamna hangpeuh in lungkiatna omthei hi. Pasion’ kamciamna na koici muantheih ding hiam?

❹ Koi bangin hong tung ding Lei Thak kamciam in mailam hun a kamciam hi mah taleh tu-in na nuntakpih thei veve hiam?

Alawhcing Tecipan'na Hilo

Adventist University of the Philippines ah sang kah South Korea mi Kim Sun in a mi sap khat tui a kiphum ciang'n inn khat khit khat luut in na a kistem thei ding hiam kici hi. Amah pen Adventist hilo, tua bang-a a sep zong a khat veina hi.

Amah a pai pihpih pastor pa kiang ah “ka sep uh pen bang hiam, veeng hoih nading na kispna hiam?” ci-in dong hi.

Pastor pa in “hilo, hi pen mission kici hi” ci hi. Sun in “hih dan in hun bit sep theihna a hiam?” ci hi. Pastor pa in “om mah, tua pen missionary kici hi” ci hi.

“Kei zong ka sem thei diam?” “Sem thei mah, thaman' bel tawm hi”

“Bangci sep theih ding ka hiam?”

“Nurse na sinna pan theoogy laak kuldng”

“Maw, ka nu dot kul in ciai”

Sun pen a nu a pa te'n mi a suah ding a deih man un Philippines ah sangkah sak hi. Tua man in ah a ut bangin om hi.

Sun in a nu a hopih ciangin a major a kheel thei diam ci hi.

A nu in “Theology” pen bang hiam ci hi.

“Pawlpi ah na sepna hi” sum bel tawm ci hi. A nu in nursing zong na sin suak ding le Theology la thei na ci hi.

Sun in “nurisng uk ke'ng” ci hi. A nu in ngaihsutna khat nei hi. Amah deih pen a tapa a hau ding hilo-in mi hoih a suah ding deih hi. “Theology la le cin zu, za na zang' thei lai diam?” ci hi.

“Zang theilo ding” acihteh “na major kheel kan oh” ci hi.

Sun in zong theology uk hi. Amah'n Lai Siangtho gen ni sagih ni Sabbath thute sin hi. Daniel le Mangmuhna thute sim hi. Tui kiphum hi.

Sang khak sungin inn a ciah ciangin a upna thu a nu a pa kiang gen sawm hi. “Nu aw pa aw, tun' thu hong gen nuam ing. Sunday ni pen Sabbath ni hilo hi. Sani ni pen Sabbath hi. Daniel in Nebuchadnezzar' mang a khat sakna na thei hiam?” ci hi.

Anu a pate bang hang in a lungsim uh kihong lo a hiam cih amah'n tel zolo hi. A nu in “na Pasion mah na bia inla, ka Pasion mah na bia ning” a cih ciangin Amah zong lungnuam lol hi. Sun in “Pasion pen tua Pasion mah hi. A gen bangin zuih kul hi” ci hi.



Kim Sung pen 1996 Sabbath 13na sumpi tawh Silang, Philippines zumpi ah 1000 Missionary Movement' associate director sem hi. Mai kaal ah sim beh in.

Joshua Taktak



SABBATH NITAAK

Tu Kaalsung Simding: *1Cor. 10:1–13; Matt. 2:15; Josh. 1:1–3; Sawl. 3:22–26; Heb. 3:7–4:11; 2 Cor. 10:3–5.*

Kamngah: “Tu in hih thu khempeuh in eite etteh dingin a piang hi a, hun nu’nung a om eite hong kihilhkhohh nadingin a kigelh ahi hi.” (*1 Corinth 10:11, ZSV*).

Joshua’ laibu sungah, ama’ nundan taktak le amah’ hihna taktak sangin nakpi takin a lianzaw thukhat om khinkhian hi. Tua thukhun in Lai Siangtho sungah adim ahaa in om a, Canaan in tawntung leithak lam-etna limpua ahi hi. Tua banah, leitung biakbuk ngeina te in a sangzaw hihna kaw k a: “Ahizong in tu in a hoihzaw thu asem ding Siampi Lianpen Khazih hong tungkhin a, Ama’ lutna biakbuk pen, aki piangsak tawm, khut tawh akibawl biakbuk hilo in, a lianzaw a cingtaakzaw mun ahi hi” (*Heb. 9: 11*).

Dotna khat hong piang pen: Nung ciangin picing ding cih Joshua in koici pulak hiam? Hih laibu hibang in a letkhiatna in koibang in kikipsak thei ding hiam? Joshua’ laibu’ thukhunte in Lai Siangtho Thak sunga thupiang taktak le hun nunung thute koibang in hong genkhol hiam?

Tukaal sungteng in, Lai Siangtho letkhiatna ah limlah nate thukhun teng ending hi hang. Lai Siangtho in a limlahnate leh Joshua’ nundan in Messiah’ nasepna a limlah kholna te in pawlpi sungah leh mihing’ tangthu sungah a tangtunna teng kisin ding hi hang.

*December 6, Sabbath ading kiginkholhna in tu kaal lesson sim in.

Lai Siangtho Limciinna

Anuai-a teng simsuk inla, limlahna teng zong in, Lai Siangtho in bang limlah hiam cih zongkhia in: *Rom. 5:14; 1 Cor. 10:1–13; Heb. 8:5; leh Heb. 9:23.*

Hih munteng ah “*nam*” (Greek *typos*) aihke’h “*nam lak*” (Greek *antitypos*) cihte in, Lai Siangtho Lui sunga thupiang khatpeuh a om ciang, tuleh mailam a ding akhiatna in; Lai Siangtho Thak sunga thupiang khatpeuh tawh kipawl cih Lai Siangtho Thak laikungpute in a pulaakna ahi hi.

Namlahna kammal cihpen, mimal, thupiang le kipawlna khatpeuh in Zeisu ahih keileh lungdamthu sunga akihel khatpeuh limlah kholna ahi hi. Tua limlahna kammal in a taktak tawh a kipawlpah hi a, a limkuang/hai ahi zongin, a bulpi omzia a ki nunglah ciangin, a limlah kholna pen deihna mun ah tunsakna ahi hi. Tua hi a, Lai Siangtho sunga hong limlah pen in, Pasian’ lungsim sungah a om a limlahnate khiatna pen, vantung’ deih na banglinlian ahi a, bulphuh lel ahi zong in, mailam ah hong piangding (a nam taktak) pen alim puakna hi cih.

Lai Siangtho Lui sungah namlahna laimal pawlkhat te khiatna zong, Lai Siangtho gelhte kuamah in pulaak hetlo cih zong phawking ahi hi. Lasiangtho Lui sunga nam lahna khat pen; a taktak tawh Lai Siangtho Thak sungpan a tangtun masiah, Lai Siangtho Lui genna in thukip hidden hi.

Lai Siangtho Lui in David pen koibang in pulaak a, Lai Siangtho Thak in koibang in limlak khol cih encian in. Anuai-a lim lahnate panin bang pilna kingah thei hiam?

a. David (*Late 22:1, 14–18*): _____

b. David thak (*Jer. 23:5; Isa. 9:5, 6; Isa. 11:1–5*): _____

c. A nam maan taktak David (*John 19:24*): _____

Hih munteng enleng, Lai Siangtho Lui in limlah khat nam khatpeuh a ding a nam maan taktak theihna ding lampi hong honsak khol hi. Lasiangtholui mah abulphuh Lai Siangtho Thak pen, Kha Siangtho mahin humuam ahih manin, Lai Siangtho Lui in lim alah Zeisu le Ama’ nasepna nam pen “*tulai thumaan*” naci leuleu hi (*2Pet. 1: 12*).

A Nam Lahna le A Taktak

Lai Siangtho tawh kisai Lai Siangtho Thak sunga limlahna khat peuhpeuh letkhiat ciangin, eima deihbang peuh in lilet mawkmawk theilo hi. Lai Siangtho mahin tua limlah nate gentelna ding limlahna kammal hong piakhin hi.

Tua mahbang in Lai Siangtho Thak limlahna khat a picinna ahi a, a nung picin pan dingte pen thuthum in khen in pulaak hi: (1) Khazih nuntakna tawh (*Khazih sungah a picinna*) (2) Pawlpi phutkhak thute sungah (*pawlpi sungah a picinna*) (3) Hun bei ciang (*nitawp ni ciang picinna*) cihte ahi hi.

Hih namlahna le a nam taktakte pen Lai Siangtho sung khempeuh ah om hi. Lai Siangtho simte in zong thumaan thutak icihpen Zeisu le Ama' hotkhiatna sangpen ahihnam le eima' lam-etna sangpen ahihnam telcian theihna dingin hong huh hi.

Anuai-a Lai Siangtho Lui nam lahnate entel in: Israel, Paikhiatna le Biakinnpi. Khazih sungah picinna, Pawlpi sungah a picinna, le nitawpni ciang a picinna.

1. Israel

- a. Khazih sungah picinna (*Matt. 2:15*)
- b. Pawlpi sungah picinna (*Gal. 6:16*)
- c. Nitawpni ciang picinna (*Mang. 7:4-8, 14*)

2. Paikhiatna

- a. Khazih sungah picinna (*Matt. 2:19-21*)
- b. Pawlpi sungah picinna (*2 Cor. 6:17*)
- c. Nitawpni ciang picinna (*Mang. 18:4*)

3. Biakbuk

- a. Khazih sungah picinna (*John 1:14; 2:21, Matt. 26:61*)
- b. Pawlpi sungah picinna (*1Cor. 3:16, 17; 2Cor. 6:16*)
- c. Nitawpni ciang picinna (*Mang. 3:12; 11:19; 21:3; 21:22*)

“Lai Siangtho in Pasion mah ii gelh hi, a sunga thu tuamtuamte kizom bilbial ahihna zong kimu thei hi. . . Lai Siangtho siksantin thu upna khempeuh in khatlekhat kizopna nei hi. Lai Siangtho munkhat in Lai Siangtho buppi pulaak thu tawh lawng khatin luangkawm hi.”—Raoul Dederen, ed., *Handbook of Seventh-day Adventist Theology* (Hagerstown, MD: Review and Herald Publishing Association, 2000), p. 65.

Lai Siangtho mun khatpeuh a khiatna telhak nasak ciangin na koicih hiam?

Joshua, Nam Lahna

Lai Siangtho nam lahna tawh kipawl in, Moses le Joshua tegel' nundan a ki zawitawna bang om hiam? *Pai. 3:1, 2; Josh. 1:1–3; Gam. 13:1, 2; Josh. 2:1; Pai. 3:5; Josh. 5:15.*

Kalmasa lai in i muhsa mahbang in, Joshua pen Moses thak hi a, khangnihna te lakah Egypt pan Paikhiatna sungah a thupi kalsuannate bawlsak kik hi. Moses mahbang in amah zong Topa tawh a mimal ngiat in kimu uhhi. Amau gel' makaihna tawh Israel in minamte lakah kihtakna minthang mahmah hi. Moses in San Tuipi kaantanna ah makaih a, Joshua in zong a lamdang Jordan kaantanna ah makaih hi. Amau gel tungmah ah vun aatna a kispna leh Paisan pawl a kispna cihte phawkkik sak hi. Manna zong Moses' hun pan kipan hong kipan a, Joshua hun ah tawp hi. A nihgel un khedap suah ding kisawl hi. A nihgel un a khut a zan nakleh Israel galzawhna lak hi. Moses in gam hawmsemna ding hilhcianna le bukna khuapite ciangtan hi. Tua hilhcianna Joshua in tangtun hi. A nihgel un a nasep uh a khawl dinguh ciangun kam vaikhakna leh mipite in thuciamna thaksuahna ding mipi tungah thupia hi.

Simin, Thuhilhikna 18:15–19; 34:10–12; John 1:21; Sawl. 3:22–26; le Sawl. 7:37. Moses' genkholna ahi amah bang kamsang khat cihpen kua in tangtung sak hiam? Tua sungah Joshua in koibang in kituak sitset hiam?

Joshua' nundan pen, Moses' genkhol (*Thkna. 18:15, 18*) tang'tun na ahi hi. Ahih hang Moses' genkholna pen a sangpen dongin tangtung nailo zaw hi. A sangpen dongin a tangtung theihna dingin, hih genkholna in Messiah sungbek ah tangtung (khin) ding hi. A mahin Pa theitel mahmah hi (*John 1:14, 18*); Amah pen hong kilahkhia Pasian taktak ahi hi (*Luke 10:22; John 14: 6; Matt. 22: 16*). Pasian in Ama' kam sungah Athumaan koih sak hi (*John 14:24*). Tua hi a, Moses le Joshua nundan tegel in hong pai ding Zeisu Messiah namlahna hong suak uhhi.

Topa tawh na tonkhawpna ah Zeisu in koibang in thulaigil hithei hiam? Khristian phutkhakna sungah Zeisu le Ama' hong hihsak nate in banghang in thupi ding hiam?

Joshua Taktak, Limciingpa

Joshua tangthu pen namlahna kammal thungawmna sungah etkul ding hi. Joshua in a makaih galvai teng pen tangthu vive hi a, Israel' tangthu sungah a kislam mahmah thu ahi hi. Hih galvaite a ngiimna bulpi in Kamciam Gam sungah Israel te koih a, amau ngah zah ciat uh tawh lungnuam in, Pasian thukhunte tungah akiphut kipawlina thak khat phuh ding ahi hi.

A nungciang in, Lai Siangtho Lui laikungpute in, Isaiah laibu bange in Messiah' nasep nate a pulaakna ah “a kinsua na gamsung uhah, note kong tengsak kik ding” (*Isa. 49:8*) cih. Tua sungah Joshua laibu in a zatzelzel laimal khat tawh kibang hi. Joshua in Israel mite amau' munciat ah koihdang vaipuak nei a; Messiah in zong, Joshua thak ahih na tawh, Israel thakte mah khalam gamluah sak hi.

Simin, Heb. 3:7—4:11. Moses a thakpa Joshua in, Zeisu Khazih nam lahna a hihna, Lai Siangthothak in koibang in kipsak hiam?

Lai Siangtho Thak laikungpu te in Joshua' nasepna tungtawn in Zeisu Khazih' Pasian nasepna namtampi tawh pulaak hi. Gamlak vak kum 40 khit ciangin Joshua in Canaan sungah hong kalsuan ta a, tua mahbang in “Joshua' nam maantaktak” Zeisu in zong gamlak ah ni 40 a om khit ciangin a leitung nasepna sungah lut hi (*Matt. 4:1-11; Luke 4: 1-13*). Hih leitung gamlak ah ni sawli a om khit ciangin vantung nasep zong kipan hi (*Sawl. 1:3, 9-11; Heb. 1:2*).

Zeisu in Jordan Gun ah a kituiphum khit ciangin (*Jordan a kaantanna*) (*Matt. 3: 13-17; Mark 1: 9:11*), lungdamthu laikungpute in Late 2:7 le Isa. 42: 1 Messiah phatna late panin, Yahweh nasempa' thuaksiatna (*Matt. 3: 17; Mark 1: 11; Luke 3: 22*) sungpan in alaak ahi hi. Ama' ki tuiphumna hangin, Zeisu in, vantung galhangpa suak in, Yahweh in gitlohna gal a dona sungah, nuntak sungteng citaktak in, sih dongin adopa in kipulaak hi. Ama' nuntakna leh singlamteh tungah a sihna in Satan hawlka in, khalam galteng zogawp, Ama' mite daihna pia a, tatsate tungah gamh hawmsak hi (*Eph. 4:8; Heb. 1:4; Heb. 9:15*).

Khazih in hong bawlsaksa sungah “tawlna” thei cihin bang a cihnopna hiam? Eite a dingin Zeisu in Satan zogawp khin cih koibang in hong lungmuangsak hiam?

Joshua le Eite

Joshua, nam lahna hi a, Zeisu' pumpi ahi pawlpi sungah Zeisu Khazih' nasep na picing sak hi. Joshua' galsim nate pen; pawlpi sungah eima' pawlpi sunga khalam galsimna tetawh koibang in honglahkhol naci hiam? Koibang in kilamdang hiam? *1Tim. 1:18; 2Tim. 4:7; Eph. 6:10-12; 2Cor. 10:3-5; Sawl. 20:32.*

Lai Siangtho Thak laigelhte in Pawlpi sungah tangtunna pen Joshua' namlahna ahih phawkkha uhhi. Khazih' pumpi, pawlpi tawh a kipawl tengin gitlohna vang tawh gal kidonna ah kihel a; ahihte hang, Pasian' hehpihna leh amau' gamhluah khalam thupha te sungah tawldam in nuamsa uhhi (*Heb. 4: 9-11*).

Joshua' namlahna a sangpen dong a picinna pen a nuaia munte in koibang in gen hiam? *1Pet. 1:4; Col. 3:24; Mang. 20:9; Mang. 21:3.*

A nunung le a sangpen Joshua namlahna tangtunna in Zeisu Khazih hong paikik ciangin a sangpen dong picing ding hi (leitung beiding upmawh genkholhna).

Tuni eite a dingin, Messiah hong paikhin hi. Ama' Pasian nasepna te genkhol a kisap khol loh hang, nungzuite nangawn in a lungngaih uh Ama' omzia (*John 17:22*) leh a vangliatna kilangsak in, Khazih' omzia teng lungngai in eima a suaksak ding hi (*2Cor. 3: 18*).

Zeisu lungngai semsem leng, Ama' omzia hoihna lengkik sak semsem hihang. Tua mahmah zong Khazih tawh nisim tonkawpna a bulpi mah ahi hi. Tua mahin nisim in Pasian' Thu sungah om ding a thupitna ahi hi. Tua ahih manin Zeisu hong hilhsa teleh Ama' omziate tungah hun la in nuamsa ding hihang. Amah en leng eite kikhel ding hihang.

Nam lahna Joshua in, "Topa, napu napate uh Pasian in, note hong piaksa leitang ah pai in naluah ding uh bang tanvei zekai lai ding nahi uh hiam?" (*Josh. 18:3*). Joshua a namtaktak, Zeisu in tua dotna koibang in hong dong pha hiam?

Ngaihutbeh Ding: “Khazih’ nasep pen tua hunlai a mite in telzolo uhhi. Ngeina, thupil leh bawltawm thukhunte tawh Pasion hong piak pilna te seelcip uhhi. Hih thupil ngeinate in biaknamaan taktak teltheihna dingin hong khak-hal mahmah hi. Amah taktak hong tun ciangin zong, Amah leh Ama’ tangtut namlahna, liim nei khempeuh telmello uhhi. A taktak nial zaw in, a nam lahna le a kizangthei nawn lo pawl khawngte bek len tentan pong uhhi. Pasion’ Tapa hong pai taleh lim mah ngen tantan lel hi. “Kisik un, vantung gam hong piang ta hi” a cihteh, amaute un nalamdang ngen uh hi. Honkhiapa sangin lim lamdang a ngenzawte a dingin, Khazih’ lungdamthu pen paltuk theih ding thaang ahi hi. Amaute in Messiah kahi hi cihpen na lamdangte leh; hih akisia leitung ah Ama’ gam a phuh ciangbek in kipsaknuam uhhi. Hih lametna pen Khazih in khaici vawhpa gentehna sungah dawng khin hi. Pasion’ gam pen avui atang tawh phuh ding hilo a, mihingte lungsim sungah thukhun thak khumsak ding hizaw hi.”—Ellen G. White, *Christ’s Object Lessons*, pp. 34, 35.

“Pawlpi in Pasion thu ah na neucik khat angawn ah a citak Calebte le Joshuate kisam hi. I pawlpi in nasemte kitasam mahmah hi. Leitung in zong i leiletlo ahi hi. Nisuahna lam gamte’ milimte biakpih uh in thumaan khuavak a mu ngeilo khuapi liante le khuanu note ah Pasion thupuak ding kisampha hi. Nuntakna sangzaw deuh anei pawlpite in, khate Khazih kiang a paipih theihna dingin, a lungsim uh siangsaklo ahiah man un; pawlpi sungah Pasion’na sepnopna lungsim anei mi om nawnlo ta hi. Eite in lungsim takpi tawh nase ding i deih hi. “Hong pai in kote hong huh un” cih kikona a dawng ding mi om nawnlo ta hiam?”—Ellen G. White, *Testimonies for the Church*, vol. 4, p. 156.

Kikupding Dotnate:

- ①** Lai Siangtho in a namlahna tawh Nang a dingin Zeisu Khazih in hong hihsak cihthu koibang in hong telsiam sakthei naci hiam?
- ②** Eite khalam galdona in Canaan laakna tawh koibang in kibang a; koibang in ki tumdang hiam?
- ③** Joshua’ namlahna leh a picinna lungngai dih in. Nisim eima nuntakna hah katna ah natna, gimna leh sihna a omlohna leitung in, lam-etna taktak koibang in hong piathei ding hiam?
- ④** Joshua in Pasion zia le tong, Khazih nasepna a pulaak thute ngaihsun in. Koi bangin na nuntakna in Zeisu zia le tong kilangh sak thei hiam?

Pasian Geelna Muan'na

Kim Sun in Adventist University of the Philippines ah Lai Siangtho a sin' thute inn a ciah sim in a nu apa te tawh a kinial kum li bang pha hi. Naak gen lua ahih man un anu apa te' pawlpi in amau aa ding thu nakpi tak nget sak uh hi. Amau la tua pawlpi ah deacon, deaconess sem uh hi. Mi 100 phial bang in pawlpi pan a taai khat loh nading un thu ngetsak uh hi. Anu in Sun kiang ah Lai Siangtho kikim loding ci ta hi.

Thu gen sia khat in Pasian in mimal kim aa ding geelna nei hi cih a zak ma dong Sun pen lung nuamlo hi. Amah'n zong a nute aa ding a deihsak dan pen Pasian deihdan hilo ding ci-in ngaihsun hi. Amah zong thu ngen in Pasian geelna muang hi. Amah zong Lai Siangtho thu kum nih bang gen nawnlo hi.

Tua sung teng in Sun pen master degree hong zo-in pawlpi ah nasep ngah hi. Pastor ahih nop hangin tua nasep ngahlo hi.

Hun hong paipai in a nu zong ama upna in a tapa' deihdan khaktan hiam ci-in hong ngaihsun hi. Sun kiang ah mite na nu na pa te Adventist mawh ci-in a kidotteh amau pawlpi dangte hi ci-in adawn' lam anu in na gal' zaak hi. Anu zong Sun kiang ah "na nasepna pawlpi ah hong luut le ung nang aa ding a pha tuam diam" ci-in dongh hi.

Sun in ama mailam ding a lung hi'mawh lam uh thei hi, ahih hangin ta khaalna-in Adventist a suah ding uh utlo hi. "Bang mah phatuam kei. Lai Siangtho kan inla no aa ding in khensat uh na ci hi.

Sun in a nute' omna kiang-a sia khat tawh kimu sak in, amau zong Lai Siangtho sin kipan uh hi. Kum nga sung-a Sun' gente thu luutlo hi. Amau zong Lai Siangtho a sin uh ciangun Zeisu itna hi ding-a amuh lo uh hong mu uh hi. Kha nih khitciangin amau zong SDA pawlpi ah luut uh hi.

Sun zong nuam mahmah hi. Amah pen inn sung ah SDA suak masa in a nute zong tuun' hong suak uh hi. Amah zong Philippine ah mi khat Zeisu a theih sak lai-in a nuam dan' phawk lai hi. Tua hun lai-in hun bit missionary a suah nop lam zong phawk hi.

Sun zong Southern Asia Pacific Division-a nasep khat ahi 1000 Missionary Movement tawh na a sem khawm dingin Philippines ah kileh dingin khensat hi.

Kim Sung pen 1996 Sabbath 13na sumpi tawh Silang, Philippines zumpi ah 1000 Missionary Movement' associate director sem hi. Mai kaal ah sim beh in.



Leitangh ah Nungta



SABBATH NITAAK

Tu Kaalsung Simding: *Josh. 22; Eph. 6:7; John 7:24; Gam. 25; Pau. 15:1; 1 Pet. 3:8, 9.*

Kamngah: “Kam nem a dawnna in thangpaihna damsak a, Kam khauh in hehna piangsak hi.” (*Paunak 15:1, ZSV*)

Veng khatsung ah akiteen nakleh kinialna, kihuatna om ham tang hi. Pawlpi khat bang hileng, nungthu le dinmun atuam tuam pan mite, ngeina kibang vetlo khawngte – in lunggullhna kibang in nasem khawm thei uhhi.

Tu kaalsung Joshua 22 sunga, mipite sungpan kitelkhialhna tona lianpi khat hong piang cih kisin ding hihang. A laibu kipatna ah Joshua in, nam pawlkhat Jordan kaantan in gamlaakna sungah, nitumna lam gunpanga minamte a dingin maapanpih dingin cial hi (*Josh. 1:12-18*). Tu in ahihleh maa panpih khinzo a, suakta takin ciahthei ta uhhi. Hinapi amau un Jordan nitumna lam gunpang munkhat ah biakna tau khat nalam citciat uh a, nitumna lam namte’ lunghihmawhna piangsak hi.

Mi nasepna khat tungah thu tuatlopi in khawlsak themthumna in banghang in lau huai thei hiam? Pawlpi sungah koibang in ki pumkhatna piangsak thei ding ihi hiam? Eite hong kisapna hangin lungsim buaina piangsaklo zaw in, muhna zaipi tawh lungsim sung ah kepkhinkhian ding banghang in thupizaw thei hiam? Hih dotna tetawh kipawl tukal sungteng kisin ding hihang.

*December 13, Sabbath ading kiginkholhna in tu kaal lesson sim in.

Kipumpiakna

Simin, Joshua 22:1–8. Reuben mite, Gad mite leh Manasseh mite alang in abawl uh kiciamna hihmunte in bang gen hiam?

Jordan langkhat a mite in Moses le Joshua te'n a sawl Israel khempeuh a dingin septaang ding pen, ki-aap takin seppih khinzo ahih manin lungkim mahmah khinzo uh cih Joshua in kipsakzo hi. Amau sanggam tetawh “*ni tampi*” galsim a cihziau pong hang kum guk pan kum sagih sung bang ahi hi (*Joshua 11:18; 14:10; Thkna. 2:14*). Azi atate uh Jordan nisuahna lam a innah kinusia hinapi, amaute un, galsungah liam theihna, sih theihna cihte maingat in, a sanggamte uhtawh citak takin galsim ding teel uhhi.

Hih munteng lianin a minambup un gamvai ah kipumkhatna a thupitzia pulaak hi. Kipumkhatna nungah hongzui ding a sangpen thute a ding zong kigingkhin uhhi. Jordan in amaute kihalgawp sak hiphial taleh Israel mite aki pumkhat veve ding uhhiam? Leikiat zia in amau' minam hihna kidangsak ding hiam? Pasion biakpiak khopna mahtawh teel-tuam mite mah hi paisuak in Pasion' makaihna nuai ah kipkho takin omzaw ding uh hiam?

Tuabang hizawlo, kipkho na'ngin, Israel'na sem maimai hilo in, amaute tungah nasep a piapa Yawhweh'na sem ahihlahm uh Joshua in hilhcian hi.

Lai Siangtho Thak sungah tua thukhun mah om hi. Sawltak Paul in zong, Khristian cih peuhmah, mihing maimai a ding nasem hilo; Pasion a dingin sem cih hong hilh hi (*Eph. 6:7; Col. 3:23; 1 Thess. 2:4*). Vannuai leitung a bawlpa a ding nasem cihsang in a sangzaw sapna bang omlai peuhmah hiam?

Nisim nuntakna ah, tona leh haksatnate kiphukha zel a, hong lungkiasak dikdek in do nuam nawnlo khawngin hong omsak thei hi. Hithei zel mah hi. Hitamah leh Pasion in Ama' hong sawl khempeuh hizawh na'ng vangliatna hong kamciampa tungah kiko thei hi hang. A sangpen sapna kembit peuhheng, hih leitungah apuk mite a ding tona lianpite leh lungkiat theihna te khempeuh awlmawhlo in mainawt thei veve ding hihang.

Joshua 22:5, 6 sungah, inn aciah ding mite, Topa tungah cihtak ding Joshua in vaikhak in thupha pia hi. Pawlpi sungah khatlehkhat thu kingetsak hileng; i kikhawlhna in koibang in kilamdang thei ding hiam?

Mawhsiatnate

Simin, Joshua 22:9–20 sungah inn a ciah minamte' tangthu simin. Nisuahna lam minamte tungah nitumnam lam minamte in bang mawhpaih uhham? Tua mawhpaih na in bang ciangdong huam thei hiam?

Joshua 22: 1 sungah, nisuahna lam minamte pen Reuben mite, Gad mite ci hinapi, Joshua 22: 11 sungah “Reuben’ tate, Gad’ tate leh Manasseh alang” a cihpen in “Israel’ tate” cihtawh enkak leng thutuampian bang ahi hi.

Tualai mahah “Israel minam khempueh” acihna munah, Jordan nitumna lam a namkua le alang tengbek hi uh a, tuate kikal ah a kikkaang lianpi khat a piangsak bang ahi hi. Tua hi a amau’ tangthu sungah akiseel khinkhian khat pen, Jordan nisuahna lam a minam omte zong Israel mah kici thei ding maw cihthu ahi hi.

Tua tangthu zuunneel thei dingin ki lam-en mahmah hinapi. Nisuahna lam minam te in Jordan geiah biaknatau khat lam cihthu hong kipulaak ciangin kikangkeei ta uh hi. Hihmun in tau lamna hangthu bangmah genlo, koibang in nungtasak cihzong gen selo hi. Tua biaknatau’ deihna in zailua mahmah liang ahiah manin, Israel mipi khempueh Canaan lutna ding Jordan kaanmasak lai in gungei hong tun hunlai (Joshua 3 le 4) thu ngaihsun kik leng kiciatna bangmah omlo zaw lai hi. Tu ciangin Israel phelkhat bekma Jordan lehkaan dingin gungei hong tungkik uhhi.

A mun nihmah ah, suangtumte phut uhhi. Amasa ahieh phawkna lim hi a, a nihna leuleu pen a lungluthuai biaknatau hong suak hi. Dotna khat hong pianloh pha mawh ta hi. “Hih suangtumte bang a cihnopna hiam?” (*Josh. 4: 6, 22*). Hih biaknatau pen biakpiakna ding maw, phawkna bek maw? Hih lawm minamte in lampial ding hong kithawi ta uh maw?

Joshua, Eleazar le namkhen makaite dong mello ahiah manun, a lauhuai mahmah ki tukalhna lianpi a piangsakthei kitelkhihna khat piangsak uhhi.

Zeisu le Paul mahmah in midangte thukhen loh ding koibang in hong vaikhak hiam? Luke 6:37; John 7:24; 1 Cor. 4:5. Mi’ gam tatna tung khawngah muhkhih khak ding banghang in baihlam thei hiam?

Abeisa Thu in Lungsim Phawng

Simin, Joshua 22:13–15; Gam. 25 enkak in. Nam nihleh alangte kiangah a vapai ding palaite makaih dingin, Israel in banghang in Phinehas teel uh hiam?

A suakta gamtuam khatin dingta hi cih pulaakna hi ci in amau' muhna thuleeng mawkmawk teng a kipsakmaa un; nam kualeh alang teng un amau mahmah “Israel’ tate” ci in a nihveina kipsakna khat bawl masa uhhi. Tuakhit ciangin biaknatau in akhiatna bang hiam cih a dong dingin palaipawl sawlkhia uhhi. Tua palaipawl sungah, siampilian Eleazar a sih ciangin ama’ mun a sang dingpa atapa Phinehas kihel hi (*Josh. 24: 33*). Tua Phinehas in Baal Peor (*Gam. 25*) ah, zualzangna tawh a gualnuam mahmah Israel mite a khawlsak mitmuh a semkhia siampipa ahi hi.

“Siampi Aaron’ tapa Eleazar, Eleazar’ tapa Phinehas in amuh ciangin, dingin mihonte lakpanin paikhia a, akhut ah teipi khat tawi in, Israel mipa inndeidei sungah zui a, Israel mipa leh a numei, a numei pumpi paillet in anih in sunkhawm hi. Tuabang in Israel mite sungpan in gimna dai hi” (*Gam. 25:7, 8*).

Phinehas pen huzaap neipa ahi hi. A khawlhpih ding palaite zong Jordan nitumna nam kua leh alang teng aiawh mite hi uh a, a mimalsim mahin beh lutang (aneupen in inn kuan lungtang) ahi uhhi.

Tua palaipawlteng in genkhohlhna thukhun zui in “*Topa’ n in cih*” ci cinten in, langdona tawh thubawl (tayasuai) uhhi. A lamdang thu khat panin, Topa in bangmah cilo zaw a, “*Topa’ mihonpi in ci zaw*” hi (*Josh. 22: 16*). Israel in mawhna bawl, lampial in hong langdo hi ci in mawhsakna bawl uhhi. Hih tengah “mawhna bawl” a cihna munah, Hebrew pau in, Achan’ mawhna bawlna kammal mah zanggiap hi (*Josh. 7:1*). Tua kam mal in Moses’ laibu masa bunga sungah tamveipi mah kizang hi (*Siam. 5: 15; 6:2; Gam. 5: 6, 12 cihite enin*).

Achan le Baal Peor ah thu om khinsa hi a: zualzangna le langdona vive ahi hi. Phalna omlopi in biaknatau bawl mawkmawkna hangin, nam kua leh alang te in, lam pialna, milim biakna, gamtat siatna hong piangsak leh Topa’ hehna in Israel mipi khem peuh tungah hong tung ding cih launa pulaak uhhi.

A beisa hunin eimah mahin thusia tampi nawkkha in tuate sulzui in hong piang dingte kisiansuah ding cipak in. Tu in zong na vengte’ hong muhdan pen a beisa hun a eima’ gamtatna sa bang a hihlohna dingin Pasian’ hehpihna in koibang in kihuksak ding na hi hiam?

Kamneem in Dawnkikna

Simin, Joshua 22:21–29 pen Pau. 15:1 tawh simkak in. Nisuahna lam minamte' dawnna pan bang pila kingah hiam?

A kimawhpaihna a dawnkikna zong a mawhpaihna mah bangun, kitelcian in vang nei mahmah a, a thu bawlzia mah tawh kithuap sitset ahieh manin, tua chapter buppi sung ah a thubulpi mah hong hipah hi. Tua minamte in zong loptop dawn hetlo zaw in, teci bangmah a om hetlo akimawhpaihna teng ngai hithiat uhhi. Vang kemcing takin mawh paihta uh ahieh manin, amau' thuakzawhna in zong etteh taak mahmah hi. "Kamnem in dawnna in hehna damsak a, kamkhauh in hehna piangsak hi" (*Pau. 15:1*).

Kidaalna ding a dawnkikna kammal kipatna ah, Israel' Pasion' min *El, Elohim, Yahweh* (*Josh. 22:22*) cihte hi a, nihvei tak ci uhhi. Ahangthu in, tualgal nangawn a piang saktei, kitelkhialhna, a hilopi kimawhpaihna cihte hepkiatna dingin Lai Siangtho tawh kiciamna ahi hi. Pasion in nakhempeuh thei hi cih telcian in; hong kisawl palai pawlte zong, a tawpdong in Pasion in tonpih ding cih lam-en uhhi. Nam nihleh alang te in zong mawhna aneih takpi khak uhleh, thuh kikna apia dingin, Pasion sam uhhi (*Thkna. 18: 19; 1 Sam. 20:16*).

A kimawhpaihna bulpi mawhsakna nangawn a pelhzo dingin a lamdang mahmah pulaakna khat hong bawl uh ahieh manun: amau' bulphuhpi thubul ahi, biaknatau khat bek tawh biakpiak ding kicing nawnlo cih pulaakna hong suak hi. Lampialna lel sangin Israel panin kikhienkhiat ding launa pen amau' ngiimna bulpi ahi hi. Biaknatau lamna in amau' upmawh bangun lampialna hilo photphot hi. A mantakpi in mawhpaih a thuak nisuahna lam mite in zong; nitumna lam ate mahbang in Topa akihta mite mah ahi uhhi. Israel mite ki pumkhatna pen leikiat, pumpi leh gamhluah vai hilo a, Pasion hongkhalna te tungah a cihtakna hanguh ahi hi.

Gun nitumna lam mite'n thudik tawh a patauhsakna leh; nisuahna lam mite mawh neihlohna teng a sittel dikdek khit uh ciangun, nitumna lam mite in nakpi takin lungnuam uhhi. Amau' sanggamte' dawnkikna hangin, thulel bangun kingaihsun zawlo in, amau un mawh paihkhiat ahihlam uh a theih uh ciangun, nuam mahmah zawsop uhhi. Israel sung ah tualgal a pelhtheihna hangin a minambup pumkhatna kipsuak hi.

Mawhpaih khialhna koibang in nahih hiam? Nangma ngaihsutna hong makaih thukhun pawlkhat hawmkhia dih in. (*Late 37:3-6, 34, 37*).

Buaina Veng'sak

Simin, Joshua 22:30–34. Hih gamlumna khempeuh in pawlpi sung thubuai khempeuh lumleh theihna ding lampi pawlkhat koibang in honghilih hiam? (*Late 133; John 17:20–23; 1 Pet. 3:8, 9 etkakin*).

Joshua 22 sunga tangthu in innkuan sung, pawlpi sung le veng sung ah a kizang ding kikhawlhna thukhun pawlkhat om hi.

1. Khialhna a om ciang, khial bang ahieh ciangin, eima' muhna bang in sukkhap pah liang sangin, amau un kitel takin gencian sakna in hoihpen hi. Pasion' mite in, thusia a pian ding ciangin, kam imm bikbek in omding hi zawlo hi. Jordan gungal lama namte in biaknatau khat lamnuam cih, hoihtak in kikumkha uh hileh, hih buaina teng kipelh hieu hiau thei ding hi.
2. Mi khatpeuh in thukhen ding ahiehleh, loptop takin thukhup pahlo ding hi. Jordan nisuahna lam minamte in lampialta uh cih thu laang pen, nitumna lam namte bil sung hong tun ciangin, amaute zongun, thukhupna bawlnawh sawmkha uhhi.
3. Thukhupna natunmaa in a piangtaktak thuteng hoihtak in gencian in.
4. Kipumkhatna a omtheihna dingin nutsiat ding pawlkhat zong om hi. Jordan ni suahna lam a omte lampialna pen, gun langkhat ah a om manuh ahieh leh, nitumna lam mite in, amau' tansa gamh panin, nisuahna lam mite a dingin piak sawm liang uhhi.
5. Hong kimawhpaih ciangin, dikleh diklo hitaleh, hehna a damsak na dingin kam nem tawh dawng in. Mawhpaihna khat pen mawh paih kikna in daihna omsaklo hi. Tel siamna ngahna dingin, telsiam theih zong kul hi.
6. Daihna a omkik ciangin, lungdam in Pasion phat in. Israel mipi khempeuh te in namnih leh alang te' lungsim diktak a theih uh ciangun, nuamlua mahmah uhhi. A tuacih uh zong khial khollo cih a theih uh ciang un kisaktheih luatna in zong nei tuanlo uhhi.

Jordan nisuahna lam namte lampial khin hileh, Israel in zong thuciam' kalhna om bang in hihta ding uhhi. Ki pumkhatna cihpen thu man sawpsiangna le Lai Siangtho thu khunsate awlmawh lohtheih na ding thupiakna hilo hi. Bangbang hitaleh pawlpi thukhunte lamsang den ding zong hituanlo hi. Vaipuak anei pastorte in Lai Siangtho tawh kizui in palai sem in kihona tawh a kizawhloh ciang bekin, thukhun omsa bangin hihpan ding hi. I pawlpi sungah hibang thu kiciante zangciat hileng pawlpi omdan bangzah in kikhel ding hiam!

Ngaihsutbeh Ding: Ellen G. White, *Patriarchs and Prophets* lai. 517-520 “*The Division of Canaan*” simin.

“Mawhna thukhen ciangin olbawl luat zong a hoihloh mahbang in, ngongtat luatna le bulnei mello thukhen loh ding zong thupi hi.”

“Reuben mite leh alawmteng pil gamtatna in etteh taak cing mahmah hi. Biakpiak na maan pia dingin lungsim taktawh a hanthawn kawmin, telkhialh tuak zawsop in khauh takin aki mawhsak ciangin, khasiatluat in zong neilo uhhi. Amau mah akidaal maa un sanggamte mawhsakna teng, lungduai takin a ngaihkhit uh ciangin, amau’ sepleh bawl teng hoihlak in hilhcian a, mawhbaanglo ahiehna uh pulaak hi. Tuabang in a lauhuai sulzui teng khempeuh pelh thei in ki-itna beisaklo hi.

“Dik gige napi mawhpaih khialhna peuh a omkhak ciangin, a thuaklam pan zong om hithiat in thu ngaihsun ding hi. Mihing’ telkhialhna leh letkhialhna khempeuh pen Pasion in hoihlak in telcian ahieh manin, thu haksa khempeuh Pasion’ khut sungah aap in. Achan’ mawhna zong a sittel mahbang in, Pasion a muang mite khempeuh’ vaite Amah in hong zawhpih ding hi. Khazih’ Khasiangtho in a nuntaksak mite peuhmah thuaksiamna leh hehpihna nei ding uhhi.

“Pasion in Amite sungah pumkhatna leh unau ki-itna omding deih hi. Singlamteh tung a kikhaima in Khazih’ thungetna in Amah le a Pa a kipumkhat mahbangin nungzuite zong pumkhat ding cihi. A lam dang pen le lungsim a khoihpen thungetna kammalte in “Hih mite a ding bekin thu ahong ngetsak kahi kei a, amaute’ thugenna bangin kei hong um mite ading zong hong ngetsak kahi hi” (John 17: 20). Lai Siangtho thukhun khat paikhialo in, eima ngiimna mahmah zong lung ngai ding hihang” Ellen G. White, *Patriarchs and Prophets*, pp. 519, 520.

Kikupding Dotnate:

❶ Paul in “midangte thupi ngaihsut zawun” (*Phil. 2:3*) a cihpen, sanggamte muhkhialhna koibang in hong pelhsak thei ding hiam?

❷ A beisa in i supna i khialhna khempeuh ah koibang in khut khial ihi hiam? Tuat koibangin pelhthei ding ihi hiam?

❸ Midangte muhdan ngaihsak ding a thupitna kikum un. I pawlpi sungah thu ngaihteihna koibang in khangto sakthei ding ihi hiam? (*James 1:19 enkak*).

❹ Leitung nuntak khuasakna, nasepna khat peuhah hahkatna, hanciamna tampi lakah a nungta ihieh manin i masuan tuamtuan te sangin Pawlpi ading, Pasion ading masak zaw thei ding i hiam?

Nasepna: Pasion' Huhna

Kim Sun pen 1000 Missionary Movement tawh Philippines gam nawl lam ah kha 10 bang missionary va sem ding ahih manin a lungtang bang kisai hi. Kha 10 koici zang ding a hiam kici hi. Anute tawh kum nga bang kinial-in bangmah tunlo hi. Tu'n kha 10 bek ding ahih ciang hi.

Thu a nget kawm in “Lai Siangtho tawh pan masa leng’ ka nute mah bangin hong kinial ding. Zeisu zia lah masak kul ding hi” ci-in ngaihsun hi.

Sun in missionary ahihlam kua mah kiang ah gen sawmlo hi. Lai Siangtho thu zong gen sawmlo hi. Kha thum sung kilawm bawl phot sawm hi.

Nasep nading khuano a tun’ ciangin Sun in a kiim-a inn 20-30 bang va huh hi.

Amasa inn khat-a nupi kiang ah “huhna na kisam hiam?” va ci hi. “Huhna na kisapleh hong huh nuam ing” ci hi. Tua nu zong na nuam mahmah hi.

Mi a huhna thu hoih veeng sungah hong thang hi. A sawtlo-in huhna a deihte hong kigual uh hi. Amuh masak nu in amah sun an vak in Amah’n zong tua nu-in mi 17 huh hi.

Sun zong inn a ciah teh tawlta hi. Ahih hangin “kei pen missionary hing” kici hi.

Sun zong a sawtlo-in ama huhna a deih mi’ min teng hong nei hi. Monday pan Friday dong zingsang inn nih, nitaak inn nihte va hawh hi.

Khua sung mite tawh lawmtaat theihna dangte zong hong mu hi. Amah’n vaimiim ciing in khol khin hi. Mite’ bangzah ba ka hih uh hiam a cihteh bang mah ba kei uhteh cih san hi. Vaimiim pen Pasion piak hi ci hi. Pasion in no taang in hong piak sak hi. Khat vei bang meima pi a nei naupang khat mu-in damsak hi. Meima a dam khit ciangin a nu a pa te in “ka lungdam dan uh kigen zolo hi” ci hi.

Sun in kha thum sung bang khua sung mite kiang ah missionary ahih lam kigen lo hi. Tua pen a kisel hilo hi, kua mah’n na donglo uh hi. Amah zong mai kha thum aa ding thungen hi.

Kim Sung pen 1996 Sabbath 13na sumpi tawh Silang, Philippines zumpi ah 1000 Missionary Movement’ associate director sem hi. Mai kaal ah sim beh in.



Pasian pen Citak Hi!



SABBATH NITAAK

Tu Kaalsung Simding: *Josh. 21:43–45; 2 Tim. 2:11–13; Joshua 23; Mang. 14:10, 19; Thkna. 6:5.*

Kamngah: “TOPA in Israel innkuante tungah a gen khempeuh a tangtung lo kammal khat zong omlo a, a vekpi in tangtung hi.”
(*Joshua 21:45, ZSV*)

January 20, 1961 kum in, President John F Kennedy in kiciamna a bawllai in, ama kammal 1366 bek pha hinapi, American mipite lungtang sungah beitheilo in teng hi. Mipi in amau’ hunhoih ding bek khuatlo in, amau vaipuak dingteng bulphuh ding ci in a vaikhakna ah: “Lungsim hoihna pen eite ngah ding akip thaman hi a, tangthu in eima gam tatna khempeuh a tawpna ah thu hong khen ding ahi hi. Eite’n i itmahmah hih leitang makaih dingin kuan ni! Ama’ thupha leh huhna ngen ni. Hih leitungah Pasian’na pen ei mah in sem ding ihihlam thei ciat ni”

Israel makai khanghampa Joshua in, ama’ nuntak hun beikuan cih thei ahih man in, makaite le Israel mipite mahmah hopih ding in khensat hi (*Josh. 23; 24*). Josh. 23 a hihleh Pasian’ biakpiakna bulphuh hi. Josh. 24 ahihleh, abeisa sungah Pasian ciltakna hangin biak ding akilawmpa Amah bek hi: Yahweh.

Tu kaal sungin, Joshua in, a beisa hun a Israel te gualzawhna pulak vat bek thamlo mailam ah a gualzawhna ding lampi a zonsakna teng kisin ding hihang.

**December 20, Sabbath ading kiginkholhna in tu kaal lesson sim in.*

A Vekpi in Tang'tung Hi

Simin, Joshua 21:43–45. Koi limpen in Pasion' lim ahi hiam? Hih kammal te in tangthu Kamciam Gam bek thamlo eima' hotkhiatna nangawn koibang in kawh hiam (2 Tim. 2:11–13)?

Hih munteng in tua laibu a ding asangpen mun le biakna vaiteng ahi hi. Laibu' deihna bulpi thukhunpi ahi: Yahweh' cihtakna thukhun pen khuavak hong taansak a, Ama' kamciamsa peuhmah tangtun ngiat hi. Hih a taang tomno khat nangawn in, laibu buppi tomلاكna hipah lel hi.

Joshua 21: 43 in leitang kihawm in mun piakna thu ahi hi (*Josh. 13-21*). Joshua 21: 44 ah galte tungah zawhgawpna le leitangh laakna hi (*Josh. 1-12*). Hiteng khempeuh pen Pasion' cihtakna hang vive ahi hi. Pasion in Ama' kammal tungah citak hi peuhmah keileh – Israel in a galte' tungah zawhna leh tua leitang amau' gamh in a ngah ngeingei loding cih atheih uh kul hi.

Amah in “leitang khempeuh” apia hi (*Josh. 21: 43*), “galte khempeuh zong amau' khutsung ah apia hi” (*Josh. 21: 44*), “Ama' kamciam sa khempeuh” (*Josh. 21: 44*), “a vekpi in tangtung hi” (*Josh. 21: 45*). Joshua 21: 43-45 sungah gukvei bang a kizang kammal kol pen “a vekpi” hi a, tua leitang pen Yahweh' piakkhong ahih manin, Israel in ngahtheihna ding thu bangmah neilo hi ciphapha hi. Tua gam pia ding in a kamciampa leh galte amau' khutsung a piapa in Topa ahi hi.

Israel' gualzawhna khempeuh pen Pasion hong kalsuan masakna leh muanhuaina hang ahi hi. Tuamah in zong hotkhiatna tawh kipawl leuleu a: “Note' upna hangin Pasion hehpihna tawh hotkhiatna a ngah nahi uhhi. Note' thalawhna hangin angah hilo a, Pasion' hong piakkhong ahi hi. Note' hanciamna tawh angah hilo nahih manun, na kisialhna ding uh thu omlo hi” (*Eph. 2: 8, 9*).

Pasion' muanhuaina mah pen Paul in zong: “Amah tawh i sih khawm le Amah tawh i nungta khawm ding hi. Eite in gimna i thuak paisuak zawhle, Amah tawh i uk khawm ding hi. Amah i nialleh Amah in zong eite hong nial ding hi. Amahleh Amah ki khem theilo hi (*2 Tim. 2: 11-13*).

Pasion in Ama' kamciam tungah citak ahih manin; eite'n zong eima mailam a ding kamciamate pelhlo ding cih koibang in lung muang thei ding ihi hiam? (1 Cor. 10:13, 2 Cor. 1:18–20).

Deihsakna Lim

Josh. 21: 43-45 sungah, thumanna hangin tangtung cihthu tawh thukhup hi. Gual zawhna cihpen piakkhiatna in ngaihsut ding hi tuanlo a; Pasion' Thu zuihna tawh kizom den tawntung zaw hi. Gam a hawmna in zong Israel tungah Pasion' cihtakna (*Neh. 9: 8*) hizaw a, amau' mailam ah a khantoh laina ding uh mun awng a kipatna leh a tawpna pen amau Israel mite omzia tungah kinga hizaw hi. Israel in amau' ngahsa a lenkip zo ding uh hiam?

Simin, Joshua 23:1-5. Joshua' thupatna ah adeihna bulpi bang teng hiam?

Joshua' thugenna sungah khangham aihna nihvei sitset genkhia in, mipi khem peuh in Pasion thupiak nasep sempaisuak ding cih hanthawn hi. Gam a kialaakzawh theih na zong: Topa'n amau a ding dosak cih. Paikhiat khit nungsang amau' cihtakloh leh uploh te hilo in galphual ah vakihel teitei ding uh a, amau' galhatna hang hilo, Pasion in a lailutsak manin tua gam a neitheih hibek uhhi.

Galvai panin Pasion in Israel tawlngak pia khin ahihhang, a hawlkhiat dinguh minam pawlkhat omlai veve hi. Galzawhna cih Israel a dingin picinna, akikhel theilo amau' dinmun cihbang hituanlo a; Pasion in a huhtheih na'ngin Ama' tungah kinga tawn tung dinguh ahi hi.

Joshua' makaihna tawh Israel in Canaan a laakna leh tuni ei Khristiante in khalam gualzo nuntakna i neihtheihna in koibang in kizawitawn mahmah thei naci hiam? Josh. 23:10; Col. 2:15; 2 Cor. 10:3-5; Eph. 6:11-18.

Israel' galzawhna teng pen amau' thahatna leh galsiamna kici theilo hi. Tua mah bangin mawhna leh ze-etna tungah khalam galzawhna pen Zeisu' hong sihna leh hong thawhkikna hangbek hinapi; tuni Pasion' mite in a tumdang phadiak khalam galzawhna ngah theihna dingin Kha Siangtho vaihawmna tungah kinga zaw ding uhhi.

Eima' maimah ah kamciam tapi takmah omkhin zo hinapi a, banghang in mawhna bawl ding baihlam thei mahmah naci hiam?

A Kitel'cian Gii'te

Joshua in ama' laibu' kamhonna kammal tetawh a kibang in zang in (*Josh. 1:7, 8*), Joshua in, Israel in a maingat uh vaipuak pen leitung galvai te hi nawnlo; khalam hizaw hi cih. Pasion in *Torah* sungah alahsa thu ombang in mangin sem ding uhhi.

Israel' kimkot a om minamte tawh banghang in kizopna khauhsak mahmah hiding naci hiam? (*Josh. 23:6–8, 12, 13*).

Israel in a maingat lai launa pen, a omlai minamte' muhdah huatna zong hizawlo a, amaute' hong pawlbawlina hizaw hi. Tuatē galhiam peuhmah in Israel tozolo ding hina pi; amau' muhna leh lunggulhna te pen galhiam khatpeuh sangin lauhuai zawtham hi. Joshua in Israel' makaite a phawksak a thupi khat in, amau' phut masak ding galpen kha lam gal hizaw cih ahi hi. Israel in amau' dinmun ah kipkho ding kisampha hi.

Pasion khat peuhpeuh min lo in, ama'na semin amai ah kunna in milim biakna hi pah hi. Tanglai nisuahna lam gamte a, pasian khatpeuh min in ama' vangliatna hipah hi. Israel in amau' haksat hunsung nisim nuntakna sungah pasiante' min khat peuhpeuh sam in a kihona uhen; tua pasiante' vangliatna ngen in kipsakna zong hipah hi (*Thkte 2:1–3, 11–13 enkak*).

A hawlkhiat nailoh Canaan minamte tawh namdang kiteenna hangin Israel in amau' khalam siangthona mansuah uhhi. Tua thutawh Joshua in avauna pen minam siang tho sitsetna ding hizawlo in, Israel te khalam kisiatna a tunthei milim biakna pelhna ding ahi hi. Solomon' vai mahmah in namdang kiteenzauna hangin khalam kisiatna limlahna hipah lel hi (*IKum. 3:1; 11:1–8*).

Lai Siangtho Thak in zong Khristian peuhmah thu umlote tawh kiteen loh ding kitel takin hong hilh khin hi (*2 Cor. 6:14*). A kiteengsa a om khak leh zong, maakpah saisai ding zong hituanlo in a thu umlo zawzaw pen, Khristian nundan tawh huzaap zaw in Topa lamah kaih zawhna ding Paul in ngaihsutna hong pia khin hi (*1Cor. 7:12–16*).

A lauhuai vengte in Khristian tepen “leitung” lamah hong makaih thei ding cih Joshua in hilh hi. Eite in kimlehpam tawh tawikhai kikim in koibang in omsiam thei ding ihi hiam?

Topa' Hehna

Joshua sunga om Pasion' hehna leh thutang tawh hong gimpiakna pen (*Josh. 23:15, 16*) le Lai Siangtho sung mundang a te koibang in na telcian hiam? (*Gam. 11:33; 2 Khang. 36:16; Mang. 14:10, 19; Mang. 15:1*).

Israel in gamlak vakna ah (*Gam. 11:33; 12:9*) le Kamciam Gam panin Pasion hehna thuakkha khin (*Joshua 7: 1*) ahih manun, thuciamna tangnialna hangin a sulzui Yahweh hehna teng zong telcian mahmah khin uhhi. Hih munteng in Joshua laigelh siamna a sangpen in a lahna ahi hi. Canaan mite suksiat siang ding cih a kigenkholna kammal mahtawh Israel kiskusia ding cih a genkhol ciang in dip hong kuasak mahmah hi. Israel tungah Topa' kamciam thupha khempeuh in citak takin a tangtun mahbang in; Israel in thuciamna a nial nakvua leh, thu ciamna tawh kipawl samsiatna teng zong (*Siam. 26; Thkna. 28*) tangtung takpi ding hi.

Canaan mite inntaan lotaan sakna leh a suksiatna tungtawn in; Yahweh in leitung buppi ah thukhen mangpipa ahihna hih munteng in hong lak hi. Mawhna ahihle a omna na Amah'n zongin galphuang ding cihi. Israel in siangtho gal a dona hangun dawibia mite sangin siangthozaw pah leh kilawmna neizawpah zong hituanlo in; teeltuam mite tungah Yahweh in a thukhen hun ciangin dawibia mite in amaute' tungah Pasion' khutzat peuh hong suak zanzan zawsop hi. Israel in abeisa hun sungah agualzawh aminthan na'ng uh a teelsiam na in amau' mailam a ding pansan hong suak zaw hi.

Etpak inbel, Lai Siangtho in Pasion' hehna hong hilhna pen Pasion' itna a hilhna tawh tehtheih ding hilo hi (*John 3:16, 1 John 4:8*). Lai Siangtho in Pasion' hehna thu hong hilhcianna pen zong Pasion' itna hong hilhcianna tawh kizawitawn mahmah zaw zen hi.

Amasa in, Lai Siangtho in Pasion pen itna, thuakzo, lungduai le maisakzo cihi (*Pai. 34:6; Mic. 7:18*). Mawhna tawh a kidim hi leitung tawh kisai in, Topa' hehna cihpen mawhna in Topa a tangphut ciangin Ama' siangthona le dikna omzia ahi hi. Ama' hehna pen khengvalna, thuhnopna, genkhol theihloh le aval aliap in thuhkikna zong hi tuanlo hi. Lai Siangtho Thak in Khazih in eite adingin mawhnei hong suak (*2Cor. 5:21*) a, Ama' sihna in eite le Pasion hong kilemkik sak (*Rom. 5:10*) hi. Amah a ummi peuhmah in Pasion' hehna maingat khalo ding hi (*John 3:36, Eph. 2:3, 1 Thess. 1:10*). Pasion' hehna thu in Pasion pen vannuai leitung bup ah thukhen mangpipa hi-a, thutang a lamtopa cihthu hong lakpa ahihna pulaak hi (*Late 7:11; 50:6; 2 Tim. 4:8*).

Pasian Lentinten

Israel in ze-etna le milim biakna hangin Pasian' hehna a pelh theih na'ng lampi khatbek om a; thuciamna sunga "hihloh ding" teng phawk kinkenna zong hi tuanlo a; Topa' tungah lungsim siangtho tak tawh cihtak denna hang hizaw hi. A kibang laimal Topa tungah "len kip, beel" cihte (*Thkna. 4:4*) pen zii le pasal kikal kiteenna thuciam bawlna (*Pian. 2:24*) le Ruth le Noami tegel a kicih takna (*Ruth 1:14*) pulaakna ah zong zang hi. Joshua in ama' mite a sittelna tawh kizui in, amau' cihtakna hangin "tuni ciang dong" minampi khat in ding theilai ahihlam theih ding thupi hi. A dahhuaina leuleu ah, tua thu pulaakna zong pen Thukhente laibu' pulaakna bang ahihleh; Israel' tangthu sungah dik paisuak zolo zel hi (*Thkte. 2:2, 7, 11; 3:7, 12; 4:1*).

Israel in ama' Pasian it dingin Joshua in thuum hi (*Josh. 23:11; Thkna. 6:5*). **Itna pen sawngawh theih hilo hi; tuabang in hihleng, ama' omna bulpi mahah khawl dide lel ding hi. Tua ahihleh koibang in itna kisawl thei ding hiam?**

Israel in zong thuciamna tawh akipawl thuphate tawh a nopsak paisuakna dingin Pasian tungah citak den ding uhhi. Hebrew laibu in kitel takin "Nangma' kha a dingin kidawm pha mahmah in" cih. Hiteng ah 'ahaba cihin mihing' ki-itna zaipi huam hi. Lawmlehgual ki-itna, numei/pasal ki-itna, nu' itna, sunmang ki-itna, Pasian tungah cih- takna cihte huam gai hi. Lungsim ciimna tawh Pasian it thei in ki-aap thei hi peuhmah leng, tua itna in ama' omzia diktaktak pen palsat hetlo ding hi (*John 13: 34*). Pasian' thu piakte mantheihna pen mimal in Amah tawh kizopna tungtawn in hong phulkhia ding cih Pasian' ngiimna hi kinken hi (*Pai. 19:4*). Ka kiangah kong lakikkik hi (*Thkna. 6:5 le Matt. 22: 37 enkak*), a cihpen in, Ama' hong hehpihna leh itna siksian in acih ahi hi.

Pasian it ding thupiakna in ki-it-thuhna cihna hi a, Pasian hong itna dinmun tawh ki kim diimdiam ding cihna zong hi tuanlo hi. Pasian in kinai it ding lunggulh a, Ama' itna a it-thuhkik teng tawh zong mimal kizopna neinuam hi. Tua bangin vannuai buppi hong itna in, eima' lungsim taktawh itna leh it-thuhna hong pianna guhpi teng mah hipah hi.

Zeisu in a nungzuite tungah Thukhamthak khat pia hi. Hih thukham in hunkhat sungmah ah koibang in luizel thakzel thei hiam? *John 13:34, John 15:17, 1 John 3:11; Siam. 19:18 simkak in.*

Ngaihutbeh Ding: Ellen G. White, *Patriarchs and Prophets* lai. 521,522 “The Last Words of Joshua” simin.

“Pasian in Ama’ mite hong itna pen lianlua mahmah ahilh manin tua itna sungah mawhna teng beisak ding a; Pasian kammal sungah hong kivauna teng zong pen, lungsim aki ukzawhna ding peuh hi in, a tangtung takpi ding zong hiselo hi ci in Satan in mi tampi hong khem gawp hi. Pasian in Ama’ mite tawh a kizopna peuhmah ah, mawhna leh ama’ omzia taktak, mawhna’ mungtuppi sihna ahilhna lahkha in thumaan thutang kipsak hi. Mawhna peuhmah lohtheihloh kimaisak cihbang hingedo a, zong hilo lailai ding hi. Tuabang maisakna in Pasian’ ukzawhna aanna bulkip ahi thumaan thutang thukhun hem khia hi. Tua in a puk nailo vannuai buppi patauhna tawh kidimsak thei hi. Pasian in mawhna hangin thupiangte hong lahkha khin zo a, hih vauna te in thutang hikeileh, Pasian’ kamciam nate koibang in tangtung thei ding hiam? Tua pen deihsakna, veiina peuh kici maww maww ahilh hangin, tua in thumaan thutang hemkhia thei ahilh manin, tua pen deihsakna hizawlo a, thanemna hizaw hi.

“Pasian in nuntakna hongpiapa hi. Acil apat in Ama’ thukhaam nate in nuntakna dingmah ahi hi. Pasian’ phuhsa thukip thukho tung ah mawhna hong puakkham in, buaina hong piangsak hi. Mawhna a omlai siah peuhmah sihna om hamtang ding hi. Tankhiapa in maww na’ samsiatna a lauhuai mahmah teng hong puaksak ahilh manin, suah tak na’ng lam-etna kineitheita hi”—Ellen G. White, *Patriarchs and Prophets*, p. 522.

Kikupding Dotnate:

❶ Nangma nuntakna sungah Pasian’ cihtakna teng enkih in. Bang peuh nong lahpak thei diam? Nang lam-et bangle thungetna bang peuh in a pianloh ciang leh kamciam khatpeuh in a gamdaih dide ciangin na koici hih zel hiam?

❷ Pasian’ hehna Lai Siangtho in koici hilh cih kikum un. Pasian’ hehna pen nangma’ lungdamthu sungah khenkhat ahilhna na koici lah khiat hiam?

❸ Tu kaal sinna panin, thu umlote tawh kipawlkhop theihna ding bang thukhun teng peuh na kaikhawm thei hiam? Midangte tawh kihelkhawm in amau’ hamphat theihna ding zonsakna sungah, koibang in gamgii kician bawl in tawikhai kikim tak in hih thei ding ihi hiam?

❹ Lungsim khempeuh tawh Topa na pom theihna dingin bang teng in hong nawngkaai sak hiam?

“Lai Siangtho Thu Honggen In”

Kim Sun pen inn khat ah a tun’ ciangin innteecknu in ama huhna na deihlo hi.

Sun in “banghangin maw, ta’khial ka hiam?” ci hi. Nupi nu in “tua dan hi kei ee, tawlngak hun nei lecin ka cihna hi. Tu sun lam ciang veeng lak ah na huh ding tam lua ding hi. Tu’n cookie te ne inla tawlnga in” ci hi.

Sun zong nupi’ nu thusiam’na a lungsim sukha hi. Amah’n thumaan lo-in kha thum bang mite na huh khin hi. Amah pen Missionary hi’ng a kicih sangin Pasion’ itna lak zaw hi. Khuami te’n amah kua hiam cih ngaihsun selo uh hi. Tu’n hih nupi nu in amah aa ding ngaihsut sak hi. Sun zong lawm taktak ngah masak na hi ci-in kithei hi.

Tua nupi bek na hilo-in khua mite’n zong Sun pen a lawm bang un bawl ta uh hi. Thu tampi zong na dongh uh hi.

Khat in “Banghangin a mawkna-in hong huh na hiam?” ci hi. Adang khat in “Koi pan hongpai na hiam?” ci hi.

Sun in “1000 missionary movement hi’ng. Zeisu Khazih thu na theih ding uh ka deih man in no aa ding na kong sepsak na hi” ci hi.

Khua mite’n “nang missionary na hihleh bang hangin Lai Siangtho thu hong gen pihlo na hiam?” ci uh hi. Sun in, “Lai Siangtho na thei nuam uh hiam?” ci hi. Amau zong “He! He!” ci uh hi.

A sawtlo in kua mah in Sun’ huhna deih nawnlo uh hi. Mi khempeuh Sun kiang ah Lai Siangtho sin uh hi. Pawl khat in Lai Siangtho sin sak ding a nget loh hang un Sun in a sapteh pai uh hi. Kha thum bang na asepsak khit ciangin kua’n nail zo ding hiam?

Sun in a nu a pa te tung ah a khialh khak dan hong phawk hi. Amah SDA a suah ciangin a nute zong amah bangin a up ding un kum nga bang na hahkat in bang mah suak lo hi. Tu’n bel amah’n Lai Siangtho pen Pasion’ itna kilahna hi cih lak hi.

Leitung pian’sakna thu genpih hi. “Hih pen Pasion hong itna hi” ci hi. Samari mi hoih, tapa taimang thute sin pih hi. “Hih pen Pasion hong itna hi” ci hi. Amah’n sianglamteh tung ah Zeisu hong sihna thugen pih hi. “Hih pen Pasion hong itna hi” ci hi.

Kim Sung pen 1996 Sabbath 13na sumpi tawh Silang, Philippines zumpi ah 1000 Missionary Movement’ associate director sem hi. Mai kaal ah sim beh in.



Tu'ni in Teel Un!



SABBATH NITAAK

Tu Kaalsung Simding: *Joshua 24; Pian. 12:7; Thkna. 17:19; Thkna. 5:6; 1 Kumpi. 11:2, 4, 9; 2 Tim. 4:7, 8.*

Kamngah: “TOPA nasep ding sia na sak uhleh na pu na pate un gunpi langkhat a om pasiante ahi zongin, amau gam a na ten’na uh Amor mite pasiante ahi zongin tuni in kua na sem ding cih teel ta un. Kei le ka innkuanpihte ka hih uhleh TOPA na ka sem ding uh hi,” a ci hi. (*Joshua 24:15, ZSV*).

Joshua laibu a tawpna lamah thuciam thaksuah sakna pawi kibawl a, Israel Makai khanghampa in tua pawi makaih hi. Thuciamna bawl hinapi, thuciam thaksuahna tawh ki bang zaw a, Nisuahna lam gamte ah leitang teng anei ukpите thukimna thuciam sung a omte mahtawh kibang hi: (1) leitang neite’ thukhun sungah thuciam kam hon nate om hi; (2) tangthu’ thupatna, leitang neite leh lokhote kikal ah kizopna (3) leitang neipa tungah lokhopa’ in zahtakna leh lawpna tawh cihtakna a lahna; (4) thumanna hangin thupha leh thuciamna palsatna hangin samsiatna (5) lokhote’ kamciamna teci te (6) tua laite mailam ah simkik ding hun sehna (7) tua thuciam siansuah kipsakna.

Joshua’ hun nunung naita a; ama’ sepna le bawlna kheng ding omlo hi. Thuciam thaksuahna in, Yahweh pen Israel’ Pasion hi a, Ama’ tungah cihtakna hangin Ama’ kep cinna sungah amaute in nuamsa ding uhhi. Israel in mihing’ kumpi kisam hi. Pasion’ thu tawh a ki uk minam khat a dingin, amau’ kumpipa in Topa hi cih a theih dinguh ahi hi.

**December 27, Sabbath ading kiginkholhna in tu kaal lesson sim in.*

Tualai-ah Na Om Hi!

“Tua ciangin Joshua in Israel namkhempeuh Shechem ah kai khawm in, Israel’ upate, makaite, thukhente le Israel uliante a sam hi. Tua ciangin Pasion’ maiah amau ciat kipia uhhi” (*Josh. 24:1*).

Shechem cihpen Abraham in Pasion in tua gam kamciamna a piak masak lai in, ama’ tuna munkhat ah biakna tau a lamna mun ahi hi (*Pian. 12:7*). Abraham tungah a kipia tua kamciamte a tungtun khit ciangin, tua kamciamte a kipiak masakna mun mah panin Israel in Pasion’ kamciamna thaksuah leuleu hi. Joshua in zong apu Jacob in “note’ lakpan in minamdangte pasiante hemkhia un” acihna kammal te mah zangpha kik hi (*Josh. 24: 23; Pian. 35:2-4*). A leikiatleh thu piangte mahmah in “*pasian*” dangte hem khia in, lungsim phel kham lo in Topa tungah cihtak ding mah ngen ngiungeu hi.

Simin, Joshua 24:2–13. Israel adingin Pasion’ thupuak kinpen in bang hiam?

A beisa hunsung teng ennik leng, Pasion’ nasepna vive hi a: “Kala hi, Kapia hi, Ka sawl hi, Ka gimsak hi, Kahih hi” cih vive hi a; “Ka hong paikhiat pih hi” “Ka hong suahtak hi” cihbang ahi hi. Israel in hiteng ah a gamtaangpipa hilo a, ama’ hangin a kitem vive hizaw hi. Israel a piangsakpa Pasion ahi hi. Abraham nuntakna sungah Pasion hong lailut kei peuhmah leh amau’ kiimkot a milim temah bia ding uhhi. Israel in minam khatin a dintheihna zong amau’ leh apu apate’ hoihna hang peuhmah hilo; Pasion’ hehpihna nasepna hizaw hi. Tua gam ah a teen theihna uh zong amau’ kisaktheih nang uh hilo in; Pasion’ na a septheihna ding uh hizaw hi.

Topa’ kammal sungah “note” le “amaute (pupate)” kikal ngavei tak gen hi. Pupate le tualai a Shechem a omte khempeuh kipumkhat sak hi. Topa in tanglai pupate bek tawh thuciamna bawl hilo in, Joshua thugenna ah omte zong huam ahihna Moses in Thuhilhikikna 5:3 ah a kipsak mahbang in Joshua in zong kipsak nuam hi. Mi atam zaw inbel Paikhiatna phukhalo uhhi. Amau khempeuh Horeb ah om kimlo uhhi. Tua pipi mah Joshua in a omkim bangin genkhia hi. Tom gen leng, a beisa thute panin khang thakte in pilna ngahthei ding uhhi. Pupate adingin na a sepsak Pasion mah in tu khang adingin hong sep sak veve dingin kisakhin zo hi.

Pawlpi khat i hihna tawh kipawlkhawm in nasepna sungah koi bangin ngaihsutna hoih neithei ding hiam; cihnopna ah, nasepna khat peuhpeuh in pawlpi mi khempeuh sukha thei cih ngaihsutna koibang in neithei ding hiam?

Diktatna le Thumaanna

Joshua in Israel mite bang hih dingin thuum hiam? (*Josh. 24:14, 15*). Diktatna le thumaanna tawh Topa' na sem cihpen bang a cihnop na hiam?

Israel in milim bia minamte banglél in omna tawh minam kician nei mello, ngiimna leh nasep kician neimello in omlel ding sangin; amau' Piangsakpa tungah citak in, amau' dinmun lenkip in tua gamah teen ding teelsiam dingin Joshua in thuum hi. Amau' deihteel ding uh ahi hi.

Joshua' thuumna in thuapnih pha a; "*lungsim tak leh thumaan*" tawh Topa kihta in Ama'na sem ding cihi. Topa kihta cihteh bit kisamello lungsim khalau den ding cihna hilo hi. Tuapen zong, eima' neuluatna, mawh kidimna leh ginatlohna teng mah tawh tehpihbei Topa' liatna, siangthona leh genzawhloh Topa hoihna te telcianna tawh Topa zahtak piakna ahi hi. Topa kihta cihpen, Topa hong thupiakte lian mahmah cih phawk kin kenna leh Amah pen vantung a om Pa ciangbek hilo in eite' Kumpipa a hihna zong phawkna zong ahi hi. Tuabang in khuaphawkna in Pasion' thu manna piangsak hi (*Siam. 19:14; Siam. 25:17; Thkna. 17:19; 2Kumpi. 17:34*). Kihtakna in Israel mite sungah lung- simpuak zia khat piangsak a, apualam ah Pasion' zahtakna tawh Ama'na sepna piangsak hi.

Israel' nasep zia ding pen kammal nih tawh ki pulaak hi: "*lungsim takpi leh thumaan*" tawh ahi hi. Kammal masazaw pen (*tamim*) hi a, sagawh biakna ah a kigo ganno siangthona ahi hi. Israel biakpiakna tawh kisai kammal nihna in "*thumaan le cihtakna*" (*Heb. 'emet*) ahi hi. Tua kammal in kipkhona pulaak hi. Israel tungah Ama' cihtakna a lak tawntung Pasion' omzia pulaakna zong ahi hi..

A citak mikhat pen muanhuai in muan taakcing hi. Bul-et mahmah leng, Pasion in Israel' tangthu sungah amau tungah Pasion' cihtakna bang cihtakna Joshua in kal hizaw hi. Pasion' kalhna teng a puatham in zui pongmawk hilo in lungsim takpi sungpan hong phulkhia taktak thu hi ding hi. Pasion in amau a ding ahihsak sa khempuuh a dingin amau lungdam ding uhhi. Tuni a Zeisu tawh i kikhawlhna ding zia ahi hi.

"Diktatna le thumaanna" tawh Topa biakpiakna cihin bang a cihna hiam? Pasion tungah na kipum-aapna pan hong lunghiang saktei bangteng peuh om ding hiam?

Suakta Takin Nasem

A citak le a thumaan makai Joshua in, amite' deihteelna thupisak in, Topa' na sepna ah sawngawh kullo in amau' deihteelna tawh semsak nuam hi. Tua kammal mah panin “teeltuam” cihthu hong pianna mah hipah hi (*Josh. 24:22*). Mun dangte ah zong *bakhar* “teel ding” a cihpen in Yahweh in Israel a teeltuamna (*Thkna. 7:6, 7; 10:15; 14:2*) cihna hi. Yahweh in a teeltuam khit nangawn in Israel in suakta takin “no” ci in nial thei lai hi taleh, khatna nei mello lel ding hi. Israel in Pasion tungah “yes” ci in nungta paisuak thei a; Pasion' nungngat le beimang thei hi.

Joshua' thuumna Israel in koibang in dawngkik hiam (*Josh. 24:16–18*)? Israel' dawnthukna pen Joshua in banghang in hici dawnkik hiding hiam (*Josh. 24:19–21*)?

Amau' dawnthukna en leng, Israel mite in amau' tuan pupate Pasion pen tu in zong “eite' Pasion” ahihlam thei uh (*Josh. 24:17, 18*) a, lunghiang lo in, Ama'na sem nuam uhhi. Dotna veng amau' cihtakna kipsak khith ciangin, Joshua kiangpan zongin kip sakna leh thapiakna kammal zalai ding hi. Ahihhang a deihna bulpi tua hi zawlo hi. Mipi leh Joshua a kihona uh sungah Joshua in dawng gilote a ding palai bangkeek in om zawsop hi. A beisa hunin Pasion in Ama' hehpihna tawh a hihsaksa teng gen masa in tua panin Israel a dingin Pasion'na sepna pen a haksa mahmah bang keek in gen hi.

Amau kammalte mahtawh a kibang in khangmasa mite in zong Pasion' thu mang dingin a kamciam piak uh Joshua in thei gige hi (*Pai. 19:8; 24:3; Thkna. 5:27*); ahih hang in tuate in amau' muk ah amau' kampau beinailo in mangngilh pah uhhi (*Pai. 32*). Tua bangin Joshua in ama' kampau siamna tawh Israel in a phawk ding tenguh hilhnuam hi. *Amasa* in, Pasion'na semding in khentatna thupi sak hi. Tua in a minambup un Pasion' lahna bangbang in zuun thei sak ding hi. Tua ngiimna a delhteivin thupha sanguh a, thu manglo te ahih uhleh a sulzui uh zong kitelcian mahmah hi. Mawh maisakna cih peuhmah mihing in lohtheihloh in a neihuh zong hituan selo a, Pasion' hehpihna hang hizaw hi.

Anihna, Israel in Pasion biak ding pen amau un khensat tawm ding uh a, Joshua pan kipan, Makai dangte sawngawhna hang hilo ding hi.

Athumna, Mihing in amau' thagui thatang tawh Pasion'na sem zolo cih Israel in theih kul hi. Thuciam zuihna zong ama' thuthu in hong piangin a kizui hi vetlo in; Honpa Topa tawh mimal kikhawlhna bek tawh a kizuitheih hi (*Pai. 20:1, 2; Thkna. 5:6, 7*).

Milim Biak A Lauhuaina

Simin, Joshua 24:22–24. Israel mite in milim biakna tawh a kipelh na dingin banghang in Joshua in a hatthot ngitngot kulthei hiam?

Milim biakna a lauhuaina cihpen upmawh thu peuh hilo hi. Tua madeuh mahin Moab zaanguam ah, milim biakloh ding Moses in khensat sak hi (*Thkna. 30:19, 20*). Tu a i muh pasiante pen Egypt pasiante, gun langkhat ate hilo a, amaute' sung mahmah ah om uhhi. Tua ahih manin Joshua in zong ama' mite'n a lungsimuh Topa' lamah om ding in zol hi. Hiteng ah Hebrew kammal *natah* “*zan, kunsuk*” ahi hi. Hong kunsuk in thunget na hong ngaihsak Pasion hong lahna (*2 Kumpi. 19:16; Late 31:2, 3; Dan. 9:18*), leh tua khit ciangin Israel mite lungsim puakzia ding kamsangte kalhna zong hilai hi (*Isa. 55:3, Jer. 7:24*). Solomon in lampial in namdangte pasiante lamaha hoina zong tuamah tawh lak hi (*1Kumpi 11: 2, 4, 9*). Mawhnei mihing lungtang sungah Pasion' thu a mangnuam thei ding lungtang pianzia neilo hi. Pasion' deihna lamah lungsim hoi thei sing khensatna pen eima' lungsim mahtawh khensat ding ahi hi.

Israel mite dawnkikna in “*Topa' thu kamang ding uhhi*” ci uhhi. Amau pulaakna uh pen kimeltheihna tawh thumanna bang ahi hi. Nuntakpihna omlopi in thuzui dingin Israel kisawllo hi. Thuciamna cihzong Topa tawh a nungta kikhawlhna hi a, thukhun maimai lel tawh kihilhian zolo hi. Israel mite biakna pen zo-ngeina bang khatpeuh hilo ding a, hehpihna tawh a kidim Honpa tawh upna sungah kiho kinkenna hizaw hi.

Joshua' thupiakna tawh minamdang te pasiante hemkhia in, Topa biakpiak ding kamciam thuapthum a piak khit nangawn in, tuabang kihih takpi hi cih ciaptehna zong om melmello hi. Joshua' laibu sung tawntung ah, Moses' hunlai in thumang in a ommah bang un tu'n zong thumang dingin Joshua' thupiakna vive tawh kidim phial hi. Tuabang a hih lohna uh tengmah laibu tawpna dong om ahih manin; Joshua' thuumna tawh laibu kipan in tawpta mai hi. Joshua' laibu thulaigilpi ahi Topa biakpiak ding pen Joshua' khanggui a ding bek hilo in; khangthakte lakpanin hih thupuak a simkha Pasion' mi khat peuhpeuh a ding zong ahi hi.

Topa tungah hih ding na kamciamna na hihloh bang zahvei bang ahi diam? Banghang hihlo? Tua in hehpihna koibang in hong teician sak hiam?

Thuhoih tawh Thukhupna

Laibu endik siamkhat in Joshua' laibu a thukhupna simpha in (*Josh. 24:29–33*). **Hih kammalte in Joshua' nundan leh-etkik bek hilo in mailamhun zong koici bangin hong enkhoh saktei hiam?**

A thukhupna sungah Joshua leh siampilianpa Eleazar sihna tawh Joshua' laibu vangnei takin tawp hi. Joshua a kivuina, Eleazar a kivuina leh Joseph' guhlehtang a kivuina teng tungtawn in laikungpu in tua gam pualam ah omzia leh gamsung a omzia a kilamdanna pulaak khia hi. Vakthap zong kul nawnlo ta hi. A leitung makaite' guhlehtang peuh puaksuk puaktoh kul nawnlo ta hi. Tuan pupate in amau' minampihte pen Shechem ah a leisa uh (*Pian. 33: 19*) suang hankhuk sungah vui uhhi (*Pian. 23: 13, 19; 25: 9, 10*). Tua mite in amau' makaite uhpen amau' gamhluah gamsung mahah phum uh a, a neih tawntung dinguh gam ahihna phawk uhhi. Tuan pupate tungah kamciamna teng tangtung ta hi. Yahweh' cihtakna in Israel khangthak te'a ding tuhun le mailam hun kizopna piang sak hi.

Tua laibu sunga thute in tua tangthute pen a beisa thute tawh kizomto sak bek thamlo, mailam a ding lampi zong hong honsak thei hi. Shrewsbury khua Holy Trinity Church ah Archbishop luipa Canterbury Lord George Cary in Anglican pawlpi cihpen “a cimong na ding hun khangkhat bek sawt hi” cih.

Pawlpi a ci-monna ding khang khat bek sawtmah hi. Lai Siangtho Lui Pasion' mite zong tua mahbang ahi hi. Israel' tangthu thupi mahmah khen khatin beina hong tung hi. Ama' mailamthu tawh kisai dotna teng a dawnna tungah ama' mailam kinga photphot hi. Israel in Topa tungah a citak diam? Gam buppi lak ding a kisam laiteng lazo ngap ding uh hiam? Yahweh lenkip in milim biakna tawh buaina a pelhzo ngap diam? Joshua makaihna tawh khangkhat in Topa tungah citak mah taleh, khangthakte in makai lianpa lamlahna bangin kha lampi a tawnthei ngap ding uhhiam?

Joshua' laibu a sim Pasion' mi khangkhat khith khangkhat in, hih dotnate mah mai-ngat ding uhhi. Amau' gualzawhna in amau' nisim nunna sungah a dawn thukna tungah le amau' ngahsa thumaan tungah a cihtakna uh tungah kinga hi.

Joshua, in Paul mahbang in, “galsimna hoih simzo hi” (2 Tim. 4:7). Joshua' gualzawhna in bang hiam? Hotkhiatna lungmuan theihna dingin tuni in bang khensat ding nahi hiam?

Ngaihsutbeh Ding: Ellen G. White, *Patriarchs and Prophets* lai. 522-524 “The Last Words of Joshua,” simin.

“Egypt panin hong paikhia mihonpi lakah milimbia tampi om uh a; tuabang omzia leh ngaihndan zong Canaan gamsung a teenkhit dongmah in om khinkhian laillel hi. Joshua in zong tuathu phawk khinkhian gige a, hong piang thei ding lauhuaina zong amah’n mu khol gige veve hi. Hebrew mihonpite sungah kipuahphatna khat om leh cih lunggulh mah mah hi. Mipi in lungsim takpi tawh Topa biak ding khensatna tawh a dintang kei vualeh, amaute un Topa tawh ki gamla semsem ding uh cih zong thei gige hi. Hebrew mi tawmno khatin lungsim takpi tawh Topa bia uh hinapi, tampi takte in ngeinaseh lel uh in biakna sungah lawp mello lel uhhi. Pawlkhat bang pen lungsim taktak tawh milim bia uh ahih manun, lawptak in Topa biakpiak ding khawng zumhuai sa uhhi” —Ellen G. White, *Signs of the Times*, May 19, 1881.

“Hih thuciamkip pen thukham laibu sungah kigelh a, siangthotak in kikembit hi. Joshua in Topa’ biakinpi gei tawsaw (*gelsing*) nuaiah suang golpi khat phut hi. Joshua in mi khempueh kiangah ‘Enun, hih suangtum pen eite langkhat ah teci hiding hi. Banghang hiam cihleh Topa in eite tungah hong thugen khempueh hih suangtum in za khin hi. Tua ahih ciangin note, na Pasion uh tungah amanlo in na gamtat lohna dingun hih suangtum pen note’ langkhat ah teci hiding hi’ (*Josh. 24:27*) cih. Joshua in, ama’ thuhilhna le vau na tengpen ama’ kammal mawkpueh hilo in, Pasion’ kammal ahihlam teltak in gen hi. Tua suangpi in khangthakte adingin ngilhmawhna mualsuang hiding a, milim biakna sungpueh ah a tuaksuk mawkmawk te langkhat ah teci hiding hi”—Ellen G. White, *Signs of the Times*, May 26, 1881.

Kikupding Dotnate:

- ❶ “Topa in a siangtho Pasion, a aam Pasion ahi hi” (*Josh. 24:19*) a cihpen kikum dih un. Pasion in koibang in hong aam hiam?
- ❷ Eite in Pasion i itna pen, Ama’ hong piaksa deihteel theihna tawh koibang in na kizomsak hiam? Suahtakna neikei zenleng i it thei takpi diam? Itna diktak pen sawngawh theih ahi hiam? Bang hang in ki sawngawh theilo hiam?
- ❸ Pawlpi makaite in khangthak te tungah a piaksawn dinguh bangteng peuh om hiam?
- ❹ Joshua’ nundan leh ama’ damlai teng Israel in Topa a biak uh ngaihsun in. Nangma nundan panin midangte in koibang in thu khupna naneisak nuam hiam?

“Pasian Koici It’ Ding i Hiam?”

Kim Sun in Philippines gam nawl ah kha thum sung nasepna pan Pasian’ itna thu a tuah khak 15 bang om hi.

Khua mite’n Pasian in amau aa ding na khempeuh a bawl sak lam gen hi. Amau zong Samari mihoih le tapa taimang’ thu a zaak uh ciangin Pasian’ itna thu lamdang sa uh hi. Amau aa dingin Zeisu in singlamteh tung ah sihan hong thuk’ lam a theih uh ciangin a lungsim lawng kha mahmah hi. Kha thum khितтеh mi tampi in “Pasian in hong it’ lam thei ung. Koici thuk thei ding kai’ huam? Koici it’ ding kai huam?” ci uh hi.

Sun in zong “hi mah ei. Mi khat in hong it’ lam i theih ciangin en’ zong kithuk nuam hi.” Tu’n pen Lai Siangtho thuk kan ding hun hita hi.

Mai kha thum sung in, Sun in Sabbath thu, sa siang le sa sianglo, sawm-a-khat le sumpite, SDA ii upna gil dangte hilhta hi. Khua mi tampi te’n zong a sinkhak thute sang thei uh hi. Amau pen Pasian a it kik dan ding thei nuam uh in pawlpi upna thugil in lamlak hi.

Sun in kha 10 sung missionary sem hi: kha thum pen a mawkna in na sepsak kawikawi hi, kha thum pen Pasian’ itna thu gen na-in zangh hi. Kha thum pen Lai Siangtho a thuk’zaw in sinpih hi. Kha khat pen mangpha khak hun hong suak hi. Sun in a nu’nung kha sung in inn citeng ah Zeisu a sang dingin gengen hi. Amah’n “kei ciah dekdek ta ing, ka pawlpi ah luut le’uh cin ut veng’ aw, ken’ thupha na sang khin ing, no zong thupha na ngah ding uh deih ing” ci hi. Khua sung mi tampi ten’ ama’ sapna sang uh hi.

Ellen White in “Khazih’ nasep dan bek in mi ngah thei ding hi. Honpa in mite deihsak in kikhohh pih hi. Amah’n a vei’na lak hi, a kisap uh pia hi, a lungsim uh ngah hi. Tua khितтеh ka nung hong zui-in” ci hi (*The Ministry of Healing*, p. 143). Sun in Khazih nasep dan kha 10 nasem hi. Mite tawh kithuah, deihsak, veina la, a kisap uh huh, a lungsim uh ngah; tua khितтеh Zeisu nung a zui ding un sam hi.

Tu’n Sun pen hun bit missionary hi. Southern Asia-Pacific Division ii nasep khat ahi 1000 Missionary Movement ii associate director sem hi. 1996 nipi 13na Sabbath School sumpi tha tawh zum phual ah kum simin missionary suak sak hi. Amah’n “missionary hihna pen sapna thupi pen hi, missionaryte Lai Siangtho bek na hilhlo uh hi. I luheek nate ah Zeisu zia i lak kul phadiak hi” ci hi.



1996 nipi 13na Sabbath sumpi pen Southern Asia-Pacific Division ah, 1000 missionary movement na sep, bekthamlo tu dong na kisem lai hi. Tu quarter Sabbath 13na sumpi in Pasian’ thupha tawh sawt kimang ding na kisem thei hi. Sumpite cinghtakin na khiat man-in lungdam hi.